

清郵政特准掛號認為新聞紙類

東方雜誌

第二十期

第四年



緒三十三年十二月二十五日發行

三井洋行

總行在日本國東京

分行

本國

札幌 函館 橫濱 名古屋

唐津 長崎 口之津 三池

清國

芝罘 天津 牛莊 大連灣

韓國

京城 仁川

印度

孟買

香港

瓜哇

馬尼拉

新嘉坡

大英

倫敦

德國

漢堡

美國

紐約 舊金山

新金山

西士尼

啓者本行開設上海有年歷蒙各省紳商垂顧貨真價實莫不交相稱譽現將專辦東西各國各種貨物略舉名目開列於後

軍裝 煤炭 五金 棉花 棉紗 棉布 絲
布 火柴 人參 木料 米 雜糧 各樣機
器 洋灰 紙煙 各種雜貨

再代辦各國有名水火保險公司事務以及東西各國有名商工公司事務發售貨目開列於後

兵船 輪船 軍火 紡織 染色 防火 濾水
火車 製紙 印書 電氣 麵粉 皮帶 製
造銀元銅元各種機器

各省紳商賜顧本行格外克己以廣招徠請駕臨上海四川路第十七號門牌面議可也

日本商 上海三井洋行謹啓

論議最精 消息最靈 譯稿最詳 訪稿最多

新譯小說 最有趣味 另加插畫 尤為

特色 欲知中國內政外交及官場民間一切

情事者不可不閱此報 留心時

事之人欲於一切要事早日知道

者尤不可不閱此報

各處皆有代
派每張大洋
壹分四釐

報

日

報

必

本報

預付

價目

第一等中國 逐日寄

全年八元 半年四

元 五日寄 全年七

元二角 半年三元六

角 閏月照加

第二等歐美各國 逐日寄 全年十

六元 半年八元 七日寄 全年十

二元 半年六元 閏月照加

全年六元 半年三元 閏月照加

第三等日本 每日共出三張

郵票不收 學堂 半費款到即寄空函不覆

館設上海英租界望平街

東方雜誌第十二期目錄

圖畫

暹羅國王克拉朗康

希臘國王佐治第一

前出使日本國大臣楊星使樞

派赴海牙第二次保和會專使前出使荷國大臣陸星使徵祥

社說

選論附

論變法之當從事根本 本社撰稿

給笑

勸學說 本社撰稿

給笑

論文明之名義 錄第九十九期南洋官報

論欲救中國當表章顏習齋學說 錄丁未十月十七日神州日報

諭旨

十一月全

內務

論開國會當先於地方自治 錄丁未八月初五日神州日報
解釋地方自治之意義及分類 錄丁未八月十三日中外日報

目錄

軍機處郵傳部會奏擬議郵傳部官制摺

考察政治館奏議覆修訂法律摺

考察政治館奏考核州縣事實並酌擬辦法摺

軍機處奏請改考察政治館為憲政編查館摺

吏部奏請添設司員額缺摺

度支部等奏議覆嚴申米禁以重民食摺

度支部等奏議覆籌畫滇省應辦事宜摺

禮部奏遵議籌給繙譯出路摺

法部奏議覆實行改良監獄摺

各省內務彙誌

京師 直隸

奉天

吉林

河南

江蘇 安徽

江西

浙江

湖北

廣東 貴州

外交

論列強競爭之前途與應付之法 報 錄丁未第三十一號外交

海牙第二次保和會記略

出使荷國大臣錢奏報保和會各國議旨並願請考訂法律預備下次預會情形摺

一

丁未

中外交涉彙誌

中日 中俄 中英 中義 中美

財政

鹽政改良之意見 錄丁未九月十一日南方報

內閣各部院會奏議覆行用金幣摺

民政部等會奏商會收化私錢酌擬章程摺

民政部奏開辦車舖捐摺

度支部奏預籌裁判外債以顧大局摺

度支部奏議覆派員出洋調查鹽法摺

度支部奏銀行第一案本利收支摺

度支部奏分設廣東四川銀行遴員辦理摺

度支部奏整理京師團法摺

度支部奏閩省擬設官銀行官紙局分別議覆摺

度支部奏變通川滇土藥統稅辦法摺

度支部奏議覆庫倫貿易商民免納釐捐摺

稅務處等會奏議覆整頓粵海關稅務摺

督辦各省土藥統稅大臣程柯會奏稅銀截數報解摺

升任山東巡撫楊奏裁撤雜捐並裁併複雜局所摺

中俄議訂北滿洲稅關試辦章程

各省財政彙誌

京師 直隸 奉天 吉林 江蘇

安徽 江西 浙江 湖南 陝西

廣東

各國財政彙誌

韓 俄 英 荷蘭

實業

論振興實業之三要素 錄丁未九月十五日南方報

度支部農工商部會奏籌議開採銅鑛摺

陸軍部奏辦製造呢革公司摺

農工商部奏遵議擬訂華商辦理實業爵賞章程摺

農工商部奏直隸保定設立農務總會請予立案並飭各省仿辦摺

農工商部奏准漢口職商創設揚子機器製造廠摺

理藩部農工商部會奏略喇沁札薩克請開辦鑛政以工代賑摺

兩江總督端江西巡撫瑞會奏籌撥官款開辦銅鑛摺
 前湖廣總督張前護理兩廣總督胡護理四川總督趙
 湖南巡撫岑會奏聯合粵湘川鄂四省自造鐵路應
 用各項料物摺

護理河南巡撫袁奏與辦實業社會遊民救養局摺
 綏遠城將軍貽奏驗收墾地擬即設局開辦摺

熱河都統廷奏丈放巴林蒙荒並酌擬章程摺

山東鑛政局簽定華德探鑛公司鑛務合同

各省工藝彙誌

京師 直隸 奉天 吉林 山東
 山西 河南 江蘇 安徽 江西
 浙江 湖北 湖南 四川 廣東
 廣西 蒙古

小說

筆記 孫三厄
 小說

雜俎

光緒三十三年十一月中國事紀


目錄

告白費表

	一期	二期	三期	六期	十期
兩面	十四元	二十七元	三十六元	六十元	九十六元
全面	七元	十三元半	十八元	三十元	四十八元
半面	三元五角	六元七角半	九元	十五元	二十四元
半面之半	二元三角	四元五角	六元	十元	十六元

療痔良方

茲者本總藥局接到荷屬孟加失兵部司員溫德畢君付來一函云 僕染痔患者已五年矣其痛楚之慘實難言喻流血過多因成血枯之症屢服瀉品乃越服越覺身子孱弱或用藥水薰洗亦不過暫救燃眉之急究竟於事無補雖蒙各醫格外用心調治無奈病勢依舊有加無已以致胃氣太弱大局垂危稍有動作則困乏不堪且時有溏瀉之累或則頭痛如刺食後胸膈不安是以雖有滋補之品亦不能下咽筋力日衰身體日輕一日面黃似土毫無生人氣象如是者一病



五載因見屢醫無效是以求治之心竟如槁木死灰矣幸有同寅某君曾得韋廉士大醫生紅色補丸之功效者力勸僕吞服此丸數瓶照方吞服後漸覺有效是以安心連服則見精神日爽胃口日增食後安然無事晚上可以安睡弱態盡除頭痛亦止而各疾若失矣凡此皆韋廉士大醫生紅色補丸之力可無疑義細思患病經有五載之久乃服了不過五瓶竟得一旦全愈且自愈後至今舊恙一概未有再發則此丸之神妙如何可無庸鄙人贅述矣此啟○按溫君之病乃血虛而兼血有邪毒所致也韋廉士大醫生紅色補丸有活血養血之功清血補血之能先清其毒又從而補之故其愈之速有如此耳此丸專理血份故能愈一切 肝木不和 風溼骨痛 腿痠 頭痛 筋衰 血竭 半身不遂 腳氣衝心 大凡發熱下痢感冒之後須調補者均宜 婦女經來各恙服之立見奇效 各處藥店均有發售或直向石叻海邊第一度吊橋脚 韋廉士大醫生總藥局採買亦可 每樽價銀一元五角 每六樽價銀八大元 不論遠近郵費均免

暹羅國王拉克朗康



希 臘 國 王 佐 治 第 一



前出使日本大臣楊星使



派赴海牙第二保和會專使前出使荷國大臣陸星使徵祥



上海商務印書館出版

新編 英華大辭典預約

洋裝二巨册
預約洋十元
定價十五元

我國近來習外國文字者益衆而英文尤爲廣行本館前輯華英譯學進士顏駿人先生總

音韻字典集成一書頗蒙海內學界歡迎銷行至廣今又聘請 譯學進士顏駿人先生總

司編輯 英華大辭典一書并請前卒業香港皇仁書院上海約翰書院高材諸君分司修訂 書凡十餘萬言都三千頁附

圖千幅 綜舉特長 一字語完備 是書悉按英人納翰而氏字典參以美國危簿司德大字典譯出

專門學要語亦 照他字典譯補 一附錄精要 如英文引用各國字語解減筆字解記號彙解(算學

明 此書華英均用六號字每字首用黑體成句用草體甚爲醒 約計明年正月二月間可以

出書 洋裝二巨册 定價十五元 凡預約者 辦法如下

一預約每部十元先交三元俟出版時補交七元領書郵費另加○一預約以明年正月月底爲止過期照定價每部

十五元發售概不折讓○一預約者應於定期內先交三元向本館總發行所及各分館購取預約券出版後請持

原券向原處領書○一凡寄款購預約券者請將洋銀三元向郵政局掛號寄交本館上海總發行所或各分館收

到後即將預約券交郵政局掛號寄奉○一廣西雲南貴州陝西山西甘肅新疆七省因路途較遠展限二月如在

明年三月底以前寄洋十元到本館上海總發行所者亦照預約辦理(但請勿寄至分館)本埠及近處不得援例

○一凡在四川成都重慶兩分館購預約券者亦照前條展限兩月以明年三月底爲止○寄書郵費如下 甲在

分館購預約券者取書時每部加郵費二角四川省分館每部加郵費五角 乙輪船火車已通之處每部加郵費

四角 丙輪船火車未通之處每部加郵費一元 丁陝西甘肅四川雲南貴州五省每部加郵費一元 日本國

每部加郵費五角 暹羅二十部以上郵費較廉當照實數收費

慶親王 題籤
瞿中堂 澤
袁宮保 戴
端制軍 呂
岑宮保 沈
盛宮保 正
序文

全部八十册

附解字一册

新譯 日本法規大全出版

裝入椶木箱

留學日本各大學卒業生 劉崇傑 梁志宸 高種 諸君校譯
陳威 何燭時 陳與年

價二十五元

日本法律之書以此為最完全凡全國法律規則命令無一遺漏欣逢 朝廷宣布立憲 諭旨有云先將官制議定次第更張并將各項法律詳慎釐訂而又廣興教育清理財政整修武備普設巡警使紳民明悉國政以豫備立憲基礎等因此書於日本官制教育財政武備巡警等事言之甚詳且係同洲同文同種之國尤足為我官紳士庶參考之用全書二十五類約四百餘萬言用上等中國連史紙印成四千數百頁預約及現售已有三千餘部 兩江總督端制軍訂購二百部頒發甯蘇兩屬並飭院轅兩藩司備價各購二百部一律頒發以為政界參考之助是書聲價無待贅陳遠地函購郵費如下 輪船火車已通之處每部郵費一元 輪船火車不通之處每部郵費一元二角 陝西甘肅雲南貴州四川五省每部郵費二元四角

上海棋盤街商務印書館總發行所

分館同啓
京師 奉天 天津 濟南 漢口 成都
重慶 廣州 福州 開封 長沙 太原

社說
選論附

論變法之當從事根本 本社撰稿

哈笑

生理學家之言曰。一羣之成立。如人之一身然。幹局既完。而五官百體之強弱堅脆。與夫衣食起居之所以自養者。胥視其內力與外境之相緣。以爲其消息盈昃之準。如是者謂之體合。而其人日以彊。不如是。則內之能事。與外之所遭。恆不相得。而陰陽百昌。一切之變。皆將相逼而來。以爲我蝥賊。而生機瘁矣。國家之成立也。經始於圖騰之社會。進而游牧而耕稼。又進而軍國。歷數千年之人事物變。推移轉蛻。由散之凝。出渾入畫。蓋必有與天演之最宜者。而後能有綱維而無扞格。非是。則其羣之劣。敗於天壤也。亦既久矣。物窮必變。而外境之與我爲緣者。乃大殊於疇昔。則吾之所以待之者。必先變其形幹。使與所處之時勢相宜。夫然後依附官骸。以遂生而扞患者。悉隨之改絃更張。不至柄鑿而不相入。苟第見他人之果腹。強力質然。效之而根本之地。忽不加察。則新法之行。不足以致治。而反以爲累。何哉。其所爲衣食而起居者。本與吾一不相宜。如單絨葛巾。以遨翔雪海。冰天之野。如褒衣博帶。以操作汽機。礪之場。未有不斃者也。

社說 論變法之當從事根本

二百十五

丁未

科舉之爲世詬病也久矣。人材之衰。吏治之窳。鮮不由之。更何容珍惜此敝帚者。然其事實爲專制國最善之機關。吾國自唐宋以還。有以盜賊外患亡國者。未有以奸雄篡竊亡國者。上下相安。而人民亦得與蒙其澤。未始非科舉之制。有以貽之前史。具存不可誣也。專制之朝。其君位最爲奸雄視線之所集。吾國兩漢以來。曹馬劉蕭之倫。輒數十年。而一見彼其人。皆以雄豪臬桀之姿。致身台輔。操兵權而握政要。足以懾朝野之人心。不幸嗣主幼沖。君威稍替。彼遂狡焉思啟。思有以紿其臂而奪之。其目的在皇位之繼承。而餘波所被。亂輒及於通國。此六朝二百餘年。所以無數十年而不亂。而民生緣之。蕪萃者也。唐之文皇。知之深矣。故戎衣既定之後。卽首開科舉。以牢籠天下之人心。束之以格律。聲病之嚴。誘之以富貴。利達之路。使非是不得進身。則豪俊秀異之士。皆必勉焉俯就。繩尺而指天畫地。之雄心自爲之息。故曰。天下英雄入吾彀中。此其爲國民進步之謀。則非矣。而鞏固專制之局。所以杜下凌上替之漸。則至妙而極神。使非五洲大通外患。憑陵則守此不變。可也。科舉如是。則夫一切法制律令之與專制政體。爲附屬者。亦若是焉已耳。

故夫吾國今日之所當變者。在先其根本。而後其枝葉。若徒羨他人富強之迹。因取其所施之政。仿而行之。豈惟不足以致富強而已。將並其嗜。昔專制之善者。而悉亡之。截松柏之枝。

附之桃李而冀其後凋也不亦難哉根本者何憲政是已今夫立憲之於君權有百益而無一損者也泰西憲政之成固在十九世紀以還而溯其遠因植根深固則遠在千載以上蓋其時拂特之政方隆貴族之威上凌其君下虐其民君主既不能堪乃始自結於國民合力同謀以傾貴族之勢及夫貴族既仆而民氣已強雖有一二頑固之君相欲保持昔者貴族之餘威以壓制國民而民不之許也浸假而今日之憲政成矣人第見泰西今日之君民一體幸福無涯幾以為非我所能企而豈知其所以致此者固與吾之科舉同一用意也哉方憲政之未成也彼之君相固亦嘗斥為邪說誠行而竭力以撲滅之及夫民氣日伸君威日縮乃始不得已而降心相從焉彼其處心積慮安知不以為大辱孰知夫憲政既成之後九重之安富尊榮有非專制之君所能及其萬一也哉吾是以日望我朝廷早決大疑而順民所欲也

勸學說 本社撰稿

蛤笑

學者何以人事戰天行之術而已有一時之時勢必有一時之學術以應之乃能爭自存於天演之場而不敵吾國之儒者惟昧於此義故其言學也廣漠而無垠實則單狹而易盡深奧而難窮實則空虛而無據胥一國秀異魁倫之士以從事於學而羣治卒不蒙其澤焉不

亦。可。惋。之。至。也。耶。鰥。生。不。敏。敢。舉。其。受。病。之。源。而。一。指。之。願。以。承。教。於。有。道。之。士。其。可。乎。
 一。則。昧。於。形。上。形。下。之。界。說。也。天。下。之。學。莫。不。有。形。上。形。下。之。兩。途。焉。形。上。者。究。其。所。以。然。
 之。理。也。形。下。者。備。其。所。當。然。之。法。也。大。而。羣。治。生。理。之。術。小。而。一。技。一。能。之。細。莫。不。有。其。理。
 與。其。法。相。為。體。用。而。其。術。乃。進。於。高。明。可。以。分。彼。此。而。不。可。以。區。重。輕。可。以。判。後。先。而。不。可。
 以。程。優。劣。吾。國。學。者。惟。昧。於。此。人。人。皆。侈。談。形。上。而。不。屑。致。意。於。形。下。講。治。道。者。重。誠。正。而。
 薄。治。平。肆。算。術。者。究。原。理。而。輕。製。造。一。切。九。流。百。家。之。術。莫。不。以。有。道。無。器。一。語。為。其。受。病。
 之。原。蓋。實。肇。始。於。宋。儒。至。今。日。而。弊。乃。大。著。此。其。一。也。
 一。則。昧。於。分。功。之。義。也。天。下。之。物。莫。不。由。簡。而。入。繁。始。渾。而。終。畫。一。羣。之。生。事。日。增。則。一。派。
 之。學。必。不。足。以。供。之。故。必。多。出。其。途。而。後。可。以。盡。事。物。之。變。而。派。別。枝。分。又。非。一。手。一。足。之。
 所。能。為。烈。也。故。必。分。功。並。進。各。程。其。能。而。後。可。以。達。所。學。之。奧。竅。西。人。之。言。學。也。有。立。科。焉。
 有。閒。科。焉。有。著。科。焉。立。科。者。名。數。之。學。是。也。閒。科。者。力。質。聲。電。光。熱。之。學。是。也。著。科。者。天。地。
 生。理。動。植。之。學。是。也。每。科。各。有。其。專。門。之。學。而。專。門。之。中。又。各。有。其。偏。端。之。一。事。條。分。縷。析。
 至。不。可。以。數。計。夫。是。以。用。力。少。而。程。功。多。而。人。才。之。勃。興。至。不。可。勝。用。也。吾。國。則。不。然。一。號。
 為。學。者。則。天。下。之。事。皆。將。責。之。於。其。身。而。其。人。亦。慨。然。自。任。不。疑。舉。夫。天。地。之。大。民。物。之。蕃。

而欲以一人之智力探索而糾緯之固世所必無之事矣夫是以所學愈博而所造愈淺也此又其一也

一則昧於進化之程也天下之事理有最不可解者文章美術大率古勝於今而學術事功大率今勝於古吾國人不知此例而一概論之故崇古保守之念多而獨立進步之思少夫世變者日演而不窮者也心理者愈用而愈出者也吾既以古人爲不可及而時存退避之思矣則心力以不用而彌鈍學術自不進而彌荒學者見其然也則愈信古人之不可及而俛焉以自安於是神州之學派乃每下而愈況矣此其故人人能言之而卒無大焉祛障蔽而卓然獨立者此又其一也

一則昧於利人之旨也學術之關繫於人羣也有厚生正德之兩義焉政治倫理之學所以節性者也工商理化之學所以養生者也然所以淑性陶情之本意仍在於聯一羣之才力心思使共遂其生而無相擾害則謂厚生之重於正德焉可也吾國之學者昧於斯旨故凡農宗計學與夫機械格致之流一切皆擯之於學外以其爲粗材而少之於是學也者非無用之名卽苦人之具耳士大夫既耽心於空疎無據之地則農工商賈之流無所取法而生計日流於窳敗生事日艱則倫常交際之間道德之心涼而變詐相傾之事起矣此又其一

也。嗚呼。學術之衰也。非一日矣。有唐以前。所謂儒者。雖不得上分周秦諸子之席。下列歐西愛智之林。然而事求有濟於人行。求無媿於己。尙未侈空談而輕實事也。故其時吏治民生。猶有所賴以自持。自兩宋以來。儒者始專爲無用之學。性理考據詞章三大派者。奄學界而有之。此外遂無復餘事。而聖賢利用厚生之大道。始截然與學不相謀矣。欲國勢之克張。與民生之不蠹。其可得乎。吾願天下承學之士。儼然於格物致知之不容已。而勿謂日暮之更張。將可以起敝扶衰。而與勝我者抗也。神州之疾。庶有瘳乎。

論文明之名義 錄第九十九期南洋官報

自吾國民受環球強國之激刺。一二穎異之士。聚熱血。挾義氣。對於吾彫敝朽落簡陋疏野之舊風俗。滋媿滋憤。以爲何不若各國之文明。此言一倡。耳食者從而和之。而利用吾者。又復張皇其言論。炫耀其規制。鈎心鬪角。竭智盡巧。而傲我以所不能。於是淺學膚識。眼簾之所觸。耳鼓之所震。見表忘裏。得餽遺精。一若我之國俗。尙未開化。文明潮流。必資東西各國爲挹注者。抑知文明二字。固爲今日各國進化之代表。而胚胎所自。要不可數典忘祖。甘放棄所本有味。味焉而遠求之也。

按文字。說文云。錯畫也。易繫辭。物相雜。故曰文。卽錯畫之義。周禮天官典絲所職。供其絲纊。組文之物。樂記謂五色成文而不亂。皆與今東瀛名詞所謂行政之組織。自治之組織。以及一切營業機關之組織。有同義焉。夫組織之道。有經有緯。經緯合而後成采色。采色配而後成文章。故史記禮書曰。貴本之謂文。親用之謂理。兩者合而成文。以歸太一。是謂太隆。太隆之象。未有經緯不勻。組織不善。而可成文章者。以人身言。忠信者人之質。用以組織。卽經是也。威儀者人之文。用以組織。卽緯是也。文質相雜。謂之彬彬。彬彬之稱。卽五色成文而不亂之代名詞也。文之義。蓋如此。

若夫明字。从日从月。易曰。懸象著明。莫大乎日月。日月所照。無幽不燭。故書太甲曰。視遠惟明。疏謂爲監察是非。此與禮樂記作者之謂聖。述者之謂明。謂明爲辨說是非義一也。且明有精白之象焉。淮南時則篇。必宣以明。注明精白也。精由於誠。白主乎潔。潔則純。一不雜。而能誠。誠至則明生。故曰至誠明。譬人心然。不染垢汙。不蔽物欲。澄空如鑑。其有不能區別。事爲之優劣。擘畫之得失。而使一舉一動。恰中條理。吾未之見也。故文必與明合。而後經緯之組織。乃可有條而不紊。開屯蒙闢草昧。此徯徯榛榛之世界。一變而有法制。教育。衣冠。禮樂之規畫者。所以謂之爲文明也。

吾中國立國蓋數千年。由漁獵時代。進而爲農工商之實業時代。聖人代作。易巢穴而宮室。易皮卉而冠服。而猶慮民生互競。無以統攝而歸之於平治也。於是。有法制。有教育。導以先路。而禁其爲奇邪。禮以防民淫。樂以和民氣。戎事武備。以除民害而衛民生。唐虞之際。所謂巍巍乎其有成功。煥乎其有文章者。已非野蠻人類。未經開化之景象矣。自是以來。世有沿革。三代之盛。至周爲極。如官禮所載。今日泰東西之政治。所謂新發明者。蓋十有八九。與我相合。由是可知。是非之鑒別。經緯之組織。無古無今。無外無中。無其進化程度。所以稱之爲文明者。殆殊途而一轍焉。胡爲舍此不講。必一切規仿。外人之形式。然後。乃謂吾國之文明。嗚呼。吾非不知。今吾國勢。遠遜列強。吾如不舉彫敝。朽落簡陋。疏野之習俗。一切變而去之。則新機阻遏。必無振起之一日。況人無常師。主善爲師。禮失求野。自古以來。此說不廢。我必怙其精液。既去。但有糟粕之舊聞見。是猶中落之家。不思補救。惟日斷斷於家族之門閥。祖宗之建樹。空言侈述。以與世之華胄競優先也。惡乎可哉。雖然。補救之術。以實不以名。今吾民之口。文明而貌。文明者是。卽爲是非之鑒別。經緯之組織。可以與文明各國較進步乎。否則。文明規範。我所固有。因時通變。取裁於人。亦在並擇。其是參互錯綜。以實行之而已。何徒取其形式爲。

且吾國與各國文明之比較。非真彼開化而我稚昧也。譬之四時之遞嬗。方春而生。及夏而長。發舒之極。木榮草秀。嫣紅姹紫。燦然畢著。然而流行之運。不能不有秋冬之寥落也。吾國文明。如發舒之物。其時已過。視彼由勾萌而條達。由條達而蓊鬱。欣欣然方見生機之鼓盪。固有盛衰之不同焉。第我不撥其本培而壅之。仍有滋長之一候。若必鋤刈其根。萎搖動其枝葉。使舊本盡絕。易爲新植。縱成材。至速。比於就已有之根幹。去其朽蠹。即可暢遂乎新機者。固已瞠乎其後矣。

今各國之文明。所謂方生而長之景象也。彼由野蠻而宗教。由宗教而政治。由政治而又分之爲教育。方之於我。其猶唐虞而後。繼以三代。一切制作。至周大備之時期乎。夫自野蠻以至於開化。譬若黑暗見日人之神明。爲之一振。故德國上下。咸自詡曰文明文明。然吾國文明之墮落。非規制形式之未備也。本有教育而奉之。爲具文本有法令而用之。爲例案。視衣冠如虛器。置禮樂若餼羊。此殆如閨闔之家。席累豐厚。挾其所有。虛糜浪擲。不使資生之物。一一皆得其實用者。以習焉。相忘其家所由。日以索耳。

不然。彼進化程度。所以名之爲文明者。何嘗異我。其他事物。姑不具論。卽以風俗言。其男女相見。有執手以爲禮者。有親額以爲禮者。此猶有杯棬之世。彼此愛好。示相親厚之遺意焉。

乃今則彼國言者亦知自警爲非禮。改良此俗。行將取我男女有別之師說仿效焉。以爲日進文明之徵驗。而我反去其男女禮禁之大防。日以交際自由。婚姻自由之說紛然淆聒於吾耳。嗚呼。吾誠不知彼視文明二字作何解也。東瀛學者之言曰。我日本文物教化之具。學於支那者也。見法文學院校長嘉納氏所編譯義塾序文泰西文明雖不自言得之於中國。然近之論者謂文明之發源始於黃河流域。而後及於恆河流域。由是而印度。而希臘。而羅馬。浸淫蔓延。以延被於歐美兩洲。然則文明胚胎肇自於我。今東西各國所稱之文明。蓋卽指法制禮教與夫一切是非之鑑。察組織之經緯。有條有理者言之。若夫一居處。一被服。一飲食。以及社會往來。瑣屑之節。則因時制宜。各從其俗。以爲制文明與否之要點。正不在是焉。今我於中落而後。將欲規復我文明。亦惟就我舊有之文物教化。求其實際。而不使如具文例案。籠羊虛器之徒。奉卽有缺略未備者。亦可本禮失求野之說。補所短。而取所長。不果於自信。不偏於徇人。文明進步。可拭目而俟耳。必以人之文明爲文明。何爲乎。

或曰。如子所言。今之新法皆非歟。曰。是又有說焉。夫世界之事物。無新何以舊。非舊何以新。以今法言。今日之學堂。非我古者之校序乎。今日之機廠。非我古者之考工乎。今日之商務。非我古者之市政乎。大而至於立憲之預備。猶我古者謀及庶人之遺意也。自治之政策。猶

我古者舉用鄉官之明徵也。若以名稱言則五帝殊時不相沿樂三王異世不相襲禮風會有變遷時局有同異前之所創不必宜於後彼之所作不必宜於此斟酌損益期協於用吾何嘗狃於舊說而謂法之不必新也。

吾所慮者文明一說必有其本。今吾國民日以文明爲口號彼果能精白乃心不染垢汙不蔽物欲由至誠而幾及於至明乎。其組織事業以挽我彫敝朽落簡陋疏野之積習者果皆有忠信之質以爲之經威儀之文以爲之緯而使成文不亂足爲吾國之光采乎。嗚呼不於此求文明而瑣瑣然徒卽居處被服飲食器用與夫交際往來之細節改換形式誇爲文明之標幟習而不察同然一辭吾恐違斯以往後生小子據爲指導文明作用反不知其名義之所在而徒以薄物細故僅有其形式者當之則吾文明進步不將因是而阻礙哉。此吾所以爲吾國之言文明者惜而卽不得不爲吾國之求文明者辨也。

論欲救中國當表章顏習齋學說 錄丁未十月十七日神州日報

嗚呼今日之中國一積弱之中國也。一尙虛而棄實之中國也。一文勝之敵。至於極點之中國也。求其所以致此之由皆因數千年來爲學子者守一先生之言而不求其本一誤於漢儒之訓詁再誤於晉人之清談三誤於宋儒之道學唐人既以天不變道亦不變而後有傳

道。之。人。宋。儒。又。以。吾。道。殊。乎。異。端。於。是。有。道。統。之。說。附。會。穿。鑿。致。聖。賢。之。道。愈。久。而。愈。失。其。真。奴。性。既。深。無。可。救。藥。世。之。人。方。以。耳。代。目。無。敢。從。而。訾。其。後。其。流。弊。所。極。至。無。一。人。不。立。於。旁。觀。之。地。位。以。趨。避。為。明。哲。以。退。縮。為。老。成。上。下。相。誣。而。吾。國。乃。真。不。可。救。然。則。今。日。而。欲。救。吾。國。其。必。求。自。強。其。必。尚。實。用。其。必。重。武。事。吾。徧。求。之。吾。國。古。先。儒。書。有。生。數。百。年。前。而。所。見。能。及。此。者。蓋。於。國。初。得。一。人。焉。

若。而。人。者。天。殆。不。忍。吾。國。學。子。永。沈。溺。於。奴。隸。之。海。而。孔。子。之。真。終。不。能。昭。回。於。天。下。後。世。也。於。是。生。一。習。齋。顏。先。生。顏。先。生。者。大。教。育。家。也。大。政。治。家。也。孔。教。復。元。之。第。一。人。也。學。界。革。命。之。鉅。子。也。質。而。言。之。則。顏。先。生。者。以。轉。弱。為。強。為。教。者。也。以。棄。虛。尚。實。為。訓。者。也。以。文。武。並。重。為。救。國。之。第。一。著。手。者。也。然。則。今。日。而。不。欲。救。國。則。已。今。日。而。欲。救。國。舍。提。倡。顏。先。生。學。說。其。誰。與。歸。

先。生。生。平。學。說。所。反。復。不。厭。者。一。言。蔽。之。無。非。欲。求。實。用。然。欲。求。實。用。不。得。不。先。闢。宋。儒。先。生。之。關。宋。儒。也。其。要。有。三。一。曰。闢。其。輕。實。學。二。曰。闢。其。薄。事。功。三。曰。闢。其。輕。武。事。先。生。之。言。曰。程。朱。當。以。六。德。六。藝。及。兵。農。錢。穀。水。火。工。虞。教。後。進。以。成。通。儒。讀。盡。天。下。書。而。不。知。六。府。六。藝。一。文。人。耳。不。得。謂。之。儒。此。闢。宋。儒。之。輕。實。學。也。又。曰。宋。儒。見。盡。心。邊。疆。便。指。為。多。事。見。

理。財。便。指。爲。聚。斂。見。心。計。材。武。便。指。爲。小。人。此。風。不。變。天。下。將。無。甯。日。此。關。宋。儒。之。薄。事。功。也。又。曰。宋。儒。論。人。必。取。其。不。喜。兵。事。而。能。作。文。讀。書。者。此。不。可。療。之。癩。疾。也。又。曰。勇。爲。遠。德。宋。人。不。貴。與。孔。子。不。懼。及。勇。士。不。忘。喪。其。元。之。旨。大。相。背。謬。此。關。宋。儒。之。輕。武。事。也。

先生之闢宋儒也如此。是以先生教士之旨。務求其能救宋儒之弊者。務求其有實用。能立治平之基者。先生生平不欲以空言見。是以其論學也。以設學校爲主。其言曰。孔子著書。乃大不得已。奈何以章句爲儒。而忘經綸天下之事乎。吾謂先生此言最與泰西教育改良家之說相近。毛塔尼耶之言曰。徒積智識。無裨實際。教育宗旨當在發達才德力三者。赫胥黎之言曰。讀書得智。已是第二著。惟能以宇宙爲我。簡編爲我。文字者。斯真學耳。此先生之學說。與西儒之學說。如出一冶者也。先生以爲欲求實學。當先廢制舉。欲廢制舉。當先立學校。其所創書院。分文事。武備。經史。藝能。理學。諸齋。而兼及於水火工數諸學。文事理學。經史三齋。卽西國之文科也。武備藝能二齋。卽西國之實科也。在中國則爲安定以後第一人。在西洋則與路德之功相彷彿。以泰西之良法。而先生能不謀而合。其思想爲何如哉。

先生之論兵也。謂以六字強天下。曰。人。皆。兵。官。皆。將。其言曰。自宋儒重文。輕武。其遺風至今。日衣冠之士。羞與武夫爲伍。秀才挾弓矢。鄉人皆驚。甚至子弟騎射武裝。則父兄卽以不才

社說

論教育中國書院與書院

二百二十七

丁未


目。之。與。孔。門。尚。武。之。旨。相。反。又。謂。宋。室。之。受。侮。外。人。由。於。宋。儒。之。不。敢。作。爲。此。皆。小。儒。所。不。能。言。不。敢。言。者。而。先。生。毅。然。言。之。吾。觀。周。禮。諸。子。之。職。若。有。甲。兵。之。事。則。授。國。子。以。車。甲。合。其。卒。伍。而。孔。子。之。論。汪。錡。也。則。曰。能。執。干。戈。衛。社。稷。可。無。殤。乎。此。孔。門。尚。武。之。實。據。也。泰。西。各。國。人。人。有。服。兵。之。義。務。中。國。季。世。文。武。分。途。將。相。異。職。凌。夷。至。今。遂。成。一。至。愚。極。弱。之。天。下。使。先。生。之。說。行。亦。何。致。有。今。日。哉。

先。生。之。論。田。制。也。以。限。田。爲。主。爲。李。堪。諸。儒。所。自。本。先。生。之。言。曰。各。某。田。十。頃。分。給。二。十。家。甲。得。五。十。畝。豈。不。怨。咨。宜。使。十。九。家。仍。爲。甲。佃。給。公。田。之。半。與。甲。以。半。供。上。終。甲。身。其。說。之。可。行。與。否。尙。屬。未。定。惟。封。建。井。田。爲。數。千。年。未。能。決。之。大。問。題。貧。富。不。均。中。西。同。慨。近。日。西。儒。聖。西。門。佛。兒。麥。喀。士。諸。人。以。社。會。主。義。爲。天。下。倡。痛。勞。動。者。與。資。本。家。之。懸。絕。思。有。以。救。其。弊。因。以。平。均。財。產。爲。第。一。著。與。中。國。許。行。並。耕。之。說。略。同。中。國。數。千。年。來。奴。隸。主。佃。未。有。競。爭。者。以。民。智。未。啟。且。上。之。對。下。尙。無。顯。然。劃。分。之。等。級。耳。過。此。以。往。吾。知。歐。美。之。風。潮。必。移。而。至。於。東。亞。先。生。生。數。百。年。前。即。知。貧。富。不。均。之。害。其。爲。慮。也。深。哉。

先。生。學。術。之。可。以。實。行。者。如。此。吾。得。以。一。語。斷。之。曰。先。生。之。學。以。經。世。爲。學。而。不。泥。於。古。者。也。衝。決。漢。宋。諸。儒。及。一。切。訓。詁。名。物。之。網。羅。爲。思。想。界。放。一。異。彩。凡。所。言。論。與。歐。美。諸。儒。學。

說。皆。息。息。相。通。有。可。以。比。附。者。先。生。之。詆。宋。儒。並。詆。漢。儒。則。懷。疑。派。之。哲。學。也。先。生。之。教。育。法。則。陸。克。之。實。利。主。義。盧。騷。之。練。習。五。官。主。義。也。先。生。之。力。主。人。定。勝。天。其。言。曰。學。者。勿。以。轉。移。風。俗。之。權。歸。之。氣。數。須。知。一。人。行。之。爲。學。術。衆。人。從。之。爲。風。俗。即。赫。胥。黎。斯。賓。塞。以。人。治。勝。天。行。之。說。也。要。而。言。之。則。先。生。所。抱。負。者。實。爲。國。初。第。一。人。與。王。船。山。黃。梨。洲。諸。氏。相。鼎。立。而。先。生。之。說。則。尤。較。諸。氏。爲。可。行。蓋。黃。王。之。學。說。尙。偏。於。理。想。而。先。生。之。學。說。則。重。在。實。行。也。近。世。新。學。盛。行。後。生。小。子。祇。知。有。王。黃。諸。儒。至。於。先。生。學。說。不。惟。湮。沒。不。彰。並。有。不。能。舉。其。名。者。吾。嘗。謂。先。生。歿。後。傳。其。學。派。者。惟。王。崑。繩。戴。東。原。戴。子。高。三。人。學。其。志。事。者。惟。包。安。吳。羅。臺。山。周。保。緒。數。子。而。此。外。無。聞。焉。豈。非。吾。國。學。界。一。大。阨。哉。吾。安。得。不。攬。遺。編。而。一。慟。也。

按先生學說精深博大學者可取專書瀏覽之茲將先生書目列左 存學編 存性編
存治編 存人編 會典大政記 言行錄 闕異錄 年譜



上海商務印書館

(設分) 都京 天奉 天津 廣州 漢口 福州 成都

初等小學教科書	
學部審定 修身教科書 十冊	每冊 一角
學部審定 修身教科書教授法 十冊	每冊 一角
學部審定 修身教科書第一冊(掛甲)已讀	六角
學部審定 修身教科書第二冊(掛乙)未讀	五角
小兒語述義	三角
學部審定 國文教科書 第一冊	二角
學部審定 國文教科書 第二至十冊	二角半
學部審定 國文教科書教授法 第一冊	四角
學部審定 國文教科書教授法 第二至第六冊	三角
學部審定 國文教科書教授法 第七至第十冊	三角半
國文教科書第一二冊	八分
明國文教科書教授法第一冊	三角
明國文教科書教授法第二冊	三角
女子國文教科書第一冊	一角
女子國文教科書第二冊	一角
女子國文教科書教授法第一冊	一角半
女子國文教科書教授法第二冊	一角半
國語教科書	一角半
文學初階一至四冊	一角
文學初階五至六冊	一角半
總理學普通珠算課本	一角
學部審定 珠算入門 第一冊	二角
學部審定 珠算入門 第二冊	二角
算學練習簿	五分
珠算教科書卷上甲乙二冊	一角半
珠算教科書卷下甲乙二冊	一角半
學部審定 珠算教科書教授法 上卷	五角
學部審定 珠算教科書教授法 下卷	五角
學部審定 筆算教科書 第一二冊	二角
學部審定 筆算教科書 三四五冊	二角
學部審定 筆算教科書 六冊	二角
學部審定 筆算教科書 附圖十冊	二元五角
學部審定 筆算教科書教授法 第一冊	二角半
學部審定 筆算教科書教授法 第二冊	二角半
學部審定 筆算教科書教授法 第三冊	三角
學部審定 筆算教科書教授法 第四冊	三角
學部審定 筆算教科書教授法 第五冊	三角
普通新歷史	一角二分
中國歷史教科書二冊	一角半
學部審定 中外國地理教科書 第一冊	一角
學部審定 中外國地理教科書 第二冊	一角
格致教科書第一二冊	一角
格致教科書教授法第一冊	二角
格致教科書教授法第二冊	二角
格致課本二冊	一角半
格致課本教授法第一冊	一角
習字帖第一冊	一角
習字帖第二三冊	八角
習字帖第四冊	八角
習畫帖教員用一冊	二角
習畫帖學生用八冊	七分
最新毛筆習畫帖八冊	七分
出版教員用一冊	二角
學部審定 學藝教科書	五角
小學唱歌教科書第一二三集	三角
女子初唱歌教科書初二集	三角
唱歌遊戲	二角半
舞蹈遊戲	二角半
體操教科書	四角
小學體操詳解二冊	四角
五彩精圖方字 附教授法	八角
簡易課本	每冊 八角
簡易修身課本	一角
簡易國文課本二冊	一角二分
簡易歷史課本	一角
簡易地理課本	一角
簡易數學課本二冊	一角
簡易格致課本	一角半
普通學問答書	每冊 一角
中國歷史問答	二角半
世界歷史問答	二角
學校管理法問答	二角
普通博物問答	二角
地理學問答	三角
富國學問答	三角
生理學問答	五分
生理學問答	二角半

上海商務印書館
重慶開封 濟南 潮州 長沙 太原 (設分)

高等小學教科書		師範學堂教科書	
修身教科書四冊	二角	速成師範講義彙錄	一元二角
修身教科書詳解	一角半	論理學綱要	四角半
國文教科書一至四冊	二角	教育心理學	三角半
國文教科書詳解第一二冊	二角半	學校管理法	二角
國文教科書詳解第二二冊	二角	教授法原理	二角
經訓教科書四冊	一角	教育史	二角半
經訓教科書教授法四冊	二角半	教育學	二角
中國歷史教科書	一元	心理學	二角半
中國歷史教科書	五角	論理學	一角半
西洋歷史教科書	七角半	心理學概論	一元五角
東洋歷史教科書二冊	一角半	各科教授法	二角
西洋歷史教科書	現印	中國歷史卷上	二角半
中外國地理教科書一二冊	一角半	中國地理	一角半
萬國輿圖	三角半	中國文輿第一編	二角半
小學萬國地理新編	二角	物理學	三角
理科教科書四冊	二角	化學	三角
理科教科書教授法	五角	近世算術	七角
博物學大意	二角半	世近代數學	現印
博物學大意	二角	黑版圖畫教科書	現印
理化學大意	三角	小學教授法要義	五角
		小學理科教材	六角
理化示教	二角半		
筆算教科書四冊	二角		
筆算教科書教授法	二角半		
數學教科書二冊	一角半		
算術教本二冊	二角		
算術教本筆算學生用四冊	三角		
算術教本筆算教員用四冊	四角		
算術教本珠算學生用三冊	二角半		
算術教本珠算教員用三冊	三角半		
算術農話一冊	一角		
毛筆習畫帖第一二冊	一角		
毛筆習畫帖第三四冊	一角半		
毛筆習畫帖第五六冊	二角		
毛筆習畫帖第七八冊	二角半		
最新毛筆習畫帖第一二冊	一角		
最新毛筆習畫帖第三四冊	一角半		
最新毛筆習畫帖第五六冊	二角		
最新毛筆習畫帖第七八冊	二角半		
又教員用一冊	四角		
筆部鉛筆習畫帖八冊	一角		
伊索寓言	三角		
體操教科書	五角		

諭旨

十一月全

上諭載瀛等奏請勅修 昭西陵等處工程一摺著派善耆前往敬謹勸估承修欽此○旨揀選一等舉人曹炳麟王贊
 皇馮兆昌章錫奎劉翊忠卞世藩程昌祐王汝許王映庚李仰高均堪以知縣用揀選二等舉人陳祖謙魏蔚華梁傳祥
 黃熨王孝燧王平仲孟瑋棠屈三省馮佩珂郭廷熙何廷琛李煥章吳鶴書張文杰楊繼元許在衡漢鍾南黃書年崔岳
 年劉培良胡家斌黃升國王均陳致楫王兆辰吳霖王慶湘王東周尹化成陳世澤陳葆元劉瑜倪成仁彭福壽譚世禧
 郭曾堪賈在中董增祿耿壽泉羅殿元侯世俊常懷俊陳大基彭蘭生俞庭宣薛楫崧年陳祜彬辛鏡清堪以直隸州州
 同鹽庫各大使掣用擬補內閣中書歐陽榮泉兩淮何璟場鹽大使江忠煦均堪以准其補授保送直隸州知州農工商
 部主事潘斯燦堪以交部記名以直隸州知州用改知縣裁缺工部筆帖式恩浩堪以知縣分發省分補用載取吏部
 司務李錫璋保舉四川候補道蔣兆麟直隸補用知縣承訓江蘇補用知縣江煥實浙江補用知縣劉燾四川補用知縣
 楊體仁均堪以照例用保舉知府升補安徽徽州府同知張廷燮堪以准其補授照例用欽此○旨蔭生張盛魁著內用
 載取煩缺知府外務部郎中陳潤吏部郎中李紹烈俱著照例用欽此十一月初一日

上諭大理院卿著定成補授欽此○上諭法部左丞著會鑑轉補法部右丞著黃均隆補授法部左參議著王世珉轉補
 所遺法部右參議著魏聯奎補授欽此○上諭此次驗看之翰林院庶吉士蔣炳章等前經學部因辦理學務期滿奏請
 獎勵庶吉士蔣炳章郭立山劉燕章際治均著授職編修庶吉士章棨著授職檢討欽此初二日

上諭楊士驤奏查明災歉州縣請蠲緩糧租一摺本年順直地方入夏以後節次大雨山水下注以致濱臨各河窪地禾

諭旨

八十三

丁未

稻均多被水並因天時不齊各屬有被雹被蟲被旱之處若將應徵錢糧照常徵收民力實有未逮加恩著照所請所有該州等十八州縣成災五六分村莊應徵本年錢糧著蠲免十分之一成災七分村莊應徵本年錢糧著蠲免十分之二各項旗糧著蠲免十分之一成災八分村莊應徵本年錢糧著蠲免十分之四各項旗租著蠲免十分之二成災九分村莊應徵本年錢糧著蠲免十分之六各項旗租著蠲免十分之四應徵屯米穀豆草束電課學租旗產錢糧河淤海防經費儲備餉需廣恩庫租通津二幫屯租一併分別蠲緩帶徵其陸軍部馬館租鑾儀衛租永濟庫租代徵租及出借倉穀子種日糧牛具等項著一體緩徵並分別減免差徭又保定十八州縣歉收四分村莊應徵節年糧租並蠲收三分村莊應徵節年糧租屯米穀豆草束電課學租旗產錢糧河淤海防經費除備軍餉廣恩庫租陸軍部馬館租鑾儀衛租通津二幫屯租永濟庫租代徵租並出借倉穀子種日糧牛具等項著緩至光緒三十四年麥後徵收並減免差徭以紓民力除著照所議辦理該署督卽刊刻謄黃循行曉諭務使實惠均沾毋任吏胥舞弊用副朝廷軫念民艱至意該部知道欽此○上諭楊士驤奏查明開州等三州縣災歉情形請分別蠲緩糧賦一摺直隸開州東明長垣三州縣濱臨黃河村莊本年被水秋禾歉收若將應徵糧賦照常徵收民力實有未逮加恩著照所請所有開州等三州縣成災五六分村莊應徵本年錢糧著蠲免十分之一成災七分村莊應徵本年錢糧著蠲免十分之四其成災五六七分村莊蠲剩錢糧著緩至光緒三十四年秋後起分作二年帶徵至被災各村莊未完節年錢糧同歉收三分村莊未完節年錢糧暨出借倉穀等項均著緩至光緒三十四年秋後徵收仍減免差徭以紓民力除著照所議辦理該署督卽刊刻謄黃循行曉諭務使實惠均沾毋任吏胥舞弊用副朝廷軫念民艱至意該部知道欽此

上諭荆州將軍松滋由繡譯翰林海陸聯貳擢任尙書入值毓慶宮外任將軍由西安調補荆州宜力有年克盡厥職茲聞濟逝軫念殊深加恩著照將軍例賞恤任內一切處分悉予開復應得恤典該衙門查例具奏准其入城治喪伊子候選知府英琨著以道員分省補用欽此 初四日

上諭湖南岳州府知府員缺著魏景熊補授欽此 初五日

上諭徐世昌等奏副都統因病額請開缺據情代奏一摺恆春著准其開缺璋春副都統著陳昭常署理欽此 初六日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨醇親王載灃大學士張之洞均著加恩賞穿帶膝

貂褂欽此○旨許寶衡雷廷壽蕭端潔楊渭黃彥鴻呂式斌江保傅秦樹忠彭士華王大亨譚貞清吳以成林繩武尙象

和郭相輪沈秉乾朱邦偉楊慶元胡樹桐劉璣陳元棟胡傳榮胡德驥殷良弼林耀曾俱著記名以軍機章京補用欽此

初八日

旨成都副都統著英瑞調補蘇增培著調補正白旗漢軍副都統欽此 初九日

上諭廣東瓊崖道員缺緊要著該督於通省道員內揀員調補所遺員缺著俞鍾穎補授欽此○旨分發浙江補用道劉

定勳廣西補用道英凱直隸試用道許惟善湖北試用道蕭衡王元常四川試用道何文藻江蘇補用知府李振鐸吉林

試用知府廉瑞江蘇試用知府惠譜藍均甘肅試用知府劉洽清江蘇補用同知徐靜四川補用同知秉英北河試用同

知章啟昌河南試用同知楊毓珂湖北試用同知沈學曾山西補用直隸州知州何廷弼四川補用知州路朝鑾直隸試

用通判文瑞浙江試用通判寶觀湖南試用通判誠貴王鼎四川試用通判沈恩煊河南補用知縣聯潤郎縉浙江補用

知縣胡守訓湖北補用知縣古秉彝直隸試用知縣朱積熙王善臣高凌濤林鍾琪陳汝賢俞椿年袁文彥汪蘇試用知

縣李紹聘劉濟安徵試用知縣董祖義山東試用知縣吳源管山西試用知縣趙寅旬陝西試用知縣胡文鈞漢良助甘肅試用知縣張鳳翼浙江試用知縣李祖怡湖北試用知縣金崇爵錢濟勳蕭繼昌楊滋培梁震湘張鼎立湖南試用知縣周鴻運陳繼良嚴檢四川試用知縣周錫夔廣東試用知縣吳炳麟俞家駒鄧彥斌顧毓昌廣西試用知縣陳佐衡雲南試用知縣蔣樹本貴州試用知縣任先楚湖北試用布庫大使曹文蔚廣東試用布庫大使邱懿元長蘆試用鹽大使李維新陳疇嚴稱倍山東試用鹽大使曹榮紳兩浙試用鹽大使孔昭輝浙江試用鹽大使唐德祿四川試用鹽大使李中銓兩廣試用鹽大使林有荃均堪以照例發往擬選中書科筆帖式榮華理藩部筆帖式寶廷擬補綏遠城右衛城守尉衙門筆帖式秀春均堪以准其補授保送同知內閣中書世榮堪以同知分發省分補用保舉直隸補用知縣胡寶善堪以照例用欽此初十日

上諭沈會桐著以道員署理廣東提學使欽此○上諭此次驗看之進士館畢業學員翰林院庶吉士朱國楨著授職編修並記名遇缺題奏度支部學習主事朱德恆著以知縣即用欽此○上諭前因廣西鎮南關右輔山等處礮臺被匪佔據當將張鳴岐交部議處並電令督飭各路統將協力進攻尅期收復續據該撫電奏克復日期當經將奮勇攻克礮臺之參將陸榮廷賞給勇號並賞給弁兵銀兩以示獎勵飭將詳細情形查明電奏茲據張人駿等查明電奏稱此次匪黨千餘佔據礮臺軍械精利右輔山險峻難攻經龍濟光陸榮廷等血戰數晝夜陣斬匪首奪獲槍械甚多於七日內克復礮臺辦理迅速洵堪嘉尚二品銜署太平思順道左江道龍濟光著賞給頭品頂戴副將銜參將陸榮廷著以總兵記名簡放知府銜四川補用直隸州知州龍觀光著以道員仍留原省補用並加二品銜補用知縣梁正麟著以知府留於廣西補用分省知縣周文獻著以直隸州知州留於廣西補用候選府經歷林紹斌著以知縣留於廣西補用守備陳炳焜

著以游擊儘先補用把總曾廣義外委黃瑞興卓漢洲均著以守備儘先補用都司銜補用守備蕭順洪著以游擊儘先補用畢業生王佩清著以府經歷丞留於廣西補用千總古景邦著以守備儘先補用廩生梁家榮著以縣丞分省補用增生張藩附生蘇建龍文童陳立焜郭慶脩陳坤培呂恂均著以巡檢分省補用外委陸貴稟陸裕光陳德才馬朝輔均著以千總儘先拔補候選府經歷吳善宜著以知縣分省補用候補州吏目田承斌著以縣丞仍留原省補用以示鼓勵餘著照所議辦理該部知道欽此 十一日

上諭山西平陽府知府員缺著福蔭補授欽此 十二日

上諭直隸長蘆鹽運使員缺著凌福彭補授張鎮芳著補授直隸天津道欽此○吏部議奏遵議廣西巡撫張鳴岐處分擬以革職留任請旨一摺張鳴岐著加恩寬免欽此 十四日

上諭都察院副都御史陳名侃既據陳明戒煙淨盡著仍回任供職欽此○上諭瑞澂著調補江蘇按察使江西按察使著陸鍾琦調補欽此 十五日

上諭河南歸德鎮總兵員缺著黃謨三補授欽此○上諭開缺甯夏將軍色普徵額成豐年間以前鋒進營嘗差有功洵升副都統擢任甯夏將軍宜力有年克勤厥職前經諭令開缺來京茲聞溘逝軫念殊深加恩著照將軍例賞恤任內一切處分悉予開復應得恤典該衙門查例具奏准其入城治喪伊子三等侍衛寶極著賞給二等侍衛欽此 十七日

諭旨報律關係要前據民政部具奏僅係報館暫行條規所有應行編纂之報律著民政部迅速會同妥訂奏明辦理毋再延緩欽此 十九日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨上年曾經降旨預備立憲原以茲事體大條文繁

諭旨

八十七

丁未

密非可率爾舉行必須上有完備之法度下知應盡之義務方可宣布憲法定期施行此時尙保預備之際歷次諭旨甚明尤當視國民程度之高下以爲實行之遲速我君臣上下各宜切實研究依次經營以期憲政成立共享樂利惟各國君主立憲政體率皆大權統於朝廷庶政公諸輿論而施行庶政裁決輿論仍自朝廷主之民間集會結社暨一切言論著作莫不有法律爲之範圍各國從無以破壞綱紀干犯名義爲立憲者況中國從來敦崇禮讓名分嚴謹宋列邦之法規仍須存本國之禮教朝廷預備立憲期望其殷乃近歲各省紳商士庶其循分達禮者固不乏人其間亦頗有浮躁蒙昧不曉事體者遇有內外政事輒藉口立憲相率干預一唱百和肆意簧鼓以訛傳訛浸尋日久深恐謬說蠱起淆亂黑白下凌上替綱紀蕩然憲政初基因之阻礙治安大局轉滋擾攘立憲更將無期自強之機更復何望蓋民情固不可不達而民氣漸不可使震立憲國之臣民皆須尊崇秩序保守和平其開設議院專爲採取輿論而選舉議員之人與被舉議員之人均有定格召集議會及解散議會均有定式所議事件亦均立有明條例章精密權限分明固非人人皆得言事亦非事事皆可參預現在京師資政院外省諮議局業經飭設原爲立議院基礎嗣後各省利病均應由該省諮議局詳細討論如確有見地可呈請本省大吏咨送資政院採擇核辦不得凌躡無序紊亂政體尤不得胥動浮言妨害治安除報律已飭法部民政部妥速議訂外著憲政編查館會同民政部並將關於政事結社條規斟酌中外妥擬限制迅速奏請頒行倘有好事之徒糾集煽惑構誣詭患國法具在斷難姑容必宜從嚴禁辦並著京外各衙門督飭所屬慎速此次諭旨實力奉行倘敢瞻徇故縱養成禍患該管衙門不得辭其責欽此 二十日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨國家興賢育才采取前代學制及東西各國成法創設各等學堂節經諭令學務大臣等詳擬章程奏經核定降旨頒行獎勵之途甚優董戒之法亦甚備如不准干預國

家政治及離經畔道聯盟學業立會演說等事均經懸為厲禁原期海內人士束身規矩造就成材所以期望之者甚厚乃比年以來士習頗見澆漓每每不能專心力學勉造通儒動思踰越範圍干預外事或侮辱官師或抗違教令悖棄聖教擅改課程變易衣冠武斷鄉里甚至本省大吏拒而不納國家要政任意要求動輒捏寫學堂全體空名電達樞部不考事理肆口詆譏以至無知愚民隨聲附和奸徒游匪藉端煽惑大為世道人心之害不獨中國前史本朝法制無此學風即各國學堂亦無此等惡習士為四民之首士風如此則民俗之弊隨之治理將不可問欲挽頹風非大加整飭不可著學部通行京外有關學務各衙門將學堂管理禁令定章廣為刊布嚴切申明並將考核勸戒辦法前章有未備者補行增訂責令實力奉行順天府尹各省督撫及提學使皆有教士之責乃往往任其倘越違道干譽貌似姑息見好實係戕賊人才即如近來京外各學堂糾業生事發電妄言者紛紛皆是然亦有數省學堂從不出位妄為者是教法之善否即為士習之優劣所由判確有明徵嗣後該府尹督撫提學使務須於各學堂監督提調堂長監學教員等慎選器使督飭妥辦總之以聖教為宗以藝能為輔以理法為範圍以明倫愛國為實效若其始敢為離經畔道之論其究必終為犯上作亂之人蓋藝能不優可以補習智識不廣可以觀摩惟此根本一差則無從挽救故不率教必予屏除以免敗壞之累違法律必加懲儆以防履霜之漸並著學部隨時選派視學官分往各處認真考察如有廢棄讀經講學功課荒棄國文不習而教員不稱者品行不端不安本分而管理員不加懲革者不惟學生立即屏斥懲罰其教員管理員一併重處決不姑寬倘該府尹督撫提學使等仍敢漫不經心視學務士習為緩圖一味徇情畏事以致育才之舉轉為釀亂之階除查明該學堂教員管理員嚴懲外恐該府尹督撫提學使及管學之將軍都統等均不能當此重咎也其各懷遵奉行轉令各學堂教品勵學化行俗美賢才衆多以副朝廷造士安民之至意此旨即著管學各衙門暨大小各學堂一體恭

錄一通懸掛堂上凡各學堂畢業生文憑均將此旨刊錄於前俾昭法守欽此○上諭此次朝考黑龍江甘肅雲南錄取優生考列一等之楊穆之王赤卿二等之劉繩武均著以七品小京官分部學習一等之楊樹祥信劉正堃張鎮侯胥賓二等之段維新補考優生考列一等之曾榮楚王錦昌宋煜修均著以知縣分省補用二等之張樹聲張德盛王儒端鄧桂馨周榮鼎張映川陳紹康張海清尹鍾琦李應泰其補考優生考列二等之郭孝慈駱永讓均著以按察司經歷鹽運司經歷散州判府經歷縣丞分省補用欽此二十一日

諭旨京師盤穀之下近聞有聚衆開會演說等事殊屬不成事體流弊甚多著民政部步軍統領衙門順天府一體嚴行查禁欽此二十二日

上諭馮汝駉奏浙江布政使信勤呈請開缺修墓一摺信勤著准其開缺欽此○上諭浙江布政使著顏鍾璜調補朱壽鏞著補授陝西布政使河南按察使著左孝同補授欽此○上諭宗人府府丞著朱益藩補授欽此二十二日

上諭劉廷琛著充大學堂監督欽此○旨截取內閣中書趙國珍禮部司務余廷琛均堪以照例用改用知縣裁缺工部筆帖式恩培堪以知縣分發省分補用奏留吏部學習員外郎霖霽主事朱修爵均堪以准其留部俸滿浙江黃巖場鹽大使李潤堂堪以准其回任開復知府銜在任候選直隸州知州巴華江西樂平縣知縣杜瑋均堪以准其開復原官升階翎銜仍回原省照例用欽此○旨蔭生文澐著以文員用張傳霖著外用翰林院撰文員缺著劉元亮補授熱河都統衙門辦事司員著梁世祺去欽此○諭旨本日驗放之明保道員王元常著發往湖北以道員補用前廣西柳州府趙添藻著開復原官原銜發往南洋差遣委用欽此二十五日

上諭吳廷斌奏查明本年山東各屬秋禾被災情形懇恩分別蠲緩錢漕一摺山東青城等九十三州縣及收併衛所並

鹽場本年驟雨失時秋禾多被傷損暨沿河一帶被淹村莊若將應徵錢漕照常徵收民力實有未逮加恩著照所請所有成災最重之青城縣屬各村莊應徵本年錢糧漕米等項全行蠲免其餘成災輕重不等之東平州等州縣應徵錢糧等項按照單開各村莊地畝分別蠲緩該署撫卹卹刻體黃備行曉諭務使實惠均霑毋任吏胥舞弊用副朝廷軫念民艱至意餘著照所議辦理該部知道單併發欽此○上諭西安左翼副都統慶祺奏因病懇請開缺一摺慶祺著准其開缺欽此○上諭睿親王魁斌莊親王載功既據陳明戒煙淨盡魁斌載功均著准其回任供職欽此○旨承燕著調補西安左翼副都統所遺廂黃旗蒙古副都統著春祿補授欽此二十六日

上諭升允奏遵查總兵劣跡據實覆陳一摺新疆阿克蘇鎮總兵湯詠山擅挪公款任意荒嬉著卽行革職欽此二十九日
上諭馮煦奏查明安徽各屬秋禾歉收請分別緩徵錢糧一摺本年靈璧等三十二州縣被水被旱被風被蟲秋禾收成均形歉薄若將應徵田賦照常徵收民力實有未逮加恩著照所請將被災各州縣分別輕重緩徵以紓民力該撫卹卹刻體黃備行曉諭務使實惠均霑毋任吏胥舞弊用副朝廷軫念民艱至意餘著照所議辦理該部知道單併發欽此○
上諭馮煦奏查明各屬秋禾歉收請分別緩徵漕糧一摺本年安徽省各屬被水被旱被風被蟲田畝收成歉薄本日業經降旨將錢糧分別徵緩以示體恤若將應徵漕糧照常徵收民力實有未逮加恩著照所請所有被災輕重之泗州舊虹鄉通境新漕並靈璧等二十六州縣應徵新漕及節年災緩舊欠漕米均著分別緩徵以紓民力餘著照所議辦理該撫卹卹一併刊刻體黃並將各該州縣區屬村莊分別緩徵詳細刊明備行曉諭務使實惠均霑毋任吏胥舞弊用副朝廷軫念民艱至意該部知道欽此○上諭學部右參議著戴展誠補授欽此○上諭新疆阿克蘇鎮總兵員缺著谷振傑補授欽此○上諭廣福奏伊犁察哈爾領隊大臣峻昌懇請終養一摺峻昌著准其開缺回旗博貴著賞給副都統銜作爲

諭旨

九十一

丁未

伊 摩 領 隊 大 臣 欽 此 三 十 日

諭 旨

九 十 二

十 二 月

上海商務印書館

都成 州福 口漢 州廣 津天 天奉 都京 (設分)

高等學堂教科書

- 微積學 一三元六角
- 京師大學堂講義 初編四冊八角 二編四冊八角
- 實業學堂教科書 三角
- 商業理財學 六角
- 萬國商業歷史 六角
- 和文教科書 一元
- 和文漢譯讀本八冊 一元
- 東文法程 五角
- 日本文典 現印
- 華法教科書 五角
- 華法啟蒙初集 七角
- 華法中學讀本 一元
- 法語陟遐 五角
- 英法尺牘譯要 七角半
- 華德教科書 一元
- 中德字典 一元二角
- 德文法程 七角半
- 尺牘類 一元
- 新撰學生尺牘 二角半
- 新撰女子尺牘 現印

各種五彩地圖

- 大清帝國全圖一冊 四元
- 大清帝國暗射圖 甲布裱掛軸三元五角 乙布裱掛軸三元 丙彩套摺疊一元二角
- 大清帝國總圖 甲布裱掛軸四元五角 乙布裱掛軸四元 丙彩套摺疊一元八角
- 坤輿東四兩幅 甲布裱掛軸三元五角 乙布裱掛軸三元五角 丙彩套摺疊一元二角
- 坤輿西四兩幅 甲布裱掛軸二元五角 乙布裱掛軸二元 丙彩套摺疊八角
- 坤輿方圖 甲布裱掛軸三元五角 乙布裱掛軸三元五角 丙彩套摺疊一元二角
- 暗射東四兩幅 甲布裱掛軸三元五角 乙布裱掛軸三元五角 丙彩套摺疊一元二角
- 暗射西四兩幅 甲布裱掛軸三元五角 乙布裱掛軸三元五角 丙彩套摺疊一元二角
- 世界暗射圖 甲布裱掛軸三元五角 乙布裱掛軸三元五角 丙彩套摺疊一元二角
- 高等中國地圖 五角
- 小學外國地圖 五角
- 高等外國地圖 五角
- 東洋歷史地圖 五角
- 西洋歷史地圖 五角
- 京城詳細地圖 八角
- 京城詳細地圖 二角

學堂所用參考書

- 大字銅版康熙字典七冊 二元五角
- 袖珍字典摘要 現印
- 大字御批歷代通鑑輯覽四十三元
- 御批歷代通鑑輯覽四十二元八角
- 王鳳洲綱鑑合編十六冊 一元
- 大字正續古文辭類纂十二冊 一元二角
- 大字王船山讀通鑑論十冊 八角
- 曾文正公經史百家雜鈔十二冊 一元八角
- 網鑑易知錄十六冊 一元
- 歷代名臣言行錄八冊 五角
- 東萊博議二冊 一角
- 大字四史三十二冊 三元六角
- 學部審定 宣講用書 蒙師箴言 五分
- 國民教育論 二角
- 支那教學史略 四角
- 新說教授學 一角半
- 中國通覽 五角
- 讀書法 一角
- 學部第一 初等小學暫用書目一角六分
- 學部審定 宣講用書 克萊武傳 三角
- 德國學校制度 四角

內務

論開國會當先於地方自治錄丁未八月初五日神州日報

今有絕大勢力之言論政府人民俱利用之以遂其畏難之性而實足阻改革之進行者則以程度未及一語力遏成立憲法之動機是也。上以詔下下默認之上競下讓本末倒置於是一現象呈焉。矣。曰急謀地方自治必以地方議會造成議員之資格預備憲法之基礎。三年或五年後不患憲法之不成。立斯言豈不成理。然考之各國憲法之實行舍英用習慣憲法外無是物也。而此三年五年中不能遂無政府無法。僅賴地方自治以扶持中央。然則中央之設施仍不能不用舊日之樞紐以臨地方。於是又一現象呈焉。矣。曰立資政院以官吏組織而統制人民。無論其機關行動之完全與否而國民進取之目的必不能達。可斷言也。

此兩現象尙在胚胎之際。其效果雖不能揣測。第即其名義以求其事實。從無果出乎因之外者。其效蓋可睹矣。按資政院名義似含各國上議院及日本貴族院之性質。而人民之參與立法權。所謂監督機關者。無有焉。徒以貴冑勳裔。奔其首。京官徵解。充其曹耳。夫無特別

階。級。之。習。慣。而。強。置。貴。族。本。為。行。政。官。而。混。入。立。法。已。無。謂。矣。況。貴。族。與。士。商。雜。居。行。政。與。立。法。混。成。絕。非。上。議。院。應。有。之。規。制。耶。此。名。義。事。實。之。兩。不。相。容。者。一。也。若。夫。地。方。自。治。之。名。義。則。為。輿。論。機。關。之。在。地。方。者。即。自。治。團。體。之。民。會。係。由。地。方。輿。論。所。發。生。而。對。於。中。央。輿。論。機。關。而。成。立。者。如。市。會。鄉。會。州。縣。議。會。省。議。會。是。也。夫。此。種。種。機。關。莫。不。以。議。決。自。治。立。法。監。督。自。治。行。政。為。職。守。對。於。中。央。機。關。實。當。特。別。之。職。任。如。用。是。以。練。習。人。民。參。與。政。治。之。知。識。則。與。中。央。國。會。頗。有。密。切。之。關。係。然。中。央。機。關。之。代。表。決。非。代。表。此。種。機。關。而。此。種。機。關。亦。非。中。央。國。會。之。基。礎。二。者。各。自。為。其。形。體。各。自。有。其。性。質。非。可。混。而。同。之。者。今。中。央。輿。論。機。關。缺。焉。惟。以。官。吏。組。織。塊。然。加。乎。其。上。則。即。地。方。輿。論。稍。稍。見。於。實。施。自。治。資。格。稍。稍。完。備。而。人。民。對。於。中。央。政。治。之。活。動。永。無。增。進。之。一。日。國。會。基。礎。當。求。之。於。國。會。之。組。織。舍。國。會。而。言。地。方。組。織。則。立。憲。基。礎。何。自。而。固。此。名。義。事。實。之。兩。不。相。容。者。又。一。也。

是。故。改。革。不。能。進。行。在。無。國。會。以。為。之。郵。而。所。以。致。病。之。原。則。人。民。程。度。未。及。之。說。為。梗。也。夫。國。會。者。析。言。之。則。曰。上。下。議。院。即。二。院。制。之。院。即。代。表。人。民。參。與。立。法。監。督。行。政。之。總。機。關。於。是。焉。在。而。其。基。礎。尤。在。下。議。院。凡。立。憲。國。靡。不。有。是。以。植。骨。幹。而。通。血。脈。且。莫。不。先。有。此。總。機。關。以。為。幹。運。中。央。政。治。之。主。腦。而。後。各。地。方。自。治。事。業。乃。能。一。切。完。全。發。達。次。第。成。立。歐。美。

各國之國會其發生實在自治制度完全成立之前求之美法德意奧之歷史莫不皆然即英以不文憲法立國其國會亦以中央政治團體與君主調和衝突而成成立非以地方政治團體與中央政治機關調和衝突而成立日本以創建太政官元老院爲三權鼎立之專路藍縷幾經衝突而國會始成然其成立國會並未絲毫假借地方自治團體之力今以歐美日本國會即而求之非獨下議院與吾國資政院性質絕殊即上議院亦與吾國資政院性質絕殊要其所以別異之故則可以簡單語解釋之惟視監督機關與執行機關立於對等之地位與否是也試檢資政院法規釋勳戚京官外惟疆臣薦舉直省得六十六人即隸乎勳戚京官之下其能成立監督機關且與執行機關立於對等之地位也耶然則仍概稱之曰官吏組織之政務局可也彼其所以藉口者乃曰國民無政治思想故無議員之資格而一般人民亦畏蒞怯弱自以爲未足與於論議國是之列必且聽官吏自爲姑退處於預備吾大惑不解此所謂預備者若何有政治思想而具議員資格可應今日之選者亦屬誰何若曰同爲過渡時代也則官吏與人民何擇焉若曰得類異者與謀更始則人民公舉代表之國會議員何必不如勳戚京官疆吏薦舉之資政院官僚也噫鄉論毀校監謗遺巫殆芥蒂未泯於胸而窺之者遂以寒蟬仗馬之故智欲苟全性命於斯世乎然則國會之不設其

病原當不在彼而在此。

內務部關於地方自治

五百三十四

十二月

執筆者敢爲通國正告之曰。國會者爲立憲國體之總命脈。爲第一級發生之原生。物爲自專制政體。進入於憲法政體之轉捩機。鍵而尤爲吾中國今日祛風疎邪。保中和脈起衰振。敝惟一之良劑。不先有國會。則資政院仍爲專制政體之政務局。都察院與立憲絕不相符。即地方自治之美名。亦永遠立於預備之地位。而無見於實施之時。日譬如一身。謂全體姑坐於此。而以一足行於百里之外。雖愚者知其不可。國會者進行之機關。以地方自治使之坐而資政院爲其一足。可乎。譬如築室。頓各材於隙地。而以一木姑支大廈。雖巧匠不能爲功。國會者構成之資料。以地方自治頓材於異地。而資政院支其一木。可乎。故無論體之疾也。木之不足用也。但當求養生與取材之道。而斷無姑置其體與木於不問。別有進行與構室之善術。曰吾苟如是。是亦足矣。其他則將有待也。嗚呼。顛矣。故曰中國而不實行立憲。則已苟實行立憲。必自監督機關。使與執行機關。峙立於對等地位。始即必自開國會。始然吾爲此言。非謂地方自治不足爲立憲國之要著也。特國會者實政治改革之根據。即預備立憲之實驗。而地方自治之真相。以之逐漸發生。斷不能待地方自治能力既充。而後發生國會也。故無輕重而有先後緩急焉。即謂政治改革之難。由於人民程度不足。人民程度

不。足。由。於。素。無。地。方。自。治。之。性。質。亦。不。能。不。先。開。國。會。以。提。倡。地。方。自。治。使。得。挾。持。其。教。育。經。濟。衛。生。各。種。事。業。發。達。完。美。以。上。比。於。文。明。國。之。自。治。機。關。若。曰。必。地。方。人。民。已。舉。所。謂。教。育。經。濟。衛。生。事。業。悉。臻。完。美。而。後。進。設。國。會。則。地。方。行。政。既。往。往。由。中。央。行。政。之。紊。亂。而。天。開。不。振。而。自。治。立。法。又。以。中。央。立。法。機。關。之。不。成。立。而。根。柢。不。能。堅。固。試。問。當。此。舉。行。教。育。事。業。時。各。地。方。人。民。欲。謀。普。及。強。迫。而。中。央。行。政。機。關。陽。開。陰。闢。斬。而。不。許。誰。能。要。求。其。必。許。也。耶。當。此。整。理。財。政。制。度。時。地。方。人。民。欲。劃。出。地。方。財。政。於。中。央。財。政。之。外。而。中。央。行。政。機。關。斥。而。不。從。誰。能。要。求。其。必。從。也。耶。當。舉。行。種。種。富。國。利。民。事。業。時。各。地。方。人。民。欲。有。所。興。廢。而。中。央。行。政。機。關。不。聽。或。不。力。行。誰。能。要。求。其。必。聽。而。力。行。之。也。耶。然。則。言。地。方。自。治。而。無。國。會。以。爲。之。前。驅。則。中。央。政。事。百。廢。不。舉。而。地。方。自。治。終。等。於。空。談。夢。想。惟。既。開。國。會。則。所。奔。走。經。營。者。罔。非。中。央。政。治。之。大。計。而。自。治。行。政。立。法。自。有。振。衰。挈。領。之。勢。是。國。會。之。立。實。急。於。地。方。自。治。亦。可。瞭。然。矣。且。吾。國。之。地。方。政。體。由。封。建。而。郡。縣。業。二。千。餘。年。矣。非。若。島。國。部。藩。自。爲。團。體。不。待。政。府。之。組。織。支。配。也。故。地。方。行。政。官。之。權。力。實。能。左。右。之。而。其。權。力。之。泉。源。即。操。縱。於。中。央。政。府。今。昌。言。地。方。自。治。而。即。欲。離。地。方。行。政。官。之。權。力。有。是。理。乎。不。能。離。地。方。行。政。官。之。權。力。自。由。以。謀。自。治。豈。能。要。求。中。央。政。府。使。地。方。行。政。官。界。吾。以。

自由。又豈能直接監督中央行政機關使地方行政官必不致使吾不自由。是必至不特不能得中央之參政權且不能有監督地方之行政權而地方自治徒爲具文矣。故地方自治之能否有效。果即觀乎國會之已否先成立而謂能以地方自治作憑空之基礎乎哉。是則先開國會爲今日預備立憲見諸實施之第一要著。可斷言也。

然而難者必曰。英用習慣憲法。其地方自治發達最早。故其國會亦成立最早。欲用立憲制者。曷不法英。請答之曰。此未嘗研究中央地方性質分別之論。又未嘗研究英國國會歷史之論也。英自西歷四紀後。以北方蠻族侵入英倫海島。即已保存其固有之風俗習慣。愛自由。重人權。其中央國會與地方自治皆以逐漸發達完全。成立論者。因是或謂世界憲法。國以英設國會爲最早。疑若英人獨以地方自治發達而成國會者。然是實非也。考英國國會制度之成立。由於貴族及教會聯合排斥君權。其種種活動皆純乎中央政治上之活動。而非地方政治上之活動。此求之英國國會史而可知者。其代議選舉制度。謂中央地方相爲表裏是也。謂中央地方相爲母子非也。如以中央代議制度爲地方自治制之子。然則中央政府亦爲地方政府之子耶。此在德意志聯邦。美利堅合衆國。或可執是以爲事實上之說。明然彼英國則烏有是。彼其沿襲公共會議之習慣。則中央與地方固亦同時沿襲之耳。詎

有先後耶。或以爲英人政治能力獨強。故能特創代議制者。亦非也。英既獨處海島。不與各國同立大陸。則壤地連屬。競爭激烈之患。自渺。惟然。故得篤守故制。而徐致發達。不甯惟是。又以國小。故地方與中央接近。使人民易起中央政治觀念。彼其幅員在吾國。不過一府數縣之地耳。君不甚尊。民不甚卑。故其制易成也。且如唐虞之際。茅茨土階。父老歌頌。宛如家人。婦子設非。經過周秦之封建。郡縣即進於立憲政體。何渠不若英。而不然者。大陸之戰爭。激烈爲之。與島國自不一致也。其地方自治之歷史。有然。其中央國會之歷史。有然。彼其由固有之風俗習慣。蛻化以至於今。揆厥所原。有何程度之可指實。又有何地方中央發生先後之可指實。如必曰吾國程度未及。必先地方而後中央也。則試問今日爲有地方政府無中央政府。而必待以地方政府發生。中央政府耶。如曰不然。則孰若先開國會。而後期地方自治。

難者又曰。子以開國會爲最先之著。辨則辨矣。顧未念及實行何。彼老朽摺紳。未知政權爲何物。代議爲何事。而況駟僮。至一般青年人士。僅舉新名詞。即囂然亢躁。無一閱不散之會場。無三人以上之團體。而國會何賴。甯不畏貽笑外人乎。應之曰。以是爲程度未及。殆不見輿薪之明也。夫程度亦何常之有事。必有始進。則日新大略。樞輪必不足。與汽車電轂競速。

黃冠草履必不足與金冕繡裳爭輝無待言矣而謂非車非服可乎故會事伊始議論必不能正當秩序必不能完善各國莫不皆然最近而可證者莫若日本試閱日本議會史及社會所傳述之軼事初開議會之頃不僅舉國人民不知選舉議員爲何事即被選者尙不知議會爲何物並院中議事多數議決之法亦不之知舉議長設委員等一切方法盡皆茫然不知所措議員與議員有因反對己議而使人要擊於赴院之中途令不得入院發言者程度不過如此當時未聞因此不開國會也吾國苟開議會即有笑柄或不至若此之甚且就大概論之吾中國人民久脫封建世卿之階級講學論治人人所得爲縱橫陌媚古不切世用或專爲利祿然對於國家之知識必在封建奴籍時代之上可斷言也若各國則多以是動人民劇烈之爭載在憲法即日本維新以前平民無官吏資格參政之權僅由少數之世祿藩臣主其任及覆幕開港而人民稍稍鼓動竟宣布憲法而開國會矣彼何程度之可言而吾甯不若彼乎然則衰衰諸公勿謂無人吾儕小人勿自菲薄務以國會促進人民之程度而必不宜坐待程度之企及國會也

解釋地方自治之意義及分類 節錄丁未八月十三日中外日報

我國朝野上下明於地方自治之利益者固不乏人而昧於自治二字之意義者亦復不少

不佞不揣淺陋。特就自治之意義。為我國民區分溯源而解釋之。

第一自治及他治。自治有廣狹二義。廣義之自治者。人民依自己之意思。為治自己之制度。對於他治之治法也。他治者。不問被治者之意思如何。惟以主治者一人之心思。所定治人之制度也。廣義之自治。惟行於英美二國。由理想之自治而施行於實際。為英人最美之名譽。更由此而發達而開展。為國民固有之特性。是為美人最美之名譽。聞英美學者之說。謂自治非必為反對政府之政務。亦即為通常政務之一種。無論其為立法行政司法。凡人民參與國家之政務時。皆可謂自治。故不僅英美之國會。可共稱為自治之機關。即英國之內閣。美國大統領之政府。亦得為自治機關。以英國之國務大臣。由國會選出。保其資望與信用。而美國之大統領。亦由人民之選舉體公選而出。其他如陪審官之參與裁判事務。及治安裁判官之掌警察事務。皆無非自治。而自治之範圍。且不僅參與國家之政務。凡民間各種會社。苟為共同之集合體。皆得以社員自由之意見。制定社則。自行管理其利益。而為國家所承認為公社者。其目的無論以傳教。或救恤。或文學。或為殖產興業。皆得稱為自治。據此說觀之。則廣義之自治。可區別為三種。(甲)中央自治。中央自治者。即國家之自治也。蓋於他治以君主一人。或貴族數人之意思。得專行立法行政一切之政務。人臣絲毫不

得參與而在自治人民不僅得選舉議員參與立法並得掌握行政此如美國人民得監督由人民選出之大統領之行政英國人民得運用由國會選出之內閣大臣之行政權是也

(乙)地方自治地方自治者大者即府縣之自治小者即町村之自治可區爲二類皆由同居住於一定地方內之人民因共同利害關係所生之治法也故構成地方之自治體必有三要素即於事實上必有一定之管轄地與羣居之住民於法律上付與以自主權

(丙)會社自治如團體會社組合協會等苟爲共同團體而國家所認爲公社者皆爲自治體凡團體會社與組合協會等非如町村有一定之管轄地又非有因人民之羣居擔任所生一切行政事務之全體各社得自由適從其所立之目的故團體會社協會等之人員不可如町村人民加入後有必不可不爲之義務惟有任其適意而已且團體會社協會與組合等未必皆有自治體之性質今試以私立鐵道會社與私立學校私立保險會社論之國家對於此種事業有二種之處置其一國家對於人民所私營者全然放任不加干涉其事業純然爲私業之性質惟就警察一端受官廳之監督而已其二國家以其協會及組合等認定爲公社自此認定後其協會組合爲自治體而享有公權利及公義務且受國家之監督就此點論之與其他各種之自治體無異如上所言廣義自治之性質及範圍此自治

惟專行於英美二國。其他歐洲大陸之國。雖有倣之者。亦未見有如英美二國之完善。例如法國雖有形式上自治之名。而無其實。皆世人所深知也。歐洲某學者曰。今歐洲大陸。皆欲行英美之自治制度。而不可得。以大陸諸邦。乏如英國豪族之人士。國民自由之精神。又未能如美國之發達。此自治制。在英國。為豪族行之。在美國。由平民行之。為二國自治制各異之點。以大陸諸邦之國家。尚且不能倣。而吾國更無論矣。

第二自治及官治。凡行政可區別為國家行政與社會行政二種。社會行政為狹義之自治。國家行政即屬於中央政府之所掌握。故名官治。官治者行政權之首長。得自由處分專任官吏。以施行其國權之制度。言官治之缺點。其一。行政之機關。非名譽官吏。而必專任官吏。其二。其官吏。惟為行政首長之手足。奉其命令。指揮以為運動。非如自治制。得於一定之制限內。為獨立之活動。故常言官治之行政官吏。即為行政首長之代理人。以其所為與行政首長無異也。凡國政。無論為君主政體。民主政體。國家之行政。皆稱之為官治。故在民主政體之國家。對國家之行政。言則為自治。及他治。對社會之行政。言則為自治。及官治。何謂狹義之自治。即對官治而言。自治由廣義之自治中。除去國家自治之謂也。約言之。則為地方自治與會社自治。此自治制。創行於德意志國。其所謂自治者。非政府得為自由處分。

直接使其官署執行政權。而於一定之制限內使獨立之共同團體執行之。政府不過爲其監督而已。日本之自治制亦模倣德意志而成。欲知自治之性質如何則不得不比較官治與自治之本性。試舉其差異之點如下。官治即國家之行政。(一)官治以國家爲行政之主體。(二)官治專注重國家全體之保護發達。(三)官治有擴張國權之趨向。(四)官治注重施行之法律命令。自治即社會之行政。(一)自治以社會人民爲行政之主體。(二)自治以發達社會各箇人之自由進化爲目的。(三)自治有擴張民權之趨向。(四)自治乃應用社會進化自然之原則。官治自治之本性各異。既如此一國之政治家不可不審查其國之政體與人民之貧富及智識開化之程度社會之形狀參酌當時之人情風俗及古來之沿革而定。一因時制宜之制。官治自治皆不可偏廢。若權衡不得其當則偏於自治未免於國家有不統一之慮。偏於官治則妨害社會人民天賦自由之發達。釀成專制之弊害。故不可不斟酌於國家與社會之間以定一適宜之地方自治制。

第三地方自治 何爲地方自治地方自治者以一府縣或一町村之名譽官吏從國法受政府之監督以其地方稅辦理其自己地方之政治之制度也。故地方自治必有三要件方能成立。(一)府縣或町村之行政機關必由名譽職組織成之。(二)從國法以受政府之監

督。二。以。其。地。方。稅。辦。理。其。自。己。地。方。之。政。治。從。其。第。一。之。要。素。言。之。名。譽。職。以。自。己。所。營。職。業。之。餘。暇。使。與。地。方。政。務。與。為。專。務。之。官。吏。其。性。質。自。異。名。譽。職。雖。多。屬。無。俸。給。者。亦。未。必。盡。然。惟。不。受。由。國。庫。支。出。俸。給。其。地。方。自。治。之。行。政。機。關。然。亦。未。必。悉。為。名。譽。職。但。於。下。列。三。項。中。能。適。合。其。一。項。者。皆。得。謂。自。治。之。行。政。機。關。(甲)由。官。選。任。之。名。譽。職。而。成。者。例。如。英。國。之。治。安。裁。判。官。由。中。央。政。府。之。任。命。為。名。譽。職。擔。任。警。察。事。務。瑞。士。之。治。安。裁。判。官。亦。由。中。央。政。府。任。命。為。名。譽。職。為。和。解。訴。訟。之。事。日。本。之。市。長。由。市。會。選。舉。再。經。勅。任。為。有。給。職。町。村。長。由。町。村。會。公。選。為。名。譽。職。亦。有。為。有。給。職。者。(乙)由。官。選。任。之。專。任。官。吏。與。人。民。選。舉。之。代。理。名。譽。職。結。合。而。成。者。例。如。普。魯。士。之。州。參。事。會。由。官。等。行。政。官。一。名。與。名。譽。職。五。名。結。合。而。成。又。如。郡。長。得。兼。為。郡。參。事。會。長。是。(丙)行。政。之。機。關。純。以。人。民。選。舉。之。代。理。名。譽。職。組。織。而。成。者。例。如。英。法。之。町。村。行。政。機。關。無。論。何。國。行。完。全。之。地。方。自。治。者。惟。有。町。村。以。町。村。純。然。以。其。民。選。之。公。吏。為。其。組。合。內。之。行。政。若。其。上。之。郡。縣。則。有。專。任。官。吏。之。參。加。非。完。全。之。地。方。自。治。且。以。上。三。者。之。自。治。行。政。須。視。其。國。之。政。體。習。慣。沿。革。而。定。故。有。各。異。之。處。不。能。執。一。以。行。之。也。從。其。第。二。之。要。素。言。之。地。方。自。治。必。受。政。府。之。監。督。為。其。緊。要。之。條。件。否。則。地。方。自。治。將。與。封。建。制。度。聯。邦。制。度。無。所。區。別。夫。地。方。自。

治體不可不遵守國家之法律命令以行其地方之政務而又行其法律命令所與以自治之政務故不可不守政府之監督以期由政府所委託之官治事務得以迅速舉行也。國家為政權之重心行政之根本故國家之於地方自治體猶如腦為神經中樞五官之與外物相接觸雖不待腦之知覺而自依吾人神經中樞之作用為動作常受腦之命令監督以保一身之安全而不可須臾離者也。地方自治體亦然在法律之範圍內雖得自由行其地方之政務然不可不守國家之命令受政府之監督故地方自治於一方在使人民發達共同自由之進化為目的為社會的要素於他一方使奉法律命令受監督為國家的要素使社會之私事與國家之政事相結合而人民既享自由行政權利亦不得不負國家之公義務此自治機關所以居於社會與國家之間而為一調和最重要之機關也。從其第三之要素言之以地方稅辦理自己地方之行政事務其事務大概區別為三種。(甲)當然屬自治團體之事務如府縣町村之道路橋梁路燈自來水灌溉等類。(乙)因法律命令所與之事務如地方行政警察教育衛生救貧消防隊等類。(丙)由國家委託之官治事務如徵兵代收國稅司法警察及監獄等類。於此事務中又得分為固有事務與委任事務及必要事務與隨意事務。學說紛歧不復枚舉大致屬於自治團體有直接利益者如土木

道。路。衛。生。勸。業。救。貧。等。爲。固。有。事。務。其。他。如。教。育。警。察。財。產。司。法。等。關。於。國。家。全。體。利。害。者。爲。委。任。事。務。至。必。要。事。務。爲。法。律。命。令。所。指。定。而。地。方。團。體。所。必。不。可。不。行。者。若。隨。意。事。務。法。律。命。令。無。直。接。之。指。定。可。任。地。方。團。體。有。酌。量。之。自。由。者。至。外。交。軍。事。則。全。屬。國。家。之。範。圍。與。地。方。自。治。團。體。不。相。涉。歐。洲。各。國。有。以。之。屬。於。國。會。者。爲。監。督。之。性。質。與。自。治。無。關。也。

第。四。地。方。自。治。與。國。政。之。關。係。地。方。自。治。與。國。家。自。治。之。行。政。關。係。無。異。地。方。自。治。團。體。自。處。理。其。一。定。之。事。務。爲。達。其。生。存。之。目。的。由。人。民。之。方。面。觀。之。與。人。民。自。己。之。利。益。有。直。接。關。係。與。國。家。全。般。之。利。害。無。直。接。關。係。然。由。國。家。方。面。觀。之。則。國。家。全。般。之。行。政。皆。由。地。方。團。體。而。發。達。於。國。家。行。政。之。圓。滿。周。到。實。有。密。切。之。關。係。故。完。全。自。治。之。國。家。其。地。方。自。治。無。有。不。發。達。者。否。則。不。得。稱。爲。文。明。自。治。國。且。人。民。又。得。藉。此。歷。練。政。務。先。由。其。住。居。之。町。村。使。參。與。公。共。事。務。自。此。而。郡。而。府。縣。由。簡。易。而。複。雜。更。進。而。參。與。國。家。之。政。法。以。爲。全。國。之。自。治。

第。五。行。地。方。自。治。必。要。之。準。備。無。論。何。國。既。設。立。地。方。自。治。之。機。關。不。可。不。爲。準。備。使。擔。任。地。方。之。政。務。其。人。民。必。具。之。要。件。有。三。(一)須。領。會。其。職。權。內。之。事。務。不。可。無。知。識。學。力。以。處。理。之。(二)爲。保。持。公。衆。之。安。甯。幸。福。不。可。不。盡。一。己。之。公。共。心。(三)必。要。一。家。之。生。計。

無。憂。以。餘。暇。與。聞。公。務。約。言。之。則。爲。知。識。爲。公。共。心。爲。餘。暇。有。此。三。者。然。後。可。得。爲。地。方。自。治。之。機。關。雖。然。無。論。何。種。民。族。之。國。民。欲。具。備。此。三。者。於。歐。美。各。國。中。亦。僅。居。少。數。違。言。吾。國。故。地。方。自。治。不。得。全。認。爲。民。主。政。體。之。制。度。甯。認。爲。貴。族。政。體。之。制。度。其。艱。難。複。雜。之。間。題。以。少。數。之。有。學。識。公。共。心。者。治。理。之。其。他。瑣。細。之。事。務。不。必。要。有。高。尚。之。理。想。者。可。委。諸。一。般。之。國。民。助。理。之。如。是。則。地。方。自。治。方。能。普。及。而。國。民。教。育。亦。可。完。全。

第。六。因。地。方。自。治。所。生。之。利。益。既。廣。行。地。方。自。治。後。其。所。生。之。利。益。不。勝。枚。舉。今。舉。其。最。要。者。約。有。八。端。(一)能。自。知。其。地。之。需。要。急。起。而。爲。之。謀。以。應。之。知。其。地。之。利。害。者。莫。若。住。居。其。地。之。人。民。於。其。地。之。利。害。關。係。最。切。就。其。利。害。改。良。畫。策。亦。最。爲。細。密。非。他。人。所。能。及。(二)留。意。地。方。之。有。才。識。者。以。增。殖。地。方。之。富。源。蓋。地。方。政。務。歸。其。自。治。則。有。才。識。者。皆。得。就。其。地。方。盡。力。布。置。起。各。種。事。業。以。增。殖。地。方。之。富。源。(三)不。蒙。中。央。政。府。之。惡。政。而。得。保。全。其。幸。福。設。使。中。央。政。治。流。於。貪。暴。可。依。自。治。之。結。合。力。以。抵。禦。之。而。防。止。其。侵。掠。故。中。央。政。府。無。所。施。其。殘。暴。之。手。段。(四)得。使。人。民。練。習。政。治。舉。各。地。之。政。務。任。其。自。治。使。人。民。與。政。務。親。接。可。使。知。政。治。爲。何。物。以。增。長。人。民。之。權。利。心。(五)節。省。政。費。以。本。地。方。之。人。民。任。本。地。方。之。政。務。則。費。用。自。減。且。多。無。給。之。名。譽。職。任。公。共。之。事。務。其。節。省。更。不。待。言。(六)調。

和。官。民。之。利。益。蓋。官。治。因。官。民。之。利。害。感。情。各。異。不。免。有。因。離。隔。而。生。衝。突。之。弊。自。治。則。治。者。與。被。治。者。爲。一。體。爲。同。種。利。害。感。覺。相。同。可。決。無。此。弊。(七)促。社。會。及。各。箇。人。自。由。之。發。達。進。化。必。各。箇。人。之。自。由。發。達。而。後。社。會。有。進。化。社。會。進。化。而。國。家。機。關。之。組。織。乃。能。完。全。無。專。制。及。不。治。之。弊。(八)養。成。人。民。之。公。共。心。人。民。惟。知。各。箇。人。之。利。益。而。無。公。共。心。則。各。欲。自。保。其。利。益。必。置。公。共。之。政。務。於。不。問。故。先。使。從。事。地。方。公。共。政。務。使。知。公。共。之。利。益。保。全。而。後。各。箇。人。之。利。益。可。以。保。全。進。而。參。與。國。政。亦。不。至。視。國。家。之。利。益。與。人。民。之。利。益。爲。二。物。此。地。方。自。治。所。以。大。有。益。於。國。家。也。

軍機處郵傳部會奏擬議郵傳部官制摺

光緒三十二年九月二十日內閣奉

上諭欽奉

諭旨輪船鐵路電線郵政應設

專司書名爲郵傳部原擬各部院衙門職掌事宜及員司各缺仍著各該堂官自行覈議悉心妥籌會同軍機大臣奏明辦理此次酌定損益原爲立憲始基實行預備如有未盡合宜之處仍著體察情形隨時修改循序漸進以臻妥善等因欽此臣等受任以後昕夕籌維博訪詳求期於適用查各國官制其交通一部或領八局或領五局或領四局或領三局英法則專轄郵電德比則兼轄鐵路惟日本之遞信省始統轄鐵道商船郵便電信四政之全臣

等深維今昔之情勢熟審中外之機宜斷不敢稍涉鋪張致形疎闊亦不敢苟安簡陋有礙推行謹就愚慮所籌擬定臣部員缺爲我 皇太后 皇上縷晰陳之竊維全部之綱領必有總匯之機關茲謹遵官制通則清單設承政參議兩廳若機要若考績若會計均屬於承政廳以左右丞領之若法制若覈稿若檢查均屬於參議廳以左右參議領之兩廳各置僉事二員七品小京官二員分設五司曰船政司掌全國船政凡輪船應行考覈調查及籌畫擴充並審議船律各項事件曰路政司掌全國鐵路應行考覈調查及籌畫擴充並審議路律各項事件曰電政司掌全國電政凡電政應行考覈調查籌畫擴充並審議電律各項事件曰郵政司掌全國郵政凡郵政應行考覈調查及籌畫擴充並審議郵律各項事件曰庶務司掌部內各雜項事件爲四司所不能賅者綜計臣部共置左右丞各一員左右參議各一員僉事四員郎中十員員外郎十二員主事二十四員七品小京官十四員按照原奏各部官制通則擬設八九品錄事不定額缺伏思立部之初首以綜覈名實爲亟如果缺多事簡自應懸缺待補將來推廣日廣綜領日繁員缺如有不敷仍應隨時續請增置期於職修事舉無濫無闕船路電郵四政均係專門之學應有專科之書擬設圖書館一區分咨各國出使大臣購寄各種圖書度焉並設講習所俾合部人員得於暇時研究以

資練習其餘應行附設之考工通譯各局所統由臣等體察情形陸續籌辦此外尙應仿照農工商部之例酌設顧問官議員凡於四政素有經驗及著名譽之京外官員紳商由臣部慎選奏派令隨時往來調查報告藉廣詢謀而備採擇郵傳所司職事無一不附麗於輿地更無一不關繫於工商就今規畫固以釐定部制爲急圖而造就人才尤以增設學堂工廠爲要務庶幾機器料件不至仰給於鄰邦而建築駕駛製造管理之人員亦免借材於異域凡此皆必宜擴張事似緩而實急也至臣部關涉各部之權限容俟會商畫定另行具奏以上各項事宜均由臣等公同商酌悉心覈議意見相同謹繕清單恭呈 御覽嗣後儻有未盡合宜之處自應恪遵 諭旨隨時奏明修改俾臻妥善謹 奏奉 旨依議欽此

謹將酌議郵傳部職掌員缺章程繕具清單恭呈 御覽 第一條郵傳部管理全國輪船鐵路電線郵政事務凡京外官商輪船鐵路各公司廠局及電局郵局并關涉本部各學堂皆有統轄考核之責 第二條郵傳部擬設承政廳參議廳凡二廳擬設船政司路政司電政司郵政司庶務司凡五司 第三條承政廳任一部總匯之事擬設左右丞各一員以領之凡承辦機密考核司員籌核經費典守部庫各項事件皆屬焉設僉事二員秩正五品

七品小京官二員將來各項擴充事務漸繁再於各司內選員分任 第四條參議廳任一部謀議之事擬設左右參議各二員以領之凡考訂章程覆核文稿檢查事例及提議交議決議各項事件皆屬焉設僉事二員七品小京官二員將來各項擴充事務漸繁再於各司內選員分任 第五條船政司置郎中二員員外郎二員主事四員七品小京官二員掌全國船政舉內港外海各江航業所有測量沙線推廣埠頭建設各項公司營關廠塢以及審議運貨保險檢查證臺浮標各事凡有關於船政者胥掌焉 第六條路政司置郎中二員員外郎三員主事六員七品小京官二員掌全國路政所有規畫路線釐定軌制籌還借款提倡商辦并工程購料通運行車以及推廣電車各事凡有關於路政者胥掌焉 第七條電政司置郎中二員員外郎三員主事六員七品小京官二員掌全國電政舉官商局商局之則例海線陸線之規章萬國電政聯盟之條款下至城市所敷設之電話電燈各事凡有關於電政者胥掌焉 第八條郵政司置郎中二員員外郎二員主事四員七品小京官二員掌全國郵政舉一切郵遞方法郵便兌郵便包裹郵票款式郵盟條約各事凡有關於郵政者胥掌焉 第九條庶務司置郎中二員員外郎二員主事四員七品小京官二員掌辦各司員升遷調補監用典守堂印收發文件電報并署內會計營造購辦及不屬於各司

之一切雜項事件胥掌焉 第十條以上五條所掌事件範圍甚廣條目尤繁所有各司辦事細章應由臣部核定分科分所酌添員司經理以專責成 第十一條擬照原奏各部通則設八九品錄事繕寫文件料理雜務由臣部酌量委用不定額缺咨行吏部存案並設額外繕寫錄事不列品級其辦事獎勵各章程均仿照外務部農工商部之例辦理 第十二條擬仿照農工商部之例設一、二、三、四等顧問官一等視丞二等視參議三等視郎員四等視主事不作爲缺額凡京外著有名譽官員紳商及於輪路電郵四項素有經驗者均由臣部慎選奏派以備諮詢顧問官於此四項有所建議亦可隨時函呈臣部用資採擇 第十三條擬仿照農工商部之例設議員從前鐵路事隸商部會經由部奏明揀派熟悉路務之員分在各路作爲議員令其逐事訪察研究隨時報部其後鐵路改隸臣部商部改爲農工商部又分設農工商務議員臣部自應仿照辦理商部原派路務各員卽由臣部加札委派此外各員均由臣部博訪精選熟悉船路電郵之員作爲臣部議員分在各省調查一切利弊選報臣部以備採擇 第十四條擬設圖書館掌收儲東西各國專門圖書以備臣部各員隨時考察分科研究酌派司員經理 第十五條擬設講習所爲部員講習專門學業之地并附設閱報所以資研究 第十六條擬設考工局置測繪員一、二、三等藝師一、二、三等藝士

各員其藝師藝士均以得有專科畢業文憑者由臣部考驗選擇分別奏補委用一時難得此項人才應俟查有合格之員再行酌定 第十七條擬設通譯局置繙譯編輯各員掌繙譯臣部與各國交涉文牘合同章程帳冊并編纂譯述各國有關係輪路電郵四項專科書籍現在暫由參議廳經理將來擴充以後事務殷繁再行設局 第十八條本部所轄除上海實業學堂外擬擇地設立鐵路商船電報各學堂而以車務工廠船務工廠電務工廠附焉俾各堂學生皆得就地實驗而各廠藝師藝士亦得隨時證明學理至郵政學堂亦擬另行建設由臣部延訪人才籌畫經費隨時舉辦 第十九條郵傳部所轄四司俱係專門與他部人員不同所有應用各員及議置各缺擬請援照外務部農工商部民政部奏准成案辦理不歸簽選以收因職任材之效 第二十條郵傳部實缺人員每屆 京察保列一等暨俸滿截取并保送各項差缺均請按照各部通例辦理 第二十一條部外各局與本部關繫至重應分設總理協理總辦幫辦總監督由臣部酌量事體擬定階級再行奏派以上各條爲現擬事例辦法嗣後如有應行增修刪改之處由臣等公同商酌妥協隨時會同軍機大臣奏明請 旨辦理

考察政治館奏議覆修訂法律摺

本年六月初九日准軍機處片交本日法部大理院會奏擬修訂法律辦法一摺奉

旨著考察政治館議奏欽此等因鈔交前來臣等伏查原奏內稱編纂法典爲預備立憲最要之階級編纂之事必有主事之政策行事之機關議事之方式各等語造端宏大自係爲鄭重立法起見其所稱主事之政策在兼用守成統一更新三主義酌古斟今以期蔚成

大清法律全典洵屬至當之論允宜定爲準則昭示中外爲他日收回法權地步又所稱行事之機關請特開修訂法律館以法部大理院專司其事並請 欽派王大臣爲總裁

各部院堂官爲會訂法律大臣各督撫將軍爲參訂法律大臣各節查編纂法典與訂立單行法不同法典之大者如民法商法刑法民事訴訟法刑事訴訟法諸種考之各國成例大率多或千餘條少亦數百條取材宏富定例精嚴非如單行法之可以尅日成事蓋單行法不過爲一事一地方而設法典則包含一切關涉全國之事故各國編纂法典大都設立專所不與行政官署相混遴選國中法律專家相與討論研究其範圍率以法典爲限而不及各種單行法誠以編纂法典事務浩繁故不能不專一辦理原奏所請特開修訂法律館無論何種法律均歸編纂一節範圍太廣擬請仿照各國辦法除刑法一門業由現任修訂法律大臣沈家本奏明草案不日告成外應以編纂民法商法民事訴訟法刑事訴訟法諸法

內務 考察政治館奏編纂修訂法律館

五百四十三

丁未

內 務 考 察 政 治 館 奏 請 修 訂 法 律 摺

五 百 四 十 四

十 二 月

典及附屬法爲主以三年爲限所有上列各項草案一律告成其餘各項單行法應仍由各該管衙門擬具草案遵照臣館奏定章程於草案成後奏交臣館統歸臣館考覈請旨施行以期統一其所請欽派王大臣爲總裁一節查修訂法律館之設專爲編纂法典草案起見將來尙須由臣館覈定該館似可無庸再由王大臣管理免致重複又所請以法部大理院專司其事一節查立憲各國以立法行政司法三項分立爲第一要義原奏亦謂立憲之精義在以國家統治之權分配於立法行政司法三機關今若以修訂法律館歸該部院管理是以立法機關混入行政及司法機關之內殊背三權分立之義近世憲法學家嘗謂立法之事必宜獨立若隸屬行政或司法機關之內必致徒徇行政及司法上之便利而有任意規定之弊於法律之進步實多妨礙臣等公同商酌擬照原奏變通辦法請將修訂法律館仍歸獨立與部院不相統屬所有修訂大臣擬請旨專派明通法律之大員二三人充任應修各項法典先編草案奏交臣館考覈一面由臣館分咨在京各部堂官在外各省督撫酌立限期訂論參考分別籤註咨覆臣館彙擇核定請旨頒行又所請以各部堂官爲會訂法律大臣各督撫將軍爲參訂法律大臣一節查各國編纂法典草案成後大都由議院議決現在資政院已奉旨設立俟將來該院辦法完全各部各省明通

法政人員均列院中自無庸分送各部各省討論即由臣館逕送資政院集議取決後移交臣館嚴加覈定請旨頒行以期簡捷而昭鄭重所請另加會訂及參訂各名目應毋庸議至所請分派提調纂修等員及延聘東西法律名家各節自係應有之義應俟開館後由該大臣等擬具章程奏明辦理又所稱議事之方式擬參照議院辦法分議決爲認可與否決兩種皆從多數爲準其否決者必須聲明理由各節均係正當辦法應俟將來資政院議決時參酌辦理謹奏奉旨欽此

考察政治館奏考核州縣事實並酌擬辦法摺

竊照各省州縣事實表冊上屆曾由政務處遵旨考核並另擬通行畫一章程五條請旨頒行在案茲據各督撫先後咨到光緒三十一年分事實表冊除廣西及東三省仍在展緩之列計咨到者直隸熱河江蘇安徽江西山東山西河南陝西甘肅新疆福建浙江湖南四川廣東雲南貴州等十八起所填事實已照政務處頒定格式一律分註雖其中間有參差而大致尙稱畫一造報期限仍不免稍見遲逾皆據聲稱初改格式不無展轉耽擱惟湖北一省至今尙未咨報轉瞬三十二年分又將屆期亦未便再事宕緩謹仍就已到各省詳加考核互爲比較分爲最優等優等平等次等四級分繕清單恭呈御覽其到任

不及一年各員無關考核此次即不復開單以省煩冗查上屆奏定章程列入最優等者請仍交各督撫出具切實考語具奏實缺者以應升之缺在任候升署缺者遇缺即補等語現計三十年分辦理已逾一年各該督撫並無加考奏獎之案若各省大吏無意奉行一兩年後勢必視爲具文相率敷衍於吏治仍無裨益臣等以爲既欲實事考核即不可空言勸懲查大計卓異人員例准送部引見今開事實表冊皆有政績可考與尋常甄別不同擬請凡州縣列入最優等者即令各該督撫加具切實考語送部引見實缺者請旨升用候補者發回原省遇缺即補其列入次等人員雖視升典有別然原章請由督撫督飭各員認真舉辦如果始終不知奮勉即行分別撤參等語亦恐不足以資策勵擬請交各督撫詳加察看酌照處分降罰之例如頻年屢任皆列次等實缺者停升候補者扣補似此變通當不至仍前廢弛至最優等之因案參撤及優等平等各員仍係照章辦理此臣等謹擬切實勸懲之辦法也至於各省咨報之件有與章程不甚符合者如學堂但有處所而無人數巡警但云籌辦而無員名或以團防練勇爲警察或以罪犯習藝爲工藝或混監押不分或漏錢糧不報淆雜紛歧比比皆是督撫加考又或不分等第不論年限更覺漫無限制此次臣等考核凡在任不滿一年者均予詳細剔除其有三四月到任年底尙未交卸各

員統歸下屆核辦。若原無等第各員，則就其考語事實酌量定擬。此後應仍責令各該督撫自行核辦。如其再有漏畧，應即隨時駁回更換，以昭核實。至列入優等連任各州縣，既不必歲歲列優，亦未便遽降平等。應飭各督撫查明上屆優等各員，若事實毫無出入，即行另列一單註明。與上屆相同，俾免淆複。倘於各項新政實有擴充，始終不懈者，准予升列最優，抑或始勤終怠，亦即降等。以期允當。又各省咨報限期原定近省不逾五月，今各省多未如限，不特不能懸案久待，即本屆列單各員往往事故歧出，離任居多。且有原列優等而現被參劾者，追加論列固屬具文。概事刪除亦乖成例。嗣後應再飭催依限咨報，以憑核辦。此臣等謹擬聲明定章之辦法也。又查事實表冊自應注重前列新政四項，而列優等各員尙未能逐項舉辦。各督撫原奏或稱風氣未開，或稱財力不足，自係實在情形。惟日久不辦，適便諉卸。積習亟應酌定年限責成。於三年內將現在未辦之事次第分期辦理。如三年後仍復不能舉行，即不准列優用。示區別。至工藝種植兩項，往往以尋常地方物產濫行開列，而又不就原有者加意擴充。未有者亟思創辦。應另查明各屬工藝種植幾種，製造出產若干，詳細登列。然後再將現在推廣開辦情形並逐年有無效驗切實陳明。庶不至空言捏飾。而於推行新政之事不無裨補。目前禁煙伊始，舊種罌粟各區必須各相土宜，預籌有利植物勸

內 務 考察政治館奏考核州縣事實並酌擬辦法摺

五百四十七

丁未

內務 軍機處奏請改考察政治館爲憲政編查館摺

五百四十八

十二月

諭民間遞年改種方於小民生計無礙他如江蘇之絲貨繡貨閩粵之漆器竹器等類向爲著名工藝於近年商務尤有莫大關係均應切實提倡俟辦有頭緒飭令一併開報以資查考此臣等謹擬整飭新政之辦法也如蒙 俞允應由本屆爲始凡最優等次等各員卽飭各該督撫查照此次奏章辦理其餘各條亦均責令認真遵辦不得稍涉因循以副朝廷實事求是至意謹 奏奉 旨依議欽此

軍機處奏請改考察政治館爲憲政編查館摺

竊自上年恭奉 諭旨預備立憲以來天下臣民喁喁望治現在入手辦法總以研究爲主研究之要不外編譯東西洋各國憲法以爲借鏡之資調查中國各行省政俗以爲更張之漸凡此兩端皆爲至當不易刻不容緩之事擬請 旨將考察政治館改爲憲政編查館以便切實開辦所有軍機大臣大學士參預政務大臣會議事宜應請改由內閣辦理其會議一切章程卽由內閣酌定如蒙 俞允憲政編查館應請 旨由軍機王大臣總理其事仍設提調二員卽以原派之提調改充專辦編制法規統計政要各事項嗣後遇有關繫憲政及各種法規條陳並請 飭交該館議覆以歸一律至館中應辦之事俟命下之日再由臣等督飭館員詳定妥章認真經理以副 朝廷實行憲政之至意謹

奏奉

旨欽此

吏部奏請添設司員額缺摺

竊以爲政之要首貴得人用人之方端資鼓勵臣部任寄銓衡公事素稱繁劇而選功兩司分司黜陟責任綦重端緒尤繁況現當釐訂官制之際變通舊例更訂新章辦事之難迥非昔比溯自裁吏以來事無鉅細皆司員親手經理臣等督率司員昕夕趨公常虞不給以故上年奏調內閣中書各員並請將舉貢捐納人員一律簽分加以裁缺各員紛紛簽掣到部雖部務藉資分理而人數幾增一倍且嗣後每月分發人員陸續簽分到部人數愈多補缺愈難查臣部額設滿漢郎中十五缺滿漢員外郎十六缺滿漢主事十八缺從前按資序補已屬非易今人數加增缺額如舊而裁缺人員相間輪用又分其半若不設法疏通勢必日形壅滯序補無期殊不足以昭激勸查度支部禮部農工商部等衙門或以事務併入或以分部人多皆請添設額缺均先後奉旨允准在案臣等公同商酌擬請將臣部文選司添設郎中員外郎主事各一缺考功司添設郎中員外郎主事各一缺不分滿漢揀選當差得力之員一律酌補庶於鼓勵人材整頓部務兩有裨益謹奏奉旨依議欽此

度支部會同外務部稅務大臣奏議覆嚴申米禁以重民食摺

內務 吏部奏請添設司員額缺摺

五百四十九

丁未

內 務 度支部會同外務部疏請大臣奏請嚴申米禁以重民食摺

五百五十七

十二月

光緒三十三年四月二十一日承准軍機處字寄本日奉 上諭翰林院侍讀周爰誦奏請禁米出口一摺據稱江北此次水災糧缺價實由誤弛米禁隄防既撤偷漏遂多等語著度支部江蘇督撫嚴禁米糧出口以重民食所稱修治水利講求種植各節並著體察情形妥籌辦理原摺著鈔給閱看欽此遵 旨寄信等因前來查原奏內稱大江南北號爲產稻之鄉前年尙屬中稔他省且恃以接濟且舟楫流通轉輸利便卽本省偶然缺乏亦何難乞糴四鄰乃聞該省此次荒歉凡未災州縣及毗連各省糧價同時漲貴中米一石需洋八九圓至十圓不等以至搶米之案層見迭出而湘鄂皖浙莫不爭先閉糴臣殊不解東吳稔稻何以枯竭至於此極周諮博訪窮其致病之源而知蘇省糧貴且少致成此奇災實前江督周馥兩次奏弛米禁之流毒也蓋江南之米上海爲出口大宗江北之米鎮江爲出口大宗當劉坤一任江督時因奸民偷運糧價過昂卽奏禁米麥出口數載以來民食僅能自給光緒三十一年二月周馥先請弛鎮江一口及仙濠兩處之禁其年十月並弛上海出口之禁隄防既撤偷漏遂多印照之繳發有期而影射之出洋無盡一旦凶饑告警遂令數千里內幾至無米爲炊方周馥請弛禁時江南米價每石已至四五圓較二十載以前下河常在二千錢以內江南常在三千錢以內者業已貴賤懸殊而周馥陳夔龍等不加深察驟爲

是請大稔之後官廩民倉一空如洗縱得一二豐年穀價斷難如曩時之平減況豐歲固難常得臣愚以爲懲既往之禍尤當嚴日後之防擬請 特旨飭下度支部及兩江總督江蘇巡撫此後十年以內該省不准再請弛米糧出口之禁等語臣等伏查本年二月間臣部併案議覆內閣學士吳郁生兩江總督端方籌備賑需一摺聲明上年十二月議覆御史吳鈞奏請截漕濟賑摺內有嗣後非十分米賤毋許擅請開禁即使米禁偶弛最久勿逾半年等語誠恐日久生懈請 飭下外務部會同臣部並稅務大臣妥訂專章以冀內地糧充等因在案臣等正在籌議茲復據該侍讀奏稱江北此次水災糧缺價貴實由誤弛米禁隄防既撤偷漏遂多等語欽奉 諭旨著度支部江蘇督撫嚴禁米糧出口以重民食等因欽此臣等自應妥籌辦理查二十九年外務部會同戶部議覆兩江總督等條陳江海各口米糧開禁封禁辦法一摺擬訂章程本自周密祇因各該督撫奉行不力以致米糧偷漏出口時有所聞嗣經臣部奏令沿江沿海各督撫隨時咨報各口出入米糧數目並令列表年終彙奏其咨報者固多參差牴牾至年終彙奏近亦惟兩廣督臣遵辦是欲實行查禁仍恐徒託空言臣等公同商酌擬請 旨飭令江蘇督撫暨沿江沿海各督撫申明二十九年外務部會議章程轉飭嚴行遵辦並令年終將各口米糧出入確數彙報以憑考覈仍令稅

內 務

度支部會同外務部稅務大臣奏議覆嚴申米禁以重民食摺

五百五十一

丁未

內 務

度支部會同陸軍部郵傳部奏議覆畫滇省應辦事宜摺

五百五十二

十二月

務大臣隨時嚴飭稽查庶幾米禁可以實行至該侍讀原奏所稱此後十年以內該省不准再請弛米糧出口之禁等語自係爲嚴明禁令慎重民食起見惟鄰省因災告糶事所常有自難限以十年應仍查照前此議覆御史吳鈞摺內所稱嗣後米禁勿許輕開即使偶弛勿逾半年期限辦理較爲允當謹 奏奉 旨依議欽此

度支部會同陸軍部郵傳部奏議覆畫滇省應辦事宜摺

調補雲貴總督錫良奏籌畫滇省應辦事宜先陳大概情形並懇 飭部迅議籌款一摺

光緒三十三年三月十六日奉 硃批該部議奏欽此欽遵由軍機處鈔交到部據原奏

內稱滇之內政關於天下之大計滇省之根本而爲今日至要至切之圖者莫如練兵鐵路兩端其尤亟不可待者則爲目前應辦之賑務竊先總斯數者賑款雖急猶爲一時之需路款雖難亦不能專恃公家之帑若夫練兵一事旣衡時局滇省至少非練成陸軍一鎮駐紮適中無以備緩急而資鎮懾地處僻遠既不能如山東江北調駐北洋已練之軍而該省舊有各營或巡防鐵路或控馭蠻荒又不能裁原有之兵以補新練之餉且旣練新軍則辦理須一遵定章萬不敢敷衍從事屬雜成軍以致有名無實計常年額餉數固浩繁其開辦應購之槍礮裝服及建築營房等項恐較之沿海沿江各省勞費不止一倍前調雲貴督臣岑

春煊於奉 命後卽由廣東撥運槍枝並調一營前往奴才現亦由川選帶一營並商護理督臣在川省陸軍餉需項下撥帶餉銀十五萬兩但此皆不過借助鄰疆稍資基礎所有編練新軍開辦常年一切餉項非先籌有的款無自經營應請 飭下部臣可否將滇省應行解部練兵之土藥統稅等項概准截留或照數指撥另款迅予核議以濟要需至滇省災情奴才在川督任內曾准部電飭撥鹽務款八萬兩當經立飭匯滇並一面飭屬廣爲勸捐在案開缺督臣丁振鐸前已派員分赴川黔採運米石岑春煊已經籌款自越南購運惟道遠運艱大抵須數石之費乃可致一石之米昨復電詢丁振鐸暨該省司道據稱災區凡四十餘屬現在省城米價每斗需銀八兩蒙自等處尤昂所辦賑糶須俟秋收後體察情形再議停展爲日方長需款甚鉅等語奴才現先酌商趙爾豐飭司由川提撥銀五萬兩即交滇省來川採米委員購添米石迅運前往稍爲補助仰懇 飭部一面迅籌接濟一面由奴才到任後確審災情奏陳辦理滇省鐵路論形勢已成補牢論事機則甫經謀始前准丁振鐸商籌滇蜀鐵路辦法奴才已認由川合力通籌旋准來咨騰越一路亦已設立公司惟修路之難莫難於集款滇路之重要該省士紳旣已確知利害亟謀自辦籌集股本必能激發熱心奴才職任封圻自當深維公益力保主權惟是民力久匱矧在邊瘠之區辦事必賴

內務

度支部會同陸軍部郵傳部奏請覆籌滇省鐵路事宜摺

五百五十三

丁未

官爲主持籌款亦應官爲輔導仰懇 飭下郵傳部統籌熟計酌濟鉅款以爲之倡抑或
在於津榆蘆漢兩路所獲盈餘項下按年酌撥若干俾得早日興辦將來滇路告成即爲津
蘆之子路滇疆幸甚大局幸甚等語度支部查該督奏陳滇省應辦事宜首舉練兵賑務織
路三大端統籌併計實爲當務之亟惟查雲南近年就原有額餉改練常備續備各軍共三
十六營歲需銀七十餘萬兩復又添設剿游十四營歲需銀二十七萬餘兩經臣部暫將常
年解部之新加土藥茶糖煙酒釐金及減平整頓稅課等項銀十萬餘兩儘數截留不敷之
款並准其於本省騰越關稅項下就近提撥供支在案今該督以舊有各營巡防控馭不能
裁節急欲編練新軍以資鎮懾除前調雲貴督臣岑春煊由廣東撥運槍枝並調一營前往
該督由川選帶一營並餉十五萬兩外請將滇省應解臣部練兵項下土藥統稅等項概准
截留或照數指撥另款並據聲稱深知臣部艱窘督川數年練兵辦賑巴塘桑披兩次軍務
均設法籌挪未敢措請部款今滇疆情勢不同不得不迫切呼籲等語查各省練兵向未取
給於臣部惟該省情勢岌岌與他省不同不能不量籌接濟該省土藥稅收現已劃歸自辦
每年應行解部之練兵經費銀十二萬兩固屬計授要需既據該督臣指款請撥應暫准其
照數截留以資挹注雲南係受協省分且值情形緊急故從權議准他省不得援以爲例至

於滇省賑務據前督臣丁振鐸兩次奏請撥款業經臣部先後給銀十六萬兩本年四月二十九日又據丁振鐸奏稱由司庫籌款派員分赴越南及川黔等省採運米石賑糶兼施且將各屬徵存之穀三萬六百餘石碾運災區等語今復據該督奏稱在川督任內准部電撥匯鹽務餘款銀八萬兩並飭屬廣爲勸捐岑春煊亦籌款自越南購運米石該督又由川撥款交滇省委員購添米石總而計之數已不資惟旱久災重爲日方長自應亟爲籌撥擬由臣部庫款內發給銀四十萬兩除散放賑款外所有餘項卽令該督臣體察情形撥作各項要需之用至所稱練兵一事滇省至少非練成陸軍一鎮駐紮適中無以備緩急而資鎮懾且旣練新軍則辦理須一遵定章不敢敷衍從事靡雜成軍以致有名無實等語陸軍部查滇省地屬邊要爲西南之門戶藏桂之輔車必須練有大枝勁旅扼要分駐乃足固藩籬而資緩急該督所稱至少須練陸軍一鎮方資鎮懾實與臣部所擬辦法不謀適合第該省前已改編新軍步隊一協礮隊二營緣辦法未盡合宜歷經練兵處及臣部核議奏咨令其照章更正各在案相應請旨飭下該督臣於原練新軍亟應釐正各事及現擬添練之步隊一協並礮馬工輜各營務照定章切實整頓分別編練以重戎政而鞏邊防其有應商臣部事宜仍隨時咨報以備考核又原奏內稱滇省鐵路前准丁振鐸商籌滇蜀鐵路辦法奴

內 務

度支部會同陸軍部郵傳部奏請撥款賑濟滇省應辦事宜摺

五百五十五

丁未

內 務 禮部奏遵議籌給繙譯出路摺

五百五十六

十二月

才已認由川合力通籌旋准來咨騰越一路已設立公司惟修路之難莫難於籌款懇飭郵傳部統籌熟計酌濟鉅款以爲之倡抑或在於津榆蘆漢兩路所獲盈餘項下按年酌撥等語郵傳部查滇蜀騰越兩路俱屬南疆要地該督議次第築軌爲轉運兵餉之計實足以穩固邊陲惟臣部現辦之路多係借款興修目下滬甯汴洛廣九各路無一不仰給借款卽京漢關內外稍有餘利而京漢須借撥正太關內外須撥充京張及接展奉新之用均經奏明在案且此次收買奉新業由關內外路款撥銀一百一十三萬七千餘兩而京漢現正籌款贖回更不能假借分毫致自失權利統籌各路實屬無可挪撥今滇蜀騰越旣難置爲緩圖擬請仿照川漢辦法由該督斟酌地方情形先行籌辦如謂邊瘠之區民力久匱查前督臣丁振鐸奏定滇蜀章程有外埠招股明文應責成該兩路總理雲南布政使劉春霖兼顧統籌酌量辦理一俟各路洋債還清後再當實力擴充酌爲協濟以擴路政而固邊防謹奏奉 旨依議欽此

禮部奏遵議籌給繙譯出路摺

內閣鈔出護理荊州將軍副都統隆斌奏懇籌繙譯出路一摺奉 硃批該部議奏欽此欽遵到部查原奏內稱科舉停罷改設學堂所有繙譯舉人生員遂絕進身之路目下京旗

並各省之繙譯舉人生員不無可造之材若概擯而不用未免可惜查繙譯舉人生員與文舉人生員同爲 朝廷科名懇 恩飭下吏禮二部一體籌給出路等語臣等查上年政務處奏准寬籌舉貢出路第五條章程內開除年輕諸生應挑入學堂及現充各學堂教員現入師範學堂現送出洋游學各生外其餘生員均於考優貢之年准令各州縣會同教官慎加遴選保送由各督撫會同學政認真考試取其文理暢達事理明晰者大省取一百名中省取七十名小省取五十名至保送人數約計照額十倍爲斷毋得過濫又本年吏部奏准向來舉人大挑並現在五貢就職均不分滿漢擬請嗣後滿蒙漢軍文舉人應截取揀選者卽查照漢舉人現行截取揀選章程一律辦理其八旗駐防及內務府繙譯舉人亦卽附於各本科之末統與漢舉人比較科分名次選補等因各在案又查例開各省駐防繙譯童生滿蒙進額均五六名取進一名等語今荊州副都統請爲繙譯籌給出路自係爲體恤寒畯共沐 皇恩起見除繙譯舉人出路應照吏部奏准章程辦理無庸再議外所有京旗文生員繙譯生員及各省駐防文生員繙譯生員均擬比照漢生員例准其一體考職京旗由各都統彙送值年旗冊送直隸提學使各省由將軍都統副都統城守尉冊送本省提學使均宜擇優保送任缺毋濫冊送後由提學使照漢生員考職例一律考試文藝不得另

內 務

禮部奏准籌給繙譯出路摺

五百五十七

丁未

內務 法部奏議覆實行改良監獄摺

五百五十八

十二月

試繙譯其錄取額數擬照繙譯童試例五六名酌取一名以廣

皇仁而宏造就爲此謹

奏請 旨奉 旨依議欽此

法部奏議覆實行改良監獄摺

光緒三十三年四月十一日准軍機處片交修律大臣沈家本奏實行改良監獄一摺奉

旨法部議奏欽此當將原奏鈔送到部臣等悉心查閱其改良監獄之要共分四事原奏改建新式監獄一節內稱歐美構造之法有分房制有雜居制有階級制形式以扇面形十字形爲最宜日本則以巢鴨爲模範監獄我中國天津及京師各習藝所俱仿其制現在內地各監獄同時建造力有未逮宜於各省會及通商口岸先建模範監獄一所以備拘禁流徒等罪又言監獄與習藝所性質不同凡拘置浮浪貧乏者名習藝所隸民政部監督拘置自審判廳判定罪名者名監獄隸法部監督等語臣等按監獄改良宗旨懲戒與感化並重東西各國以囹圄之良窳視政治之隆汙日本能撤去領事裁判權首以改良監獄爲張本蓋監獄與裁判互相表裏有密切之關係非徒取壯外觀已也故其構造有種種之設備如監房工場教室病監等類均合於衛生之旨教育之方中國監獄相沿日久其地勢湫隘則疫癘易生其牆宇卑陋則防閑易弛其居處叢雜則惡習易染於是有痼弊之慘脫逃之虞

究暴發詐之傳換今欲力救其失應如該大臣所奏酌量地方情形以次改築願改良之法當以分房制階級制爲最善第需費太鉅不妨稍爲變通現湖北業已改造如天津上海漢口奉天江浙閩廣等處或繁盛大都或通商巨鎮一切規模自宜參酌東西洋辦法以示文明於諸國爲後日撤去領事裁判權及抵制租界監獄地步其腹地省分財力稍遜之區遞及府縣各量物力之豐歉人格之高下罪犯之多寡地段之廣狹由按察使實力籌倡分年修改年終將改良成績造冊報部以備考核至習藝所事項臣部前經奏准通行各省名罪犯習藝所專爲收容犯人而設按罪名之輕重定役期之遠近業據各省籌辦先後奏咨存案若但收留無業貧民者略如泰西之感化院日本名之爲強制勞役場與監獄性質迥然不同中國各省多未設立將來善會發達自能逐漸推廣今宜預定權限凡拘留罪人者名曰罪犯習藝所歸臣部監督拘留浮浪窮乏者曰民人習藝所歸民政部監督斯名稱不紊管轄各得其宜於懲戒已然及感化未然之道兩有神益矣又原奏養成監獄官吏一節內稱各國登用監獄官吏必先入監獄學校及試之實地練習中國亦宜於各省法律學堂或已成之新監獄內附設監獄學堂探特別任用法並改定獄官品級等語臣等查治獄之要端在管理得人中國獄吏本乏專家佐貳雜流濫竽充數獄事不治百弊叢生應如該大臣

麻·奏·實·存·儲·本·之·法·京·師·法·律·學·堂·應·設·有·監·獄·學·二·科·講·責·成·該·學·堂·監·督·認·真·辦·理·並
一·六·飭·下·學·部·於·京·外·法·政·學·堂·一·律·增·設·監·獄·學·專·科·選·法·政·高·等·學·生·派·入·專·門·研·究
年·半·畢·業·考·給·文·憑·專·備·臣·部·及·各·省·提·法·使·諮·議·改·良·及·調·查·管·守·之·需·以·收·速·成·之·效
其·已·設·新·監·獄·等·處·並·應·附·設·監·獄·學·堂·由·該·督·撫·酌·量·妥·辦·若·夫·改·定·獄·官·品·級·查·奏·定
外·省·官·制·草·案·業·於·提·法·使·項·下·聲·明·自·經·歷·以·下·各·官·由·法·部·擬·定·職·掌·酌·量·改·設·又·條
律·大·臣·前·年·奏·核·議·恤·刑·獄·摺·內·有·嗣·後·每·府·派·實·缺·同·知·稽·察·各·屬·監·羈·等·因·竊·惟·稽·察
徒·屬·虛·名·不·如·典·守·更·為·切·實·擬·請·各·省·已·成·之·大·監·獄·額·設·正·典·獄·官·一·員·秩·從·五·品·副
典·獄·官·一·員·秩·從·六·品·其·餘·分·任·義·務·及·醫·官·書·記·等·員·由·該·督·撫·量·為·增·置·奏·咨·存·案·其
餘·各·屬·獄·官·暫·仍·舊·制·應·由·臣·部·於·定·議·提·法·使·所·屬·員·缺·內·另·片·陳·明·以·資·遵·守·要·之·獄
務·人·才·與·司·法·官·吏·同·一·重·要·官·卑·固·不·足·彈·壓·祿·薄·亦·無·以·養·廉·是·宜·於·優·給·津·貼·中·加
之·意·也·又·原·奏·頒·布·監·獄·規·制·一·節·內·稱·昔·佛·蘭·西·與·日·本·地·方·監·獄·常·年·經·費·悉·由·地·方
擔·任·各·處·自·為·風·氣·管·理·不·能·統·一·中·國·將·來·各·州·縣·監·獄·是·否·由·國·帑·支·辦·抑·或·籌·用·地
方·公·款·尚·難·豫·知·宜·先·由·法·部·博·採·各·國·最·新·規·則·編·定·監·獄·章·程·頒·行·各·省·免·蹈·二·國·之
失·策·等·語·臣·等·查·歐·洲·羅·馬·時·代·監·獄·敗·壞·法·制·缺·如·洎·十·九·世·紀·之·末·荷·蘭·提·倡·改·良·厥

後美之啡律的羅啡地英之約翰華德氏繼之各國皆銳意釐定監獄法規日本亦立有監獄則以爲舉國模範中國現行律例捕亡斷獄兩門於審獄管獄恤囚防囚諸節非不分立規條第疏漏尙多未臻完備似宜採訪各國善法妥議詳細章程備發直省乃能有效應如該大臣所奏由臣部編纂頒行以收獄制統一之效再考各國監獄有屬於國家直轄者有屬於府縣行政廳者有屬於地方自治者其擔負之費亦因之以分屬於國家直轄者由國庫金支出屬於府縣行政廳者由府縣地方稅務擔負屬於地方自治者由地方自治會及囚犯作業之工資分任之要其統一之原因在乎經費得宜不在乎經費區別中國庫儲支細應由該地方自行籌措仍遵守臣部頒發章程俾歸畫一其中條件實有未能強同之處准該督撫量爲變通期與地方情形不相窒礙如此大端既合秩序井然自不至蹈二國之失策矣又原奏編輯監獄統計一節內稱各國以統計爲專門科學之一監獄統計其法分二種一人員統計如犯罪原因國籍住址年齡身分職業教育是藉以知其人入監前之經歷也一行政統計如監獄之面積官吏之程度囚人之比較以及懲罰作業會計疾病之類是藉以知監獄內事務之詳簡也今典獄既設專司此制亟宜仿行應由法部編定格式頒發各省督撫飭所屬按式分年報告仍由法部彙訂成冊恭呈 御覽等語臣等查中國

內 務 各 省 內 務 彙 誌

五 百 六 十 二

十 二 月

監獄向無統計可徵凡囚人之情狀獄中之事宜在在無憑查核是以獄務虛壞因循至今前年臣部咨行各省令各道府派員稽察監獄按半年申報督撫一次年終彙報臣部惟未頒布格式不過稽查有無淹禁濫押凌虐等弊而於各省犯罪之起原各監犯人之名數率獄面積之廣狹官吏管理之方法與夫種種計畫一切均未週知應如該大臣所奏由臣部編定成式頒發各省通飭所屬按式分年報告仍由臣部彙訂成冊恭呈 御覽以備彙年比較則監獄之進步當有日新月異之觀矣以上四事臣等按照原奏悉心核議如蒙

俞允臣部即咨行各衙門並各省督撫通飭各屬一體遵照所有監獄占地大小繪圖呈報分別輕重人犯共若干名口每名囚糧經費開支若干逐一詳細造冊報部以便查核情形次第施行務臻妥善以副 朝廷整飭獄務之至意謹 奏奉 旨依議欽此

各省內務彙誌

京師○王侍御步瀛奏請漢京官告假省親修墓凡歷俸十年者比照滿京官例實缺不開缺候補不扣資俸一摺前已欽奉 批准而趙侍御炳麟以歷俸必須十年滿足未滿十年者仍不得遂其孝思特再奏請凡漢京官請假省親者無論歷俸多少皆不開缺不扣資俸惟請假期遠省不得逾四箇月近省不得逾兩箇月逾限即行開缺扣資以示限制亦已奉 旨允准○京師內外城各煙館已於七月初一日一律閉歇

直隸○升任直督袁尙書前以預備立憲亟須研究各國憲法知其大綱特札飭司道籌設憲法研究所分爲三班逢一四七等日爲道府研究班以提學司運司爲總長徐道鼎康孫道多森爲副長逢二五八等日爲廳州縣研究班以天津道天津府爲總長李守映庚庚朱守端爲副長逢三六九等日爲佐貳研究班以河防同知天津縣爲總長王牧仁錄吳令遠基爲副長所有候補人員自道府以次先查明在津人數除本有要差駐局各員准其屆時請假外其餘均按期赴所研究憲法各立畫到簿道府班送院署標日廳州縣班送司標日佐貳班送天津道標日均須註明出入時刻副長駐所辦事以專責成又以外省官制須從直隸辦起特飭司道在天津設立官制會議處並辦理調查考驗事務(調查係調查各州縣進款預算出入經費考驗係考驗現任候補各官備行憲政資格)當由司道公舉南和縣知大令錫章任邱縣胡大令商彝本任武邑縣李大令綺青候補直隸州陸刺史維炳等爲會議員暫假學務公所爲會議處○直省藩臬兩司議准雞澤縣李大令綺青稟將舊例各項衙役一律裁併改爲司法巡兵專供法衙搜捕傳拘之用並擬定一切辦法詳由直督批准飭即通飭各屬一體遵辦○望都縣團大令慶業自奉飭辦巡警即在城內設立總局一所東南北三關各設分局一所其餘四鄉擇其適中之地分設分局四所劃爲二十七區統計城關四鄉共設巡警二百四十三名惟創辦伊始規模未能妥善近復參查地勢酌量歸併將東路原設八區併爲三區南路原設五區併爲二區西路原設七區併爲二區北路原設七區併爲三區巡兵量加刪減計實設一百三十七名預備巡兵一百零六名並遵飭在於城內設立傳習所一處四路各設一處以三箇月畢業又沙河縣文大令元以該邑巡兵雖已分佈各區而警車未諸遇事不無遺誤特在城內設立傳習所一區招考自費警生數十名入所肄習三月畢業後挑取程度稍高者派充各區區長以資轉相教練又磁州唐收則瑀自履任後查得州境城鄉巡警止四十名非特不濟警章即衣服鞋帽亦未整齊殊屬不

內務 各省內務彙誌

五百六十三

江表

成事體因將前警董斥退另派畢業生爲巡官以資整頓照前任都牧所擬辦法招足巡兵三百二十名又預備兵八十名令每約每年各攤警費京錢九百吊按季呈交局紳經理又以從前巡警總局因陋就簡殊不壯觀特將皇華館改爲傳習所俟傳習事畢卽作爲巡警總局之用○甯河縣張大令繼信自奉飭禁煙卽移會巡警總局一體查禁凡煙館開燈之家已於去臘二十日一律飭令歇業其城鎮鄉村售賣煙土煙膏之舖戶則查明註冊給予憑照一紙作爲營業之據於十年限內照章閉歇此後只准歇業不准再開至種煙地畝亦經查明註冊給予憑照作爲種煙之據嗣後遞年減種九年限內改種他糧違者照章罰辦更在本城隍廟西院設立戒煙所議定官督紳辦戒煙以六人爲一排半月爲度前排戒清後排續入以免紊亂又清豐縣馬大令親臣自到任後查得境內種煙地畝爲數無多擬俟下屆佈種時再爲出示勸諭大小煙館則已勒令一律閉歇並在城內先設戒煙公所一處俟經費充裕卽赴四鄉各集鎮添設分所以期境內一律戒絕

奉天○山海關道蔡觀察於禁煙一事極爲認真煙館已遵諭收歇仍嚴飭查拿私吸有犯必懲復諭商會組織官膏專賣局諭令各土棧一律歇業不准售賣煙土

吉林○余均卿觀察等以實行禁煙須從考求良藥入手特在吉林省城設立同善戒煙社製造戒煙藥品廉價出售以期早除痼疾

河南○豫臬鍾廉訪以清查戶口爲整頓巡警入手辦法擬自開封五區爲開辦之起點每區分爲四段每段派巡長一人任清查之事而令巡官督率之限二十日蒞事再由各巡官彙造清冊二分一存本區分局一送開封巡警局作爲清查戶口之底本限十日造齊共限一月告竣以後戶口有更動者隨時查明列入戶口更動冊年終編成總冊作爲來歲

清查之根據已擬辦法十二條詳經豫撫核定施行○豫省煙館已於月前飭令一律停閉惟各屬多未遵行復由大吏札飭各屬即行限期勒令停閉並轉諭各紳民廣勸四民禁戒凡有紳民能勸百人斷癮確有憑據者即由地方官申報請獎多者照加以示鼓勵

江蘇○蘇州盤門外日租界向有煙館及花煙間數家自禁煙令下城廂內外各煙戶紛紛遷至租界經洋務局羅申田觀察與駐蘇日本代理領事大賀桂吉君商准勒令各煙戶於六月二十七日一律閉歇不准再開又常州府陸太守日前曉諭各煙館凡已歇者不准再行私設其具結領照城廂內外限七月二十日截止各鄉限二十五日截止所有膏店須每日認捐十兩以上不得短少售膏每兩捐錢四十文由縣繕發印單飭收不得短欠其膏店茶肆酒館客寓妓寮等處一概不准以煙具待客違者重辦房屋發封煙客枷責又山陽安東高郵寶應泰州五處禁煙情形前經淮揚海道委派陳別駕德宣前往調查兼任督催之責近聞陳已查明稟覆略謂安東煙館由章令曉諭自六月初一日起不准開燈山陽煙館由沈令查明全境數目並造名冊勸諭以六月為止不准逾限再開寶應煙館由萬令提前勒限五月底閉歇並將煙具煙槍呈繳由縣獎給銀牌錢文各鄉鎮亦遵限全閉高郵煙館凡城廂內外均於六月底閉歇各鄉鎮責成文武汛官督董一體查禁並創設戒煙公所四處俾貧民消除煙患泰州煙館由胡牧勒限六月底一律閉歇取有切結並無開燈吸煙之人又恐失業者無以資生業經照會各董設立因利局並由紳董設立戒煙習藝所以惠貧民

安徽○蕪湖煙館已於七月初一日一律閉歇巡警彈壓稽查頗為得力無為州境內煙館屢經示禁未能一律廓清前經學界派人至各煙館稽查煙具搜括殆盡遂即實行閉歇復由彭直刺會同學界研究善後辦法詳訂章程十二條極為周妥

內 務

各省內務彙誌

五百六十五

六子未

江西○武甯縣設立強迫戒烟會勸人戒烟分爲購藥自戒入會戒烟二項酌收藥本膳資以資經費凡入會戒烟者十日爲期不准寬限以副強迫二字之義會中每日由董事邀請善於詞令者演說吸烟之害及聖諭廣訓勸業歌一小時俾入會戒烟者聽之咸知振作精神勤於職業又安仁縣陳天令收功捐廉製就戒烟藥麵多派鄉紳廣爲勸戒並爲籌備夫馬以杜需索又弋陽縣錢大令志銘前出示諭所有縣屬地方以八月十五日爲限將開燈煙館一律閉歇逾期即當發封又前九江府孫景表太守自奉飭禁煙即於八月十六日勒令各煙館一律閉歇並籌備紋銀二千兩爲開設戒烟所經費兼理醫務凡來局戒烟者各予以戒烟丸貧者不取分文以示體恤又吉安府許太守祐身履履縣呂大令用賓公同籌商在於城內設立戒烟局一所

浙江○鎮海縣孫大令自奉飭禁煙即擬定章程照會城鄉會正紳董遵辦並諭飭煙館依限閉歇聞自八月底爲止各煙館稟報閉歇者共計三百二十九戶云○前署處州府蕭叔衡太守以爲政之道必須官民聯爲一體庶幾情無不通事無不治然長官深居衙署小民散處閭閻既不能時蒞鄉又不能人人訪問而欲下情上達官民聯絡誠非易事因於大堂置一木櫃名曰求隱櫃凡地方隱情弊害均准人民書明投櫃其餘若稟報匪情者若自首者亦准投函註明姓名住址以便分別辦理並定章程十二條曉諭遵行

湖北○武漢禁煙及官膏局事宜前經總辦馮少竹太守擬定辦法呈由升任鄂督張中堂核定閱係期以三年淨絕根株三年後官局停賣無論何人皆儘三年中將煙戒盡云

廣東○前署粵臬龔廉訪心湛稟准粵督設立參議處決行八事一改良刑法二修理監獄三設立裁判四整頓學務五清查戶籍六裁撤胥吏七改差役爲警察八實行地方自治

貴州○黔省巡警向未開辦近始設立總分各局於七月二十四日實行開辦由黔撫派委臬司松廉訪督辦其事廉訪以開辦之始誠恐居民昧於功令妄生疑慮因將警政所關之事項摘要示諭以期商民士庶各守規則

上海商務印書館
 都成 州福 口漢 州廣 津天 天奉 都京 (設分)

說 小 本 譯 生 先 南 琴 林

倫理小說孝女耐兒傳 七角半
 實業小說愛國二童子傳 七角半
 滑稽外史六册 二元
 大食放宮餘載 六角半
 英國詩人吟邊燕語 三角半
 美洲童子萬里尋親記 三角
 足本迦茵小傳二册 一元
 埃及金塔剖尸記三册 一元
 英孝子火山報仇錄二册 九角
 鬼山狼俠傳二册 一元
 斐洲煙水愁城錄二册 八角
 撒克遜劫後英雄略二册 一元
 玉雪留痕 四角半
 魯濱孫流記二册 七角
 洪罕女郎傳二册 七角
 蠻荒誌異 六角
 魯濱孫飄流續記二册 五角半
 紅礁畫漿錄二册 八角
 海外野渠錄 三角半
 霧中人三册 一元
 橡湖仙影三册 一元二角
 神樞鬼藏錄 二角半
 拊掌錄 三角
 旅行述異 七角半
 十字軍英雄記二册 九角
 金風鐵雨錄 一元
 雙孝子噴血酬恩記 五角半

歐美名家小說

法大俠隱記四册 一元五角
 仲馬 孤星淚二册 七角
 法書 漫郎攝實戈 三角
 司德華 續俠隱記 現印
 法大 續俠隱記 現印
 仲馬 法大俠隱記三集 現印
 狡兔窟 一角半
 玫瑰花下 一角半
 羅仙小傳 一角半
 三名刺 二角
 三疑案 現印
 幻想翼 現印
 銀鈕碑 一角半
 薄命花 一角半
 黑衣教士 一角半
 五里霧 一角半
 狡獪童子 一角半
 怪醫案 現印
 行路難 現印
 中山狼 現印

新出小說

續像小說一册至七十二册 七元二角
 續像小說一至七十二册零售 二角
 環瀛誌險 二角
 空中飛艇上 二角半
 空中飛艇中 二角
 泰西歷史演義 三角
 文明小史二册 一元
 中國女偵探 三角
 海上繁華夢 初集 五角
 後集 七角半
 掃迷帚 二角半
 玉佛緣 現印
 瞎騙奇聞 現印
 慘女界 現印
 學究新談 現印
 拿破侖演義 現印
 華盛頓演義 現印
 少年白話叢書 現印

上海商務印書館

重慶(分設) 開封 濟南 潮州 長沙 太原

佳人奇遇	七角	秘密電光艇	三角半	毒藥繡	三角
經國美談前後編	五角	阱中花(白話)二册	五角	希臘神話	二角
夢遊二十一世紀	二角	寒牡丹(白話)二册	四角半	指中秘錄	現印
補譯華生包探案	二角	香囊記	二角	圓室案	二角
小仙源	一角半	三字獄	二角	寶石城	二角
案中案	二角	紅柳娃	二角	雙冠璽	二角半
環游月球	三角	簾外人(白話)	三角半	畫靈	二角
黃金血	三角	煉才爐	二角	航海少年	二角
金銀島	三角	七星寶石	二角	多那文包探案	現印
回頭看(白話)	二角	血蓑衣	二角半	一萬九千磅	二角半
降妖記	二角半	舊金山(白話)	二角半	紅星佚史	現印
珊瑚美人(白話)	三角	俠黑奴(白話)	一角	金絲髮	二角
賣國奴(白話)	四角	美人煙草(白話)	一角	朽木舟	二角半
懺悔記(白話)二册	五角	天方夜譚二册	一元五角	塚中人	現印
奪嫡奇冤	五角	鐵鎗手	二角	盜窟奇緣	現印
雙指印	二角半	蠻阪奮跡記	二角	鬼士官(白話)	現印
墨花夢	二角	波乃齒傳	一角半	鴛盟離合記(白話)	現印
指環黨	三角	尸橫記	二角半	苦海餘生錄(白話)	現印
巴黎繁華記(白話)二册	一元	二個案	二角半	復國軼聞	現印
桑伯勒包探案	二角	空谷佳人	一角	易形奇術	現印
一束綠(白話)	二角半	秘密地窟	二角	三人影	現印
車中毒針(白話)	二角半	世界一周(白話)	二角	海上少年	現印
寒桃記(白話)二册	七角	真偶然	三角	銀絲髻	現印
白巾人(白話)二册	四角半			鐵血痕	現印
澳洲歷險記	一角半				

外 交

論列強競爭之前途與應付之法 錄丁未第三十一號外交報

嗚乎。五洲龍戰之機。其決於二十世紀之時代乎。自日人與列強協商之約既定。而寰球外交之局。爲之一變。今者東則有日美之爭。西則有英德之爭。載鬼張弧。危機漸迫。爆烈之期。且暮可俟。而皆將以神州片壤。爲其馳驅逐鹿之場。伐謀之計。自保之策。其可不綢繆於未雨也乎。

當俄勢之方張也。列強之所側目驚心者。朔方之雄鷲已耳。故英人得逞其縱橫捭闔之謀。執樞以爲諸侯王長。而壤地相鄰。被其影響之最切者。東則日而西則德。而美人得超然是非以外。保守其孟祿主義。以坐觀隔岸之火。此所以鴉蚌相持。靡敢發大難之端也。泊乎日俄戰役既息。列強始恍然於俄之不足畏。視線所集。驟現出二十世紀之新天地矣。於斯時也。投袂而起者。德爲之首。德皇久抱雄飛宇內之野心。特以強鄰逼處。不得不暫戢其進取之謀。與英人互相提攜。然貌合神離。其鬱鬱而思起也久矣。及強俄失勢。自必改易其禦侮之方針。從事於擴張實力。而首蒙其利害者。厥惟英。英既驟失其從約大長之資。而又新達

勁敵自必別締同盟以保全形勢。華離之領土此英德之峠所由起也。日本之在太平洋也。本無關輕重之大局。決決東海美之自命主人翁也。久矣。日人一旦雄飛挾其戰勝之餘威。勢必奄太平洋兩岸而有之。於是乎美人自守之政策不得不一變而爲進取。此日美之爭所由亟也。龍蛇起陸風雲變色亦可謂極天下之奇觀也矣。

物不可以終爭。故必受之以和。無論其言歸於好而不必一矢之相加。抑或戰禍終成。至於曠日持久。震動全球。要其切膚之災。則惟我受之而已。交戰國之禍福榮辱。猶必俟決勝負於疆場。我則不必待戰事之開而已。無瓦全之望。日俄之已事。夫非前車之可鑑乎。英德之爭。猶有小亞細亞之問題。足以分其兵勢。而語其關繫之淺深。則與長江黃海不可同日而語矣。至美日一旦失和。則干戈相見。必仍在遼瀋之一隅。彼日人已預言之。方日俄之初有違言也。吾之謀國者固嘗排羣議而力主中立矣。顧其貽禍之烈。至今日而始大見。雖欲悔之。弗可及已。一之爲甚。其可再乎。

然則伐謀之計。自保之策。其果安從出乎。亦惟是本報曩昔所言。實行憲政。以聯上下之情。變嚮來隔閡拘攣之舊習而已。國家之演進愈深。則人民之程度愈上。內政外交諸要端。無非爲人民之生活而起。列強於國際問題。所以絞腦力揮腕力而相爭者。不出兩事焉。一曰。

殖民地之擴張。一曰海陸權之分合。而皆爲國民生計所關。帝國主義之發皇。舍此固更無餘事矣。彼其謀我也。方挾舉國之同心一德。萬馬奔馳。千帆並舉。以闖入我戶庭。度劉我邊垂。而我之所以應敵者。僅恃君若相之權力。欲以建威銷萌。是不待相交而勝負存仁之數已大判矣。六十年來。所以事事失敗。而每下愈況者。豈無故哉。迺者道路傳聞。謂樞廷寄諭疆臣。嗣後外交事件。倘有頑民起而抗拒者。聽以兵力壓制云云。聖明之朝。痼疾在抱。本報深信其萬不出此。是說也。苟非僉人窺伺之謀。必出於亂黨熒惑之計耳。在忠君親上之國民。斷不至爲浮言所動。特恐顛蒙無識。轉相驚託。將上下相疑之勢。日深不幸。有驍桀之儔。起而扇之。則土崩瓦解之禍。不難驟見於崇朝。覓覓曰。消息羣疑而定。民志是不能無望於今之在位者矣。

記有之曰。得道者多助。失道者寡助。夫外力之敢於憑陵。而外交之所以困難。執政之臣。所由日不暇給者。以吾之寡助耳。今一旦奮然除舊習之拘掣。舉外交政策。公諸天下。合羣策羣力。以籌應付之方。四海之內。衆志成城。如臂之使指。如手足之衛頭。目萃四萬萬衆。爲士心。嚆敢侮之敵勢。雖強。其有不遠巡却顧者乎。朝廷日見其尊榮。而政府日形其暇豫。立意之國所爲。與專制差殊者。此耳。夫果何憚而不爲也哉。

海牙第二次保和會記略

記者未見保和會籌案即隨星使徵詳所與之會議訂約情形據亦未之親維錄不成文之條件於此必有外訛遺漏凌駁之失閱者諒之

第二次保和會之開會。發起於美。惟以前次首倡者為俄。此次俄不甘讓。仍由俄主持其

事。至赴會者為中國 日本 德 美 奧 法 英 俄 義 西班牙 荷蘭 土

耳其 阿根廷 比利時 巴西 智利 丹麥 希臘 墨西哥 那威 葡萄牙

羅馬尼亞 瑞典 瑞士 布加利亞 波斯 塞爾維亞 暹羅 玻利非亞 哥倫

比亞 古巴 塗米尼剛 厄瓜多拉 危地馬拉 海地 盧克森堡 門的內哥

巴拿馬 巴拉圭 薩白多爾 祕魯 烏拉圭 委內瑞拉 尼加拉瓜 詳一未 凡四十

五國。前次開會時赴會者二十六國各派代表與議。

是會以西歷一千九百零七年六月十四日。即中歷光緒三十三年五月初四日行開會禮於荷蘭都城之

海牙。翌日開議。設委員會四。每一委員會。得由各國代表一二員。列席與議。及會畢。已十

月十九日。中歷九月十三日矣。

第三次開會。由各代表議決。以七年為期。當於一千九百十四年。即光緒四十年舉行。各國如有

提議事件。先於二年前發表議題。集員探討。以便會議時易於解決。

中國代表。自前駐荷使臣陸星使徵祥為專使。外。又有今駐荷使臣錢星使恂。特聘之前

美外部大臣福士達君。陸軍部所派之丁君士源。德丁君為陸星使所調之陳君錄。

會衆公舉俄代表納立道夫爲正會長。荷蘭塞爾維亞希臘波斯智利代表各一人爲副會長。荷外部大臣爲名譽會長。以會議均用法文。故於總書記外。公舉副書記四人爲法隨員。二比隨員。二續增二人。則一爲德隨員。一爲中國陳君錄。

陸星使宣言。凡遇提議事件。雖經議准。而揆諸情勢。礙難遵從者。得有權不置可否。應議事件。有要旨爲衆所未見者。得有權陳議。或請更正。其未能即決之問題。有自行節制之權。惟爲多數或大衆贊成者。則當表同情云。

韓有親王等三人爲代表。至會上書。力陳日本侵削主權。籲求公斷。並詰問此次通請各國。何獨遺韓。欲謁正會長俄代表。俄代表拒之。謂須得荷政府介紹而後可。韓代表又言一千九百零五年之日韓條約。未經韓皇及內閣簽押。不得作准。旋復擬往紐約。求助於美總統。終乃未成。

翹奇亞俄國當名在滿加東山南實黑海高海關人民。公舉代表至會上書。備陳俄之虐政。謂於一千七百三十年。歸俄保護。俄遂占有其地。一千八百零九年。全收翹民公私產業。限制翹民置產。不得過方一百邁當。翹民惟爲譯員。不得與聞政治。高年碩望者。輒無辜流西伯利亞。寒死無算。

俄以兵力壓制。顯背前約。請責以遵照約章。復其獨立自主云。

古巴代表義人菲哈和。爲無政府黨領袖。曾爲駐古義使參贊。後以出版事。監禁羅馬半年。既得釋。奉古巴政府命赴會。會中以無政府主義。爲政府所不容。因而大譁。請不接待。菲遂告退。

一 設立國際平和裁判所問題

俄代表提議各國當派員組織國際平和裁判所。比代表首贊成之。謂關於此事之改良。無不贊助。法代表謂宜仍照一千八百九十九年所議辦法。俄代表亦表同情。義荷英德羅馬尼亞及其他代表。亦均謂然。俄代表謂此固不必更改。惟須確定辦法。塞爾維亞代表則擬以一千八百九十九年所定辦法之第十九條。增入凡海牙會議簽字各國。遇有以下棘手之事。均可送交國際平和裁判所公斷。如一切商約。及關於財政交涉。管理屬地。裁判及償款。賠償損害。國際公私交涉等是也。葡萄牙代表則請修改一千八百九十九年所定辦法之第十六條。兩國如有齟齬。爲外交官所不能調處者。可付國際平和裁判所公斷。如商約及行船條約。保護工人條約。錢幣條約。保護水底電線條約。以及治外法權。外國人訴訟等是也。美代表曰。美之提議。純以平和爲旨。現時會議各事。尙未聯絡。不足以立一法律。似當

亟去此弊。俾此次會議較前次更有進步。今所規定皆爲戰事而阻戰之法。尙未議及。諸公須知此會當議一平和景象。不當議一戰時景象也。又一美代表曰。國際平和裁判所。勢力未固。由於無真正之裁判官。蓋此所不應隸屬外部。應設一裁判團體。定一專門法律。使具有相當之權力。始可判斷一切。俄代表謂各國每遇齟齬。當有一國際平和裁判所。以處理之。故擬補前議所未備。而冠以永遠字樣。俾此所得以常設。德代表亦贊成美代表之議。謂德國視永遠國際平和裁判所爲實在之進步。必當力助其成。墨西哥代表謂美代表所議尙須改良。如有可不付此所裁判之事。亦可彼此自行議結。設有一造不願再請此所裁判。似較妥善。英代表謂與美代表所議極表同情。阿根廷代表謂各國君主遇有嫌隙。未赴國際平和裁判所之前。不得私自議結。俄美代表又議就現有之裁判所。更新一切。各國代表似均贊成。至其改革之法。或謂宜將裁判員數及呈請公判之法。刪繁就簡。庶各國樂受公判。其宗旨在使名實相符。

強迫公判一議。亦重要問題也。初阿根廷代表請美代表提議。謂南美各國。若負歐洲國債。須先控於負債國之裁判所。如判爲應償而仍不償。始可迫以強力。兩造如或不服。可再控於國際平和裁判所。旋出而語人曰。此非初意。惟以鑒於一千九百零二年委內瑞拉事件。

英德均以兵力強迫。其後葡萄牙事與委相類。乃各國未嘗出兵。顯存歧視。故欲要求議定一律辦法。即凡有債權者。不能使用兵力是也。美代表當提議時。乃更變阿說曰。甲國向乙國索債。不得輕用兵力。當先交國際平和裁判所公斷。若甲國有此意。而乙國不允。或不承認公斷。始可施用兵力云云。又以欲實行強迫公判。因議定永遠國際平和裁判所辦法五條。一。專審關於國際公法及國際條約之紛爭。外交不善之結果。惟所判案件。不得稍損交涉國之主權。或第三國之利益。一。每年集會一次。案件斷結。應即閉會。由各國公舉裁判員十五人。施行細則。均以投票法公定。且非有九人與會。不得判斷案件。訂立章程。至裁判員禮待。當視大使。俸薪從豐。俾可專心辦事。一。與議國於未呈交案件時。當自審其有礙己國主權與否。或將重要案件。先期訂明。某件須依條約。由外交官辦理。某件須經該所公斷。一。現以議院政體各國。日英法德美不能便宜行事。與議國須先彼此立約。承認該所之設立及其法權。並將將來願交公斷之案件。載入約章。一。該所依照各國之約。有權判斷各國案件。及審判已議及議而未結之案。惟裁判員如遇本國案件。不得與會及參議。如交涉國願令其參議。亦可。惟當得交涉之第一國承諾。旋經各國代表討論此議。英代表謂曾奉政府訓條。贊成此舉。那威代表亦云然。且謂一切關於強制平和之議案。尤以葡萄牙塞爾維亞代

表之議爲然。又言因此願宣布義大利祕魯所訂平和條約之首條。此約宗旨。在以平和辦法。調停有約各國之猜疑。又丹荷亦曾有強制平和之約。今即擬請會中加以擴充。以立一強制平和之約云云。美代表謂保和會爲俄國所發起。然此後已有二戰。而振興軍備之事。方日增未已。今日重要問題。在增拓平和勢力耳。一千九百零一年。墨西哥會創一公會。訂約者十國。此約指賠款及賠償損失而言時美猶未入會也。迨一千九百零六年。美與巴拿馬合創一公會於墨伊倭塗狎羅。承認者八國。所惜者甲乙二國互訂平和條約之事。則有之。而合世界各國共訂平和條約之事。則未之見耳。英代表於美代表增拓平和勢力之提議。謂亦贊成。德代表則謂強迫公判。理雖完善。而頗難實行。至永遠國際平和裁判所承審事件。當有限制。若以索償付之公斷。德必贊成。餘須詳酌。日本代表亦反對此議。謂理雖可稱。而未經久行。不足證其果能強迫。又謂強迫公判與索償二事。當分別論之。委內瑞拉代表亦極力反對。謂即前者裁判所。非今所擬設之永遠國際平和裁判所所判償付比債四十萬鎊。亦殊無意。允從。且謂追索債款。不得以兵力從事。

當提議平和問題時。烏拉圭代表謂國際平和裁判及公債問題。業已詳查。揆以烏國情形。願從美代表議。遂將烏於此會便利之處。陳述一過。復以烏拉圭與巴拉圭所訂條約。宣告

外交

海牙第二次保和會記略

一百一十一

丁未

大衆。塗米尼剛代表謂美代表所議之前半。至所樂從。若以公債利益。亦歸國際平和裁判所裁判。裨益尤大。又請推廣裁判所範圍。阿根廷代表亦贊成之。惟謂此中便利甚少。設有損失賠償。本國裁判所似亦應有管理之責。遂統將前後議案。呈之會中。巴西代表於阿根廷代表之議。大爲贊成。謂會憶美國法部管理數聯邦之事。設有一聯邦。仿民間契約貸款。而其餘全用孟祿主義。非大不便利耶。遂謂凡赴國際平和裁判所申訴者。或甲違而乙不遵。則乙國應以違律論。德代表於國債問題。謂甚贊成。惟言強制平和裁判。自一千八百九十九年以來。已有成效。會憶德英美所訂條約。關於刑事及商約。無不含有此意。然尙爲數國之私約。與今日各國之公約不同。公約範圍甚廣。無可制限。尙宜再求善策。使忿爭之事。悉數消除。方爲美滿。今須明定。應赴訴者爲何種事。否則微嫌小怨。羣起赴訴。訟費不貲。非無謂耶。凡國家行政。其權有專在政府者。有半由議院主持者。今人皆謂一千八百九十九年條款。日有進步。但詳察現狀。實中立而無所謂進退者也。然當此約訂立之時。亦甚嚴密。凡關於國際公私法者。國際平和裁判所均不能管理。雖然。吾德曾以各種議案。詳加研究。若望此會進步。必須設立國際平和裁判所。安定細則而後可。此所非僅圖形式之美觀。當使與會各國。實受其益。卽俄美代表議案。所謂改良平和裁判所訴訟法。並使條理明晰之。

一事也。各國代表於此均表同情。海地代表亦贊成美代表之議。荷代表謂國際平和裁判所問題。當一千八百九十九年。在會諸公。謂宜緩議。然此後與會各國。亦曾商用簡法。私訂公斷條約。即使公約既定。而先此有約各國。或仍願訂私約。亦未可知。至各國政府之願附入國際平和裁判所與否。吾不敢知。惟荷蘭丹麥。則均願如是辦理。蓋會中第一進步。即在此。永遠國際平和裁判所一事。鄙人不敏。惟望此事之實行。所設裁判員。亦爲各國所公認耳。前此英法代表議設占領裁判所。卽爲國際平和裁判所之先聲。今宜明白宣布。俾如俗諺所稱。柏林有裁判官。海牙亦有裁判官也。葡萄牙代表。則先述其國近與他國訂約之大概。繼謂尙有數處。卽須改良。因時會變遷。一千八百九十九年所議之第十六條。已不適用。諸公今日。須注意於有關大局之處。而不必以若者有益。若者有損。斤斤計較。瑞典代表所言。大致相同。惟謂今者所議。須注重於款項。蓋有鑒於美與巴拿馬所訂之約也。墨西哥代表。謂美代表所議。有須改良者。其意與瑞典代表同。塞爾維亞代表。謂甚贊成。惟應定一界限。何種之事。應付公判。否則不勝其煩。委內瑞拉代表。口述議案。與美代表所議略同。但謂無論何處。均不得以兵力索債。巴拿馬代表。謂巴國向不借債。亦無亂黨。更不願用強力。或有事爲國際平和裁判所判定。而他國不遵者。則不在此列。俄代表亦贊成美代表之議。又

言俄自一千八百九十九年以來。均照此議辦理。於設立國際平和裁判所一事。嘗有提議。俄之所望。不僅在此。且須設立國際調查會。庶兩國可以直接。不必赴國際平和裁判所矣。今人於公法問題。常加研究。自一千八百九十九年以至於今。繇歷歲月。當更精審。今以所辦之事。送至會中者。已有美與巴拿馬兩次舉行公會之件。及阿根廷墨西哥烏拉圭三國。與各國所訂之約。吾知與會諸公。必與美代表所議意見相合。阿根廷代表謂國債問題。若付公斷。宜依保和會章程第三條判斷。且須明定償期與方法。以及如何抵押等事。美代表又謂此事為各國所留意。即非債主與非負債者。亦有牽涉。蓋索債而用兵力。則擾及商務。以區區私債。要求政府派兵往索者。不乏其人。美國曾以索債小事。喪失軍艦至十九艘。兵費至十二兆佛郎。得不償失。其所費有數倍於債款者。故今之政治家。大率反對此舉。如英之巴爾美文司東。覺那侯塞而。撒里斯比黑。巴爾福。哈米爾東。斐秩。白累倭。貝鴉。羅斯佛。俄之馬爾敦。蓬斐。斯墨亨雅克。達哈戈。皆是也。此後用兵索債之舉。即宜永遠禁止。政府若遇此等債主。應置不問。惟負債國亦應於國中財政。力加整理。且設法減少濫行貸款之事。設遇正當債主。請以兵力保護者。會中宜籌善策以對付之云云。美代表議畢。遂以投票法議決。贊成者二十七國。未投票者十二國。中如英法二國。以該

所與一千八百九十九年立約所設之裁判所無所關係。故亦表同情。至該所裁判員有數強國代表提議。謂凡有三十兆人民以上之國。得舉一人。不足者聯合數國以舉之。旋從美代表議。設十五員。由英俄德法奧義美日本公舉。中國與西班牙各舉一人。議員每國四人。常川蒞會。

限制軍備問題

英代表提議限制軍備一事。謂各國軍備過重。應請議減。德美代表均贊成。俄法代表意皆反對。特未昌言。各國代表討議再四。卒未通過。英代表又提議限制海軍一事。各國代表以關係重大。謂當自電政府核奪云。按此會雖名保和而各國政府之意實欲藉以規彼此之兵力得各自為備耳故各國人民橫肆詬厲而社會黨且於荷蘭之阿母斯脫大母別立一平和會主減軍備然猶有國界但求保守其國以助組織來攻不求擴充軍備以攻人也無政府黨則猶以為未足更於德法交界處守之斯脫黨組之一會主張破除國界廢去軍備旋以兩國政府干涉不能行正式之開會而秘密運動則仍有進而未已也

宣戰問題

荷代表提議此後兩國有戰。應預宣告。限制軍備一事。今既暫置不議。則弭兵之難。於此可見。惟既改良以求進步。則兩國於戰前應預宣告。而開戰時刻。尤當預定。至少必於宣告後二十四小時。且必通告各國。蓋與局外中立國或有關係。其航海船舶。恐猝難退避故也。俄

外交

海牙第二次保和會記略

一百十五

丁未

武代表謂預告戰事。尅定戰期。誠大有益於各國。且亦可稍紓戰禍。因各國之願作調人者。可於期內。使兩國公請國際平和裁判所公斷。至開戰時刻。距宣告後不可過遠。自以二十四小時爲宜。法代表謂兩國宣戰。宜速以開戰理由。通告各國。德代表亦甚贊成。謂於近時戰事之進步。大有關係。義代表謂開戰時刻實難預定。各國相距。遠近不一。欲酌一合宜之時。頗爲不易。俄代表謂若依新君卽位之例。遣使通告。則迂緩已甚。意惟本國駐外使臣擔其責乎。羅馬尼亞代表謂當通電相告。似較捷速。各代表均以爲然。英美日本代表。則謂此事猶待詳審。而英代表尤不以二十四小時之限爲然。美代表謂依美國憲法。聲明開戰原因。權在國會。於法代表所議。可無窒礙。惟攻伐他國。及保護本國土地決定之權。則在總統。比代表謂開戰時刻。應通告局外各國。通告以後。須經四十八小時。乃可開戰。旋經議長宣言。先以荷代表所言宣戰後二十四小時爲限一事。以投票法決定。可者十四。否者十六。白票五。法代表謂在有約之國。若遇戰事。必預爲通告。方可開戰。且通告時。當聲明開戰理由。或於哀的美敦書中聲明之。此條與議者均可決。否者及白票僅二。旋又提議宣戰時通告中立國一節。法瑞比荷俄塞爾維亞諸代表各有意見。法代表謂比代表所議。條理不明。距宣戰後四十八小時。即可侵犯中立國權利。斷不能行。比代表謂此非原案本意。似有誤會。

議長謂當先交調查處。調查再議。又謂此議理亦甚是。惜原文未將時限既滿後之義務。加以分別。會衆均以議長言爲然。日本代表則與法代表深表同情。

設立高等捕獲品檢查所問題

德代表提議高等捕獲品檢查所之設立。在使捕獲戰利品之交戰國。免去外交糾葛。故於箇人權利。當極注重。凡交戰國中立國。皆得赴所控告。至組織該所。則由兩戰國各派一海軍大將主之。再由國際平和裁判所另選裁判員三人。英代表謂該所人員。須由中立國舉充。且可包永遠國際平和裁判所於內。凡關係中立國利益事件。亦可控告。日本代表謂未立該所以前。處置戰利品之法律。應即重訂。

設立占領裁判所問題

英德代表提議設立占領裁判所問題。即公斷占領土地之事。英代表述英廷意見。謂宜常置占領裁判所。那威代表謂各國苟遇占領之事。可以控訴。但初級裁判所僅可謂爲裁判所。而不可謂爲控訴裁判所。故裁判所章程。深望從速議定。荷代表力贊成之。德代表則不善常置占領裁判所之議。以戰爭乃意外事也。阿根廷代表謂占領裁判所。遇事審判。兩戰國應各派海軍大將往觀。庶可陳明戰時情形。如裁判員將定案密議時。亦當與列德代表

外 交

海牙第二次保和會議略

一百十七

丁未

謂此須附設於國際平和裁判所。當裁判時。兩戰國應各派海軍大將一人。惟不得專斷。仍聽國際平和裁判所公斷。法代表則請先定大綱。再付詳議。惟裁判占領土地。事最困難。即當裁判時。應就兩戰國戰時及占據時之情形而判斷之。抑僅就局外情形而判斷之。問題是也。德代表兩可之。英代表主次說。美代表謂當再加研究。至各國若有戰爭。願否送交占領裁判所。可聽其便。又謂此所似宜常置。苟遇戰事。兩國均應派員前往。得聞密議。又謂各國雖各有法律。必創一公律以代之。德代表謂公律已有數條。如欲增訂。可俟議封閉海口。及禁私運軍火時再議。各代表均以爲然。並以會長俄代表應定占領公律之言。實爲至當云。

交戰國海陸軍隊事項

荷代表提議戰時非有全軍統帥命令。及軍事裁判。不得妄以軍律殺人。

比代表謂交戰國占據之地。不當迫使其民援助戰事。或報告關係行軍等事。奧代表謂占領土地。應保全其地箇人之權利名譽。

西班牙代表謂捕虜中如有敵國兵官。不得令執苦役。

各代表提議德代表所議志願兵團練兵記號應先布告一案。法武代表謂此多窒礙。蓋以

倉卒勢有不及也。瑞士比利時代表均以為然。日本代表則贊成德代表所議。終以投票法決之。可者十。否者二十四。

日本代表又提議戰時拘禁之人不得沒收其物產。亦以投票法決之。可者六。否者二十九。古巴代表謂拘禁須有期限。體察當時情形。聲明原委。投票得可決。西班牙代表提議俘虜工作問題。日本代表謂俘虜工作須定酬獎。投票得可決。西班牙代表謂俘虜工作所得酬獎不應於收養費內扣除。可者十二。否者二十三。

其餘事件。未克議決者。均交本股書記處存記。此書記處乃此一小股內議員所組織。有德奧英法俄日本等國武員在內。茲列

舉其要者。一。日本代表提議俘虜武官歲給。一。德代表提議不得以俘虜充戰役。使敵其祖國。一。德代表提議開戰不得違背通商條約及財政條約。一。德代表提議改良條件。謂土地為敵占領後勒令其地人民作戰以敵祖國之事。今當刪除。

魚雷水雷之事。義代表欲以英法德比荷義班葡瑞士巴西日本諸代表所議。彙而為一。英代表議主限制魚雷水雷。餘皆無甚差異。日本代表欲以英代表所議關於魚雷之事。略加修改。謂水底魚雷。固應禁止。惟能設法不致遺害中立國船隻。及他種商船。則可不禁。是也。各代表均不謂然。旋議英代表所議及他國改良第四條關於水雷問題之議案。中國代表

極力贊成。

外 交 海牙第二次保和會紀略

一百二十四

十二月

西班牙代表提議封閉海口。須用正式。俾戰國可用水雷於本國及敵國海面。荷代表不
用水雷封海峽爲然。義代表謂封口須先布告各國政府及封口地之官吏。尤須用正當之
兵力。不得使用詭計。更宜明定期限。及所封地段之經緯度。並當於未封之前。明定何時可
准中立國船隻經過。設當布告之時。適有一兵艦先已入口。則當將此布告文件。通知該艦。
不得遽行攻擊。倘該艦欲用強力。則不在此例。又來船果有危險。亦可由封口司令官查明。
准其入口。至有冒犯封口禁令之船貨。本應沒收。如其貨主陳明。僅嘗試而非恃強。則其貨
或可發還。惟必沒收其船。日本代表謂日本情形。無異他國。以海峽與本境相連接故也。荷
代表謂戰時商船之來往自由。惟中立國有此權利。繼而英法義諸代表辯論封閉海口之
事。謂當禁止無繫屬之浮雷。又以荷與巴西兩代表之提議。互相研究。即取所議中立問題
而推廣之。至兩戰國任便安設水雷於本國海面一事。則荷蘭巴西兩代表所議同。義代表
謂兩戰國於同一海面。所置水雷。損壞中立國船。從何辨識。各代表因論賠償問題。謂所
失應向何國索償。法代表謂此後受水雷損傷者。無論友邦敵國。或中立國之物。必須設法
減少。庶兩戰國之賠償。亦得因以減少。俄武代表謂水雷新法。尙未發明。欲其不致誤事。頗

爲不易。前此於人提議改良。特未改良以前。苦無善法以處之。俄國軍事機關現在內外未嘗水雷問題須俟戰艦復

審方可照保和會辦理則俄義代表頗贊成俄代表之議。惟謂應議之事。尙不止此。中國代

表陸星使主張禁止浮水雷。與美代表頗表同情。且謂日俄之戰。中國受害頗鉅。華人觸雷

死者約五六百人。彼時特未宣告耳。旋議封口問題。巴西代表謂通告封口之後。須定期

限。俾中立國船隻得以預備出口。荷代表則謂船隻未入封口界內。不得擅加扣留。

德代表提議保護郵船問題。謂來往公私信件。交戰國及中立國。一概不得侵犯。萬一被拘。

應令改由最近之路行駛。惟郵船亦須與商船守同一之規條。又兩戰國不得任意搜索。須

有限制。

各代表提議兵艦攻擊無堡壘防禦之村鎮諸事時。比代表謂一千八百七十四年。比京舉

行公會。有二大原因。一不應侵害無防禦之人民。一應禁止於戰事並無利益之侵害。旋與

俄代表等反覆討論者久之。英武代表謂英於進攻地方先期通報及預告時日之事。不能

贊成。以其有礙軍略。過利敵人也。衆以投票法議決。可者六。否者二十三。英武代表又自陳

關於進攻問題之提議。日本代表極力贊成。法代表等於此亦有提議。經會衆贊成。惟布加

利亞巴西二代表。欲將無堡壘防禦之村鎮。改爲無防守之村鎮也。

荷代表討議比代表所請重行一千八百九十九年宣布之例。禁止戰時由氣球中擲炸藥轟人。法俄代表皆反對之。以有礙戰術上工藝之進步也。英代表謂大陸與海洋可作戰場。則空氣中益當任其自由。嗣以贊成者少。遂作罷論。

中立國之權利義務

關於陸戰時局外中立國權利義務之問題。法比荷英瑞士諸代表皆有提議。法武代表謂現今最要之事。莫如以各國私律。及各國公法家之意見。與施行之法典。徧為蒐集。以備研究。英比代表均以爲然。比代表謂中立國不惟有應盡之義務。並有應得之權利。惟不得與兩戰國有所牽混。英代表謂中立國地面之水底電線。陸地電線。無線電仍可與兩戰國通電。不得禁止。惟中立國不得稍有偏私。又一英代表謂中立國義務。應阻止旁人在其境內設立攝影館電報局。凡軍隊經過。及軍裝糧餉。與兩戰國之軍用物品。經過中立國境。並兩戰國人逃至中立國等問題。逃入若劫敵物。應令交還。惟應於何時交還。及交還何人。則難決定。故亦依其他議案。交調查所辦理。按調查所係各國代表議設其中人員爲英日本代表謂欲輕減中立國所負重大或無益之責任。且須免其使用分歧。致生誤會。因呈出釋定戰國船隻在中立國海面所當守之條例。即中立國對於戰國船隻之權利義務也。一嚴禁

戰國船隻。在中立國口岸及海面。或聚集。或觀測。或據為施行爭戰策略。以及他項關於軍事之用。一戰國船隻不得駛入中立國口岸或海面。偶或下旋。亦不得逾二十四小時。惟遇下列情形。則不在此列。(甲)如遇海中情形。實不能依限出口。准俟險惡過後離去。(乙)凡甲戰國兵艦商船。與乙戰國兵艦。同在中立國口岸或海面。彼此啟旋之期。必須相闕二十四小時。不能後時。亦不能先時。惟何國之艦先行。則由中立國定奪。一凡一國或其聯盟國船隻在三艘以上。不得同時並留於中立國口岸或海面。一戰國船隻。不得以增加戰力。及修理軍械等事。施行於中立國口岸或海面。除為其行船所不可缺之修理。准其加修外。亦不得在中立國口岸或海面。裝運糧食等物。除煤炭食物與該船所存足供其以平均之速力。駛至本國最近口岸沿途所用外。一戰國船隻欲往戰地。或有他船同往。或赴戰事方殷之地。或行蹤無定。均不准至中立國口岸或海面。修理及取用煤炭食物。一戰國船隻。在中立國口岸或海面時。若逾限多載糧食。或侵犯上列條例之限制。則中立國可令該船拆卸軍械。並扣留之。俟戰畢釋還。一中立國當以強力施行各項處置之條例。旋經各代表議決。與日本代表所議。大致相同。戰國在中立國海口之問題。英日本俄西班牙諸代表。均有議案。葡萄牙巴西兩代表。均有改良案。其最要者。約有數端。一戰國兵艦在中立國海口修理問題。二在海口或由他船接濟糧食煤炭問題。三導導問題。

四。在戰前定造軍艦問題。五。兵船赴戰地時遇有特別情形之問題。六。中立國對於戰事例應允許如何布置之問題。英代表曰。陸地戰事。自不應侵犯中立國地面。惟海上情形不同。似宜立一限制。俄代表曰。中立國不應干預戰國船上之事。應任其購儲糧煤。然此議。卒爲數國之海軍代表所反對。

巴西代表提議。定造軍艦。須在開戰前六箇月。始可交付。阿根廷代表謂此議大背曾經萬國公法院允許之美洲法律。

各代表提議關於在戰國地面對待中立國人民之辦法。所言軍用物料充公後賠償價值。或損傷賠款之方法。係法代表提議。英代表贊成者。略謂中立國人民。應享特別之待遇云云。德代表謂宜禁止勒令住於戰國地方之中立人民充當軍役。各國代表旋相繼發言。而以盧克森堡代表所言爲尤要。其大意在保護運送軍火之中立國船隻云。

丹麥代表請修改一千八百九十九年所定辦法之第五十三條。凡水底電線。戰國與中立國相連接者。不得損害。事或出於萬不得已。俟議和後。由兩戰國議賠。旋經各代表議決通過。

德代表謂兩戰國若用兵力違背戰律。應負責任賠償。法代表反對之。旋送調查處核議。俄

代表以德代表責任賠償之言爲然。謂法之不以德代表所議爲然者。因此議實於中立國太便利也。又謂德代表議案有一條。謂中立國人民在戰國地方受有損傷。即於戰時給領賠償。至於本地人民賠款。則須議和後給之。英代表謂與法代表同意。瑞士代表則贊成德代表之議。謂議待中立人民。尤爲滿足。且遇戰時。瑞士政府可干預此項賠款。俄代表謂戰時給付賠款。須訂載此次約內。不得僅作爲私惠。此說。法代表亦贊成。

美代表提議。監禁中立國商船水手之事。應即禁止。英代表謂設有甲戰國商船。航行海上。忽爲乙戰國捕獲。所有船員。及搭載之中立國人民。均不得認爲作戰之人。肆行監禁。至兵官或職員。果於戰前實爲該船聘用。則亦照此辦理。或此兵官誓於戰期內不再從戰。亦不得監禁。比代表謂當將監禁一事刪去。於兩戰國商船水手。亦當照辦。甲戰國商船。被乙戰國捕獲時。其船主等如遇可以登岸之處。應即許其登岸。但須誓於戰期內不再從戰。始可開釋。惟該國政府。亦不得勒令從戰。

紅十字會及病院船事項

中國代表陸星使宣告沿紅十字會徽。均贊成。土耳其代表謂一千八百七十三年。曾請改易紅十字會徽章。今請別增一條。以後土國病院及紅十字會徽章。均以半月形代紅十

字。各國代表當必謂然。旋有數國代表勸其不宜增入此條。土代表堅請允從。俄代表遂贊成之。謂一千八百七十七年一千八百七十八年之戰。凡旗幟有紅十字及半月形者。一切行爲。均有保護生命之利益。波斯代表則請以獅形及白色太陽代紅十字。至用紅十字作商標者。在會各國。公議禁止。另設專律以懲犯者。中國外務部既得陸星使報告。特咨法部農工商部查核。又有紅十字會海戰條規。各代表皆贊成。惟於中立國病院船所用徽章。則各有爭論。法代表謂中立國病院船。應聽其自由。德代表謂當設法保護。並許其船員。執持軍械。攜用無線電報等。彼此詳加參酌。仍依書記處所擬辦理。凡中立國病院船。遇有兩國交戰。應屬何國者。即用何國旗幟。苟其舉動。悉符戰國條例。則不拘捕。惟船上須有明白標識。設遇戰國兵艦。以所救沈艦傷病之人交託時。亦當接受照料。其他游艇。或常輪。遇有此項事件。亦須照辦。當會議時。德代表謂中立國兵艦。或他船所救沈艦。艦員。無論受傷與否。戰國兵艦。得向索還。英代表意似認可。惟謂中立國病院船。嘗以無明白船燈。即明白標識之一也。致罹危險。此後須懸白色或綠色燈。俾易辨別。俄代表謂當交戰時。戰艦亦須視其性質。懸特異之燈。揣俄代表意。極願一千八百九十年之內。五條約。歷久不變。並將約內條款。益加詳密。而各國代表亦均願將該約首要各款。悉仍其舊云。俄代表謂病院船用曷格司電光

鏡治病一事。查一千八百六十四年一千九百零三年兩約均未提及。旋經各代表商議。贊成者多。繼又提議戰國捕獲違禁商船。謂雖可勒充病院船。仍應力為保護。德代表謂兩戰國可借商船中立國船及游船等裝載傷病兵士。均宜加意保護。瑞典代表謂欲以書記處所擬在中立國海口遇看護病人甚為困難情形詳晰提議。

海上私有財產事項

美代表提議。海上私產戰時不得侵犯。惟戰時遠東品或船中貨物不在其例。那威希羅巴西荷蘭諸代表均謂據近今情勢論之。須先決定封閉海口及禁止私運軍火問題。方能議及保護商務。此事似宜緩俟他項進步始可再議。義大利丹麥諸代表均謂將來能以捕獲品物不至沒收。而改為扣留。豈不甚善。賠款則俟和時再定。至於攻沈商船。必先布告。商船水手不得拘留各節。此代表亦有提議。中國代表美員福士達君。則代陸星使贊成美代表所議。瑞士代表亦贊成之。惟謂宜明定海陸戰條規。使之一律。嗣由義美兩代表請比代表以其議案宣布。茲述如下。一、用本國旗之敵國商船及貨物。戰時雖可捕拿。及既議和。仍須交還。二、漁船及捕魚器具。又凡關於科學以平和為目的之船隻。概不得捕拿。三、捕船者須有詳細報告。並令被捕船隻之船主。將船中文件開列一簿。以便將來照簿交還。四、被捕之船

主船客。遇有可以登陸之處。當使登陸。但須立誓。不再與聞此次之戰。即可聽其自由。該國政府亦不得再勒充戰役。五、捕船之國。須派人監守所獲船貨。若遇敵軍已迫。不及送船貨至最近監守之地。可從權沈毀其船。六、被捕之船。損傷已甚。勢將沈沒者。或已成無用。不必派人監守。及貨物之易受損傷者。均可酌量交還。七、捕船之國。有權察看所捕船貨。於軍事有用者。可撥作軍用。八、捕船時不得索賄。九、戰事既畢。應就所捕船貨現存之地。將船貨交還原主。設有毀損而非有意疏忽。概不賠償。十、捕船之國。若以所捕之船。撥作軍用。以致失事。或因不能監守。將船貨出售者。及既議和。應照原價或售價付還。十一、照第十條交還之法。仍由甲國交由乙國轉給原主。十二、以上各款。專指無關戰事之船而言。至封閉海口及禁止私運軍火。不在此例。法代表則請禁止佔領他人物產。謂此議宜即決定。且須定一賠償之方法。德代表深表同情。惟謂須先議定封閉海口及私運軍火問題。厥後西班牙代表口述議案。大致贊成。而謂尤贊成一千八百五十六年巴黎之約。英法二代表均謂美代表之議案。須以投票法決定。英代表則尤堅執。謂必先議定封閉海口及私運軍火問題。且謂第一進步之事。實不在禁止私運軍火。比代表所議。適使兩戰國自陷於困難。雖有維持商務之利益。不足相抵。俄代表起而略述各代表議案。謂有力求進步者。有慮改良而反茫昧。

者。旋又述一千八百八十五年俄美條約一過。各代表皆未置可否。俄代表復言一千八百六十六年德奧一役。固無捕拿商船之事。惟此戰之足以長人識見者。亦甚有限。須知尊重海陸私產。實足以云進步。今人已知一國爲敵蹂躪之害。實遠過於商船被捕。故吾於禁止陸地虜掠之事。深望諸君贊成。此事關係商務。較之捕虜海上私產。尤爲重要。蓋商人若有戰事。本國國境。已爲敵人所據。其交通殊不便也。旋以投票法議決美代表議案。計可者爲中美波斯暹羅土耳其比奧布加利亞丹麥希臘義大利那威瑞典瑞士荷蘭羅馬尼亞巴西古巴厄瓜多拉海地二十一國。否者爲日本英法俄葡西班牙的內哥薩白多爾哥倫比亞墨西哥巴拿馬等十一國。中立白票爲智利。未到會者爲德意志等十一國。厥後奧義荷比那威巴西諸代表。謂當再定一平和辦法。以此事重要。必衆無違言。乃爲盡善。不得僅依多數議決。否則強使通過。於事仍無濟也。俄法二代表均請先議他代表議案。而後及此。殆指奧義荷比諸代表所議而發。經諸代表承認。美代表議案遂暫從緩議。故雖多數可決。仍未得爲完全通過。蓋以英俄日本諸代表。力與反對。謂各國代表。均有主權。不能以少數勉從多數云云。比巴西二代表所議。亦均收回。而美代表議案更形孤立云。

英代表於搜查海上違禁品一事。謂難實行。又謂辨別物品之違禁與否。亦頗不易。況大陸

各國仍可由陸路輸運。以種種窒礙。乃議革除此禁。謂自各國軍備日增。商務日盛。則戰國捕獲違禁品一事。諸有不便。若竟因此爭訟。則關係尤重。彼捕獲違禁品者。於己無甚利益。而受損之國。已非淺鮮。況所謂違禁品者。亦無濟敵實證。故吾英以爲欲俾中立國以商務自由。今其時也。旋以投票法議決。可者二十六。反對者美德俄法各國。英代表乃謂。昔美亦曾請除此禁。今反對之。實爲可異。美代表謂。今爲總統魯司華爾之政策。與昔不同。日本代表初欲反對。英代表所議。惟以英日交親。有所未便。故與西班牙代表均不投票。調查處旋以各代表議案。詳加核議。惟就反對各國之地位而言。恐終難通過也。

日本代表提議。除在戰國本國口岸。或其屬地口岸外。不能以商船改爲戰艦。英義二代表均贊成。英代表謂。嘗有助戰巡洋艦。懸掛商旗。而離戰國口岸。既出後復爲戰艦者。當嚴禁之。且當於駛離本國口岸時。卽作爲戰艦。按此禁例於戰國無害。且更懸隊最有關係。又謂。凡有私行接濟戰國兵艦。而懸中立國旗號者。一經查出。可毀其船。拘其人。其後委員會復議。有大多數代表如英日美等。皆贊成不准改商船爲戰艦之議。而日本代表尤力。謂商船可改戰艦。則戰艦變爲商船。何能阻之。德法俄代表則均反對。俄代表謂。照第一條法律。商船得改軍艦。且有與代表議案在前。謂戰期內。不論何時。均得改充。惟既改軍艦。則於此戰期內。不得復爲商船。

德武代表深以爲然。墨西哥代表則頗贊成義代表之議案。蓋言商船改充軍艦。其改充之時。應明定在何地面。方可改充。奧代表則仍著重於其議案。謂凡一船隻。或改軍艦。或作商船。須有一定。德代表則謂商船改軍艦。不得在中立國海面改充。但在公海。則無論何國。不得阻止。俄武代表亦贊成之。英代表則反對此議。以爲商船改充軍艦。係本國之事。應在本國地面。設中立國不知此等更改之事。恐至受虧。義代表旋請依其議案辦理。俄代表亦謂諸君必以其議案爲然。義武代表又謂應於中立國海面。禁止敵國商船。享意外之利益。及在中立國海面改充軍艦。

關係中國事件

各代表提議設立公判所。各國均派四人。常川駐會。以便與聞會事。預會者四十五國。而員額祇定十七。以十二年爲一任期。或一國獨任一。期。或數國共任一。期。英美德法俄奧義日本八國。皆列頭等。均各獨任一。期。餘皆共任。或十年四年二年一年不等。會衆羣贊中國法律最優。時德總統新爾德總統尤爲各國所抑居三等。僅任四年。正副代表陸錢二星使起而抗議。謂中國向列頭等。可以前此攤費股數爲證。否則萬難遵從。應仍循舊辦理。會衆頗有聽其言者。旋即電告政府。請及早預備應派人員。庶不致以勝任無人。借才異國。陸星使

使電請政府派陸星使及
美員福士達君為裁判員而修正法律。亦宜限期實行。以免各國藉口。政府旋牒告各國駐使。轉請各國政府公認。照頭等國辦理。旋准法代表覆稱。中國既照頭等國攤費。自應照頭等國接待。所派公斷員。亦應以十二年為期云云。政府遂即據覆陸星使。囑向會中聲明。會中又以中國兵艦朽壞。難保平和。復由陸星使電請政府。速加整頓。會衆又譏中國武代表。廷監督士源越分妄為。請陸錢二星使。嚴為誥誡。飭遵軍紀。

英美代表提議增訂公斷條款。其末條。有凡關於領事裁判權之事項。概須舉出。得請裁判等語。蓋欲將中國前與英美日本改訂商約。預備拒回領事裁判權之苦心。暗中消滅也。經陸星使據理力爭。謂此事載諸四十五國公約。永以公道平等為宗旨。若不刪除。我必全款反對云云。會長俄代表無如何。請將陸星使所陳。由衆決議。可者德美俄奧義等三十六國。否者英法二國。不置可否者。葡班瑞典瑞士日本等國。幸得多數贊成。遂將該款刪除。造成鐵案。當陸星使直摘其隱時。英代表力為解釋。以該款專指土耳其摩洛哥而言。陸星使不為動。美代表旋允收回。英代表猶未允。而陸星使仍堅持不稍讓。謂該條款大背本會宗旨云云。

出使荷國大臣錢奏報保和會各國議情並籲請考訂法律預備下次預會情形摺

竊臣奉 命兼充保和會議員該會於五月初五日開始臣即會同事使臣陸徵祥赴會預議頃於九月十三日會務告竣所有會議訂約情形由臣陸徵祥專摺奏報臣維和會關乎全球國際謹就數月來在會聞見所得與夫愚慮所及者爲我 皇太后 皇上

縷晰陳之查此會西文名爲第二次和會蓋別於光緒二十五年第一次和會而言初會議創自俄故俄爲會主今屆議創自美而俄不甘讓仍爲會主各國雖不免退有後言而交誼攸關亦勉爲承認初次赴會者二十六國今增至四十五國可謂盛已臣親接各國所派議員大率以國際法律學爲首選而海陸軍學輔之聆其所陳說辯論立意本非尋常發言尤不肯輕讓無非各自顧本國情勢以趨利而避害然國派不同國力又異故恒有提議經日或甲是而乙非或乙贊而丙否詞鋒橫厲滿座動容徒以各有主權不受牽制卒至所議中輟空懸虛願者有之此和衷商議之難言而意見齊一之尤非易事也初次和會本以限制軍備爲名今屆英國亦首以爲言迨議及此端率皆相顧失笑蓋各國方競強之不已又誰肯自戢其雄心且所議種種問題皆關於海陸戰事推其意不過定以法律姑示準繩使知戰時殘酷行爲爲近世文明所不取故若者不可侵犯若者責令賠償以冀稍有範圍俾事後據以評斷然且恃強者勝不强則理雖直而其勢恒處於窮至不幸而果遇兵戎倉卒

之問必謂事遵守條約即各議員設身自處恐亦徒有此理想而已說者謂初次和會畢而有英特之役有日俄之役今屆和會方始而有日韓之事有法摩之事雖謂天下未嘗一日無兵爭可也此減少軍備之難期而消弭戰禍之不可信也英美素持和平主義者也今修改國際裁判約英有關於治外法權不得請判之條美有支配裁判員任期區別國等之議至於萬國捕獲審判所一約附列派員任期表又指明英德法美義奧日俄爲八大國其餘皆目爲小國可知矣夫國無大小強弱焉耳強弱之別視其國之政教法律海陸軍各大端之完缺如何在會中列表比較固無可遁飾故無論何國一預公會即不啻自表其國之列於何等而彼數大國者又不免恃其權力之大借法律以制人而自便有時欲有所發議則互相鼓說以動人有時欲有排議則隱爲牽掣以立異故南美之數小國如巴西如阿根廷之議員素以法學著稱者常對衆宣讀意見書洋洋數千言與各大國辨論至謂此會名爲保和實類挑戰雖言之過激然據公法以立言卒亦無以難之以此見強弱等差之難混而外交競爭之日益加劇也臣外願全局內顧本國倘非從以上所謂政教法律海陸軍各大端提挈綱領力求實際則下次和會彼列強又不知現何種對我之法夫分言之則曰政教曰海陸括言之則法律實無所不包所謂綱領是也法律不僅在文字在乎人民之學術

尤在乎朝廷之精神。臣聞各國政府距今會一年前自俄政府通文頒出後已早選員在各本國研究各種法律以專備臨時應付。故凡在會發議決議具有灼見真知而操縱無不如志。今會中擬於西一千九百十四年當爲光緒四十年舉行第三次和會而先於二千九百十二年即我光緒三十八年發表議題集員探討以便會議時易於解決各國均已允從。臣深幸有此數年天然期限爲我國參訂法律研究國際之難得機會。擬請由部臣一面將此次會議已成文之條約及未成文之議論速行刊布廣徵內外臣工新學後進之意見何者有利可行何者有害宜避使達於部而部臣綜覈而研究之以期洞悉竅要一面預備深通中國舊學之法律家會同深通列國情勢之外交家輔以兼通中外文字之新學家組成一研究會專事內訂國律以問執彼口外探彼律以期協公理修律之實行在是預會之預備亦在是人材之培植亦在是務於光緒三十七年以前俾國法國際法均確有眉目然後於光緒三十八年第三次和會議題發表時與各國抗衡印證如是則光緒四十年之會乃不至虛預倘屆時我國法律果臻完備人才果足應用如日本今日在會之事事儕於強大豈非我國家莫大之幸福。惟此數年之歲月易逝而參訂研究之關係極大應如何預備開始使內外合力考訂之處伏候 聖明飭下外務部內閣會議政務處暨考察憲政大

臣各出使大臣等詳晰妥議奏復施行臣身列和會見外情之迫切爲先事之綢繆直陳詞不勝悚息屏營之至謹 奏奉 硃批該衙門議奏欽此

中外交涉彙誌

中日○吉林延吉廳屬和龍山等地毗連韓境中韓雜處自韓爲日本之保護國後日本卽指該處爲韓界易名間島派遺齊藤中佐率兵駐紮保護韓民東營徐菊帥聞報遂咨請外務部向日使力爭派陳簡始都護督辦吉林邊務俟與日員會同查勘而日人延不會勘業已在該處竭力布置以爲久據之計旋由外務部提議四端詰問日使一圖們江爲中韓兩國天然境界間島在其北岸二中國前於間島設延吉廳韓國並未抗議三中國於圖們江流域豎立界碑韓國並未抗議四韓國政府曾求中國政府交還居住間島之韓人以上事實皆足以證明間島爲中國地界且韓國爭議之根據爲長白山脈中分水嶺之石碑然此碑並無文字不足爲憑日使駁復數條多強詞奪理其大致如下 一中國以圖們江爲天然境界並不別舉歷史以爲證據則屬臆斷據歷史事實韓皇李氏之先祖有起自滿洲之迹現據春尙有其祖墓存焉然則一味以圖們江爲天然境界斷不能承認 二中國以間島設置延吉廳韓國並不抗議爲言於事實未免相反中韓爭執間島之問題既起中國始設延吉廳然韓國至今無承認中國得以管轄間島之據 四韓國政府曾向中國要求將住居間島之韓民交還一事日本政府就韓國政府搜索此項文書毫無形跡至分水嶺之境界碑雖無文字然按之紀載該碑由中韓兩國官吏各奉政府命令會同建立故碑面記勒建而碑後乃不復明記其因而建云云旋由外務部電飭駐韓馬總領事廷亮面請統監伊藤博文撤退駐兵伊藤答言前因馬賊騷擾韓民故派齊藤率兵保護並無侵略之意礙難撤退且已嚴戒齊藤切勿築圍齊藤倘有妄舉一經知照必當嚴究須望彼此政府 遷其派

員商議界務云○貝子溥倫奉派赴日報去歲日本伏見宮親王來聘之禮於十月中旬起程十一月下旬回國

中俄○吉林省之三姓與俄境之伯利羅甫斯克間向有界碑為中俄兩國分界處近經俄人潛將界碑移至他處為吉撫

朱中丞查悉電請外務部與俄使交涉旋得覆稱界碑非敢擅移以江岸冲刷移置別無危害之處今貴國既有責言聽

便移回原處惟須中國修築完固云云

中英○英艦窩搭維治至粵省歸善縣屬範和海面一帶測量該縣周令汝敦稟由惠州府陳守兆棠轉稟省憲請示

辦理旋奉粵督張安帥批示前據駐廣英領事照稱擬由石牛海測量沿海至北一帶水道請札飭地方官保護等語應

照案准其測量示禁土人滋擾該縣周大令遂遵照辦理○英使以粵省西江多盜英國商輪迭次被劫中國緝捕不能

得力照請外務部添派巡緝四艘由洋員管帶巡緝其開辦費銀二十萬兩則由海關撥充等語外務部不允照辦十月

中旬突有英艦二艘遊弋西江並搜索各項商船迭經粵督電請外務部照令退出該艦竟置不理且有美法二國兵艦

相繼駛入致粵省士民異常惶駭近經集議稟請粵督張安帥截留洋稅百萬與辦水師切實整頓捕務一面勸令華商

冒掛英旗各輪一律改掛龍旗冀保主權而免藉口

中義○北京義大利飯店義人豆岡泥踢斃華人傭工福海誣以服毒自盡冀可含糊了事並有義國官醫出為憑證致

義官袒護該犯不肯交出治罪旋由外務部咨由提署派員前往相驗確係毆斃遂照請義官會同審訊務期治以應得

之罪

中美○美人德門內在雲南維西廳屬納姑地方槍斃護送川兵李玉山並誤傷喇嘛補更弄身死當由川督派員將該

犯解赴重慶美領事署請訊擬抵美領事以無權裁判此案遂將該犯及人證一併解至上海美裁判署收禁備訊



財 政

鹽政改良之意見 錄丁未九月十一日南方報

我。國。財。政。之。紊。亂。不。獨。一。鹽。課。然。也。而。其。同。一。不。易。整。頓。之。原。因。大。要。蓋。不。出。二。者。全。國。正。供。所。入。較。之。各。國。未。為。多。也。然。而。上。恆。以。竭。蹶。為。憂。下。恆。以。煩。累。為。苦。者。何。哉。則。中。飽。之。溢。出。恆。在。私。而。不。在。公。時。而。加。稅。為。國。用。計。時。而。減。稅。為。便。民。計。然。而。國。用。卒。未。嘗。因。之。或。紓。民。病。卒。未。嘗。因。之。或。減。而。且。墨。吏。奸。胥。之。侵。漁。自。若。豪。商。大。賈。之。囊。橐。自。豐。者。何。哉。則。國。課。之。所。徵。者。又。恆。在。公。而。不。在。私。以。此。二。者。之。最。大。原。因。其。積。弊。之。深。遂。非。可。以。一。朝。一。夕。之。力。摧。陷。而。廓。清。之。嗚。呼。此。雖。不。獨。一。鹽。課。為。然。而。鹽。課。實。為。叢。弊。之。一。淵。藪。

今。江。淮。上。下。黨。羽。蔓。延。如。火。之。燎。原。不。可。撲。滅。者。非。私。梟。乎。鋌。而。走。險。出。沒。無。常。所。恃。以。為。繼。續。之。盜。糧。者。非。私。販。鹽。斤。乎。攫。奪。官。引。為。其。無。盡。之。利。源。官。吏。既。防。不。勝。防。而。人。民。復。樂。其。廉。價。爭。相。購。買。故。今。日。不。獨。為。保。衛。治。安。計。也。欲。振。鹽。課。必。絕。私。梟。欲。絕。私。梟。必。杜。私。販。欲。杜。私。販。必。擴。官。引。欲。擴。官。引。必。不。得。不。出。於。防。弊。減。稅。之。一。途。然。而。私。販。鹽。斤。既。無。賦。稅。又。無。浮。費。成。本。既。輕。運。銷。自。便。斷。非。官。引。所。可。比。擬。則。雖。日。日。言。防。弊。日。日。言。減。稅。而。終。不。

財 政 鹽政改良之意見

一百八十三

丁未

能奪私販鹽斤之利。獨占於官者。可斷言也。

財政 鹽政改良之意見

一百八十四

十二月

適者有。旨。准度支部議。鹽斤就地徵稅。不再加徵之舉。夫我國鹽價之昂。爲各國所無。小民重困久矣。今言減稅。豈非善政。然無論所減幾微之數。未必遽便貧民之生計。卽云所減甚多。而鹽政爲歲入巨帑。絀收於此者。其能不取盈於彼。以謀補苴之策乎。竊恐減徵鹽稅者。其名而於他方面所增之稅。仍不得不取償於吾民。以爲消長也。此無他。所謂防弊。所謂減稅。固未能一究致弊之原因。而徒爲表面之撫循耳。記者不敏。願貢其一得。冀當局之留心鹽政者。有所取資焉。

一、宜特設國家銀行。地租鹽稅統歸匯解存儲。以免侵漁也。西哲有言。徼倖務得之念。本不可離於生人之性質。吾國官吏以私罔公之習慣。豈能強制之於無形。亦在立法之周備。使無可因緣以爲奸耳。夫以鹽課巨款。而假手於虎狼之吏。傳舍之官。沆瀣一氣。因而捏報飾詞。挪移虧累者。事所恆有。有斷非在上所能究詰之者。一人如此。人人如此。而積欠因之益深。追比紛呶。而上下因之交困。凡此皆無銀行以爲財政出納之機關。有以啟之也。且既有銀行。課項既無散漫之虞。而由課項所生之利。又可源源不已。此其當注意者一也。

一、宜不分售鹽引地。淮浙川粵等處。准其自由運銷。以節糜費也。我朝沿明舊制。定地運

引著爲令典。康乾以來。交通不便。屢有因水陸險阻。轉運艱難。疏請就近改食鹽斤者。然因循至今。迄未全改。往往近淮岸者。反食浙鹽。近川岸者。必用淮引。不明地理。強近以就遠。因陋而就簡。更重之以公匣。關橋加鉅。坐斤等種種科斂之名。則鹽價安得而不昂。偶因事勢所迫。加稅則病民。減稅則病國。病商計無所出。歷來恆以爲苦。凡此皆由劃分引地。轉運浩費之有以致之也。此其當注意者二也。

一宜實行鹽專賣法。認鹽場爲官地。納課繳租。以絕窩屯也。夫私販之得以私煮鹽斤。網奪官引者。皆由場窩窩屯。譏察不易。而又藉亡命無賴之反抗力。與官爲難。官商既莫如之何。額引遂因之日滯。是宜清查全國鹽場產鹽畝數。悉數認爲官地。而後分給有引商人。擇要設煮鹽處。所販戶平人。如欲煮鹽。卽告知有引商人。稟明鹽官。照納國課。照出商人引地。租費聽其煮鹽。並給與護照。聽其隨處銷售。不分引地。如無護照。或票貨不符者。始作私貨論。罰行之漸久。私梟既以無業爲憂。勢不得不悉就範圍。從事於煮鹽販賣之事。化莠爲良。私販可不禁自絕。此其當注意者三也。

一宜查明僻遠區域。特別平減課稅。以通有無也。內地輪船火車未通處所。轉運艱難。鹽買或有不能到達之地。卽能到達。而運費浩繁。價值恆難撙節。是宜通盤籌畫。挹彼注茲。酌定

一。適合稅金。令官不以重課困商。商不以加價累民。以維持公益上之目的。曩見黔滇各省鹽稅。有由巨商包繳。關津絕不過問。卒能維持畫一之鹽價。永久均平者。今度支部所議就地徵稅。即本此法。然運道有難。易成本售。價即不能強同。則就地徵稅。僅就一定之率。從事徵收。未免有畸重畸輕之慮。若斟酌各地情形。以定國課租金增減之數。其事雖繁。而交通日臻便利。輪船火車未達之區。日漸減少。酌盈劑虛。亦易爲力耳。此其當注意者四也。

一。宜核定鹽稅收入。概廢種種名目。以除私冒也。自來鹽稅之上供。已有引課綱課格課等種種名目。而其他耗蝕於下之雜費。尙不可勝計。鹽務官吏。日收商人之供應。拱手無事。長此終古。鹽務安有起色。而引商且以其耗蝕之利。轉加於鹽價。則負擔此項之昂值者。仍在小民。民食不便。官鹽昂貴。而私販乃益以充斥。今度支部所議就地徵稅。不再加徵者。亦不過免關津通過之各稅耳。若就地所徵者。果能盡革此種種名目。以惠商民乎。竊恐徒革其表面。少數之收入。而吏胥營私自肥。務爲搜括者。固依然占其多數也。是宜明白宣布。除正當稅課以外。概不徵收。並許其檢舉指發。以爲懲儆。而後積弊可除此。其當注意者五也。

夫米鹽二者。本爲人民生活必要之品。各國恆以行政上之目的。特別輕稅。且由國家經營之。蓋私人但計私益。而不計公益。故不得不以之納於國。有範圍之下。而後不至有妨礙箇

人。日。用。之。需。我。國。立。法。之。本。意。何。嘗。不。善。然。往。往。一。事。之。舉。行。凡。屬。於。官。辦。者。其。腐。敗。必。十。百。倍。於。人。民。自。營。之。事。而。於。米。鹽。二。者。之。課。稅。且。不。認。爲。行。政。上。之。目。的。而。認。爲。財。政。上。之。目。的。國。用。偶。形。竭。蹶。則。鹽。斤。加。稅。之。舉。屢。進。屢。增。一。若。不。重。苦。小。民。不。足。爲。快。者。推。其。所。以。致。此。之。原。因。則。有。中。飽。之。一。途。爲。官。吏。胥。役。誨。盜。之。媒。孽。既。無。良。法。以。制。其。機。先。而。時。而。加。稅。減。稅。皆。從。事。於。少。數。之。定。課。以。爲。搜。括。與。撫。循。至。其。種。種。侵。漁。之。數。國。家。卒。未。能。一。爲。究。詰。以。澄。澈。其。致。弊。之。源。蓋。立。法。不。備。有。以。致。之。也。今。言。整。理。鹽。政。而。徒。從。事。於。減。稅。之。一。端。其。果。爲。行。政。上。之。目。的。抑。仍。爲。財。政。上。之。目。的。既。未。明。定。方。針。卽。云。爲。便。民。起。見。而。所。藉。以。執。行。者。其。果。能。舉。積。弊。之。深。悉。摧。陷。而。廓。清。之。乎。此。記。者。所。不。能。無。疑。者。也。

內閣各部院會奏議覆行用金幣摺

光緒三十三年三月二十八日軍機處片交度支部議覆汪大燮奏行用金幣請 飭會議一摺奉 旨著內閣各部會議具奏等因欽此臣等公閱原奏敬謹籌商有必應照辦者三有難於照辦者二有宜詳慎酌辦者一請爲 皇太后 皇上分晰陳之所謂必應照辦者何也一曰鑄金幣環球各國莫不用金獨中國用銀勢成孤立時會相迫無長此不變之局則鑄造金幣必須照辦者一曰虛定金本位按用銀之國改用金幣者始於

德繼於日彼皆以戰勝得賠款多金遂以改用是皆所謂金本位我國無此巨款萬難仿行無巨款而亦改用金者是爲虛定金本位價值比較既定金雖不足以銀若干代金若干亦可通行則虛定金本位應行照辦者二一曰畫一幣制中國貨幣名曰銀本位實則銀錢並用錢糧稅則雖按銀數收納仍責令百姓完錢下至民生日用往來貿易以錢計算者多而銅錢銅元又復雜糅不一其用銀交易者平色價值雜亂參差甚至一處有數平一日有數價近來銀元盛行又各自爲風氣中國龍元與外國鷹洋站人皆任便使用易錢易物又各有高下彼此絕不相通是改定幣制必先畫一權衡而金銀銅三者價值必先有一定比較則畫一幣制應行照辦者三所謂難於照辦者何也一曰限制私店鈔票查私鈔票民間久已習慣亦緣私家股東平素民間信用是以鈔票得以通行今公家出票民轉不能信用只有修明信實之一法大信既立使民知公家鈔票較私家尤爲可靠則部鈔自然流通私鈔自然日少若用官勢禁止乃致亂之道此難於照辦者一一曰禁洋銀入口民間之用洋銀亦是習慣公私存儲不知凡幾各省官票商票限制猶難況於國際交涉豈可不慎惟有內修政事使君民一體同德同心人皆樂用中國金銀鈔幣不願用洋幣則洋銀入口不禁自除方爲上策未可懸爲禁令致啟意外之虞此難於照辦者二所謂宜詳慎酌辦者何也則

紙幣是也。按度支部原奏於甲乙丙三法皆慮有貽患惟丁法尙輕而易舉查丁法注重惟推廣紙幣一節夫紙幣亦各國通行中國行之亦何不可然奉行不善爲害非輕查度支部原奏謂各國紙幣必設有相當之金銀元作準備其餘亦必有確實證券作抵非憑空獲此鉅款各國發行紙幣之權類委諸國家銀行又立嚴法設專官以監查之不然濫用之弊如有明之寶鈔美國之青背法國之亞錫那皆前車之鑑又謂發行紙幣須多存金若善爲節制積累經營亦需六七年後始有成效是紙幣利害度支部言之已盡今欲行紙幣惟有酌量部庫能存款項若干始可出幣若干有持鈔取銀者隨求隨應不准稍涉架空是非徒制用之一端實乃修信之要道今日欲求富國惟修信乃可以理財斷不可因生財而失信此事所關甚重應由度支部嚴定限制毋令冒濫方可逐漸推行至原奏推廣銀行設匯兌處立調查處擡高價值各條宜分年限次第施行變通虛定亦應由度支部隨時妥籌庶不致操之太蹙別起弊端謹 奏

再臣等正在議覆時復於五月二十日軍機處片交奉 旨胡惟德電奏悉前奏幣制一摺著交會議王大臣閱看欽此臣等詳閱該摺謂用金有人不足慮此入條可以一言蔽之曰中國宜定計鑄金幣冀以破羣疑而消衆沮所奏不爲無見前奏已議准用金則此奏無

財 政

內閣各部院會議奏議施行用金幣摺

一百八十九

丁未

庸費。述又有六種辦法如定名曰圓定分兩爲七錢二分定圓之花紋使歸一式皆應照所奏辦理惟息借洋款聘用洋員權落外人似非善策擬請毋庸置議謹 奏

民政部等會奏商會收化私錢酌擬章程摺

竊據內外城巡警總廳申稱京城地面私錢之害歷有年所近年各地方官實力禁止期年以來市面之私錢日少商家之存積日多資本相關頗多虧折現經北京總商會會同籌畫妥議辦法擬於東城設立專廠收集各商私錢化成銅板交各商具領變賣並在所化銅板內抽出銅筋作爲廠用擬定章程十七條呈請轉申民政部奏明立案等因前來臣等查私錢充斥上干 國紀下蠹民生迭經各衙門三令五申亦止禁其通行不能令其銷滅雖一時強制其風稍戢而過此以往依然私相撓難遠近流通夫不籌禁絕根株之法而但爲強抑行用之計往往得利者爲私鑄之奸僮被累者爲市易之善良非特於國法無裨且慮於商民有礙現在銅元盛行大錢日滯推究其本一則分兩有準質色無差用之少虧損之虞一則官私相參樣色過雜用之滋挑剔之患大錢難與銅元一律行使者職是之由臣部前於議覆御史黃昌年條奏錢法摺內業經詳切上陳今擬設法收化私錢發還銅本則沙板圓串可望其銷除鵝眼輕錠漸絕於街市售私者知出而無用則作僞息其萌輪官者得還

其銅賞則計本少所損將使市面大錢所行者皆官爐所用者有定質成色不致紛異商民胥免疑阻自可議大錢銅元畫一之價通用之法此京城整頓圖法萬不可緩之舉也今該商會所請收集私錢化銅變價各節於杜絕流弊之中仍寓體恤商艱之意合無仰懇

天恩准令立案開廠試辦收化私錢庶幣制賴以維持商困亦從茲頓減謹將商會擬定章程繕具清單恭呈 御覽如蒙 俞允由臣等會同查核務臻妥協以利推行謹 奏 奉 旨依議欽此

謹將商會酌擬收化私錢章程繕具清單恭呈 御覽 一私錢雖經迭次禁止然存積市面終恐發現與其留爲遺害不如淨絕根株現經商會公議稟官 奏明設廠開爐收化寬其既往庶積弊爲之一清 一收化私錢事關重大俟 奏准後先期一月示諭定期開收並將此項章程宣布 一收化私錢由官指定萬明寺處所設廠開辦使內外城積存私錢之家均赴該廠交納 一收化私錢由商會招集妥實爐工訂立合同取具切結保證稟官立案如查有夾帶情事送官從重懲辦 一商民交納私錢以一月爲限逾限不交經官查出按例治罪 一考查市面使用大箇錢每重量均在京平一錢三分以上現經市政會公議此次收化私錢以每箇市平一錢三分以下爲斷每十吊計重六十三兩七錢以下者

一概准予銕化其有以官板大錢攙入者除將官錢提出充公外仍科以應得之罪一商民呈交私錢但以銅斤分量輕重計數驗收發給收據註明錢之分量暨應發銅斤分量給交錢人收執一私錢迭經商會考驗每百斤除砂耗化工外祇能化出銅板八十斤再攙於八十斤內抽出銅板三斤作為廠用商民呈交私錢每百斤者應領銅板七十七斤一收化私錢廠內由警廳派員二員駐廠監察派巡警彈壓保護一市面存積私錢為數甚多每日收發之時由商會派人分管登簿留底等事並應由各行商會董事定班輪流監察以昭慎重一廠內購買磅秤一架收錢發銅均以磅秤為準有委員及經理人在旁監視收發一零星小戶存私錢不及二十吊者准其多人拼湊歸一人呈交一開辦伊始經費等項需款甚多由商會預為籌墊俟工竣後於八十斤內抽三斤變價項下提還如有贏餘作為公益之用一警廳派往監察及彈壓員警弁商會經理員等俱不領薪水車馬等費以盡公益一廠內司事以下人等均支給薪水由商會酌定一私錢收化竣工後即將廠爐熾銷稟請民政部奏報以昭慎重一承攬收化之爐工所餘砂末均須在廠內煮煉成銅始准出廠

民政部奏開辦車舖捐摺

竊臣部前於三十二年十月二十三日具奏援案辦理車舖捐以補地方經費一摺奉

旨依議欽此欽遵在案查京師各舖戶於五城未撤以前向有地面雜費擬即查照大學士那桐原奏令將原出之款化私爲公稍加增益務使商民不擾市面相安以地方之款供地方之用爲要旨茲據內外城廳丞妥擬詳章申請開辦前來伏維京城警政亟宜推廣百廢待舉用款浩繁即如修築馬路原以便商民之往來期市廛之通利歷考前代如直道之築橋路之修皆廣役民夫決不輕頒國帑現 朝廷加惠商民已撥部款爲之修路將來濶

灑修理等若概用庫款則度支力有不堪若聽其廢弛則前工幾同虛擲經途九軌爲商民出入所必由出餘力以佐公家即不啻爲本人自謀利益現辦內城醫院每月就醫人數已有七八千人之多外城即擬續開深虞經費不及此外流氓乞丐皆擬宏教養之圖清道衛生皆應謀擴充之法他如保育嬰稚贍恤孤貧何一非慈善之施即何一不需金錢之用該商舖以昔日之陋規作此時之公益揆各國地方之稅既屬從同稽漢都商賈之徵亦有故事臣等詳加覆核擬於內城立一工巡捐總局外城設一分局先責成內外廳廳丞兼辦由臣部隨時考察以昭慎重俟京城各商會成立後再由該會公舉公正紳士接辦以爲地方市政之基礎各舖應列何等捐數若干先由兩廳查明由各舖戶認定數目再由各商董復

財 政

度支部奏預籌裁制外債以顧大局摺

二百九十四

十二月

查是否相宜如有不符准其更正至舖捐擬酌按商舖等差約分九等一等十四元二等十元三等六元四等五元五等四元六等三元七等二元八等一元九等半元等第由商董認定則無抑勒之嫌款項以少數爲衡則無煩苛之慮其有資本豐厚急公好義認捐稍多者別爲等第不在此限其餘零星小販概不收捐以示體恤至京城各項車輛均擬分別等差酌定捐數以資養路等費補助之用其有應給免票及應量予體恤者均擬酌給免票務令取不傷廉輕而易舉冀免阻礙而便推行所收各捐儘數充作地方王巡慈善及各項公益之用並將每月出入各款榜示通衢以昭大信而杜弊端現已飭自三月初一日開辦仍由臣部隨時督查飭令妥慎經理總期輿情無拂民政畢修以仰副 朝廷子惠元元振興市政之至意嗣後如有應行變通之處由臣部隨時奏明辦理謹 奏

度支部奏預籌裁制外債以顧大局摺

竊維國債之稱起於泰西向爲中國所未有自甲午以後以非常特別之用不得已始行稱貸續以庚子賠款外債遂深今每歲應還之數合新舊子母併計已居一歲財賦之半竭蹶不遑致成大梗年來庶政待興卒以窘於財力未能悉行施設固知時艱逼迫久安簡陋非所以力圖富強然勢實處於無可如何自不能不次第經營以漸求尺寸之效頃各省因久

處困約多擬借貸外債以辦要政興實業爲言臣等一再思維隱憂特切誠以利害所關不能不急爲論列查近世東西各國其公債年息率占其預算表中一大部分然彼於議會通過卽爲全國人民所擔任至內債居多則民信久孚論者且將以公債爲固結民心之具中國歲入本有定程租賦既難以取盈則索償究歸於無著政體不同自未能相提並論加以外債辦法如借款時之抵押交款時之折扣以及還款時之鎊價漲落種種虧累皆爲內債所無至竭歲資以填漏卮民氣不平又適與彼國固結人心者相反論者所爲以息借外債爲飲鳩止渴之喻也今試言外債之害無論其借濟一時並非興利要政卽用以投諸工商實業其初既無的款預償成效未可遽期則臨時追逼勢必至以所備母金轉而先填子息況以久經窘約一旦而外資輸入雖當事者不必遽萌泰侈而取攜既便難保不銷耗於無形昔埃及開濬蘇彝士河借資外債續又募以經營工商實業其時出口貨物驟見增加自以爲外債之效驗卒以逋負過多隨而顛覆然則今之所謂挾外資營實業者固未審虛名實禍之常說也臣等忝掌度支兼顧統籌無所逃責既熟察於消長盈虛之故自不無長慮却顧之懷自洋債頓增年來竭力圖維僅能無誤期會近以京師籌練陸軍各省推行新政捉襟見肘財力彌艱近來如江北之災賑東三省之籌辦各項雲南之練兵賑糶以及藏衛

財政

度支部奏議覆派員出洋調查鹽法摺

一百九十六

十二月

要需川滇邊務其用款之鉅或數百萬或百數十萬除東三省之三百萬兩提撥鑄價盈餘其他均輟轉騰挪或暫由部墊或以關稅餘存多方湊集均未嘗強派各省臣等正以物力艱難當悉索之餘思與各省稍謀休息若此時再興外債其如何籌還之法臣部既無術點金勢必至仍舊攤派各省是以前此之虧累爲未足又從而益之則民困永無蘇息之日後患真不堪設想矣至於各省自借自還在臣部似可稍寬其責任然天下財賦止有此數若各省以負債之故自顧不遑原有京協各餉卽不至藉詞截留萬一有臨時要需勢將何所取給且以內外一體休戚相關亦斷無各私一隅之理臣等極慮焦思竊以爲地方要政所需只可就地籌款近如直隸勸募公債四百八十萬不逾年而款集他若各省興辦鐵路認股均極踴躍中國地大物博民氣可用但使誠信相孚原不難隨時舉辦應請 旨飭下各省督撫嗣後興辦一切應就地籌措不得輕易借外債以防危害而維大局謹 奏 奉 旨依議欽此

度支部奏議覆派員出洋調查鹽法摺

軍機處片交兩廣總督岑春煊奏擬派員調查就鹽場收稅法酌量仿辦一摺光緒三十三年四月二十七日奉 旨該部知道欽此欽遵到部臣等伏查中國鹽課歲入三千萬兩

內以淮南所入爲最鉅四川次之而福建爲最少至若廣東額銷八十一萬四千五百十引零並行鹽省分計之歲約得課價銀二百萬兩論其銷數得淮南三分之二四川二分之一論其收數僅淮南五分之一四川三分之一粵網疲敝亟應設法補救今兩廣總督岑春煊奏派員出洋調查就場收稅籌設官廠商廠辦法自是補救之方第中外情形不同必欲盡祛販私食私之弊須先從清查戶口入手中國人丁繁庶清查非易辦理稍不得法卽蹈從前倭散蠶鹽之轍且同一法也此行之而效彼行之而不效淮南之行稟鹽約歲銷三萬五千餘萬斤其課款將及一千萬兩福建之行稟鹽約歲銷一萬三千餘萬斤其課款僅得三十餘萬兩二者相去奚止倍蓰粵鹽行銷之地與淮鹽閩鹽引地錯雜該督原奏謂不能遽辦專責誠以更定新章統籌合算閩鹽徵款必驟見盈淮鹽徵款或轉見絀所賴以維持者正因有引界爲之區畫也然中國各省課釐科則輕重不同官運商運辦法亦不一今欲變通盡利立法不厭求詳當茲經營伊始既由該督遴派道府調查印度製鹽行鹽各法以爲改良之基礎臣部總司銜綱亦必須派員詳細考查有臣部福建司員外郎唐瑞桐才識優長留心鑿政候補郎中范紹森練達老成熟諳商務堪以派往印度考查鹽務應請旨飭下外務部照會駐京英使轉達印度總督俟該委員到日卽將現辦印度鹽務章程及

財政

度支部奏請派員赴印調查鹽務摺

一百九十七

丁未

每·年·銷·鹽·收·款·各·數·目·詳·細·指·告·仍·派·員·導·令·查·看·鹽·池·鹽·廠·等·項·辦·法·俾·得·參·稽·互·證·以·資·會·通·俟·調·查·完·竣·回·京·再·由·臣·等·參·酌·中·外·情·形·奏·明·辦·理·謹·奏·奉·旨·依·議·欽·此

度支部奏銀行第一案本利收支摺

據臣部總銀行正監督張允言等呈稱本年三月彙總結帳計京師總行於光緒三十一年八月開辦領過官股資本銀二十萬兩天津上海漢口各分行次第開辦領過官股銀五十萬兩三十二年冬推廣分行領過官股銀三十萬兩又招收商股資本銀九十五萬兩另有奉天省認股銀五萬兩共計官商股銀二百萬兩又另收官商存款二千萬兩有奇除應付官商股本官利存款利息行中薪水用度一切外淨得餘利三十八萬五千九百八十六兩九分除照章提公積房產工程銀及各項花紅淨餘利二十一萬九千八百三十四兩九錢九分按官商各股均攤計先後所領部款官股銀一百萬兩按日扣派應得餘利銀十九萬四千一百十兩八錢八分五釐又官利銀四萬九千八百六十六兩六錢六分計兩項應繳庫平銀二十四萬三千九百七十七兩五錢五分五釐業已提存聽候提用所有各行總結帳單茲併彙總具報此外濟南張家口營口奉天各分行甫經先後設立其帳目應歸下屆結算等因到部臣等查臣部銀行各項章程暨遞次派員辦理均經奏明在案茲據總銀行

正監督等呈稱各節係自光緒三十一年八月起截至三十二年年底止彙總結帳計陸續領有官股銀一百萬兩臣部應得各項息銀二十四萬餘兩以撥款日期先後計之餘利尚厚該監督等辦理尚爲得法至商股資本銀兩及各項存款統係該行設法招徠應令該監督等集思廣益逐漸擴充以協商情而收實效再查銀行章程每半年結帳一次據呈送各行帳單歷屆均合併開列因係第一案呈報自應澈底清查當經臣等派員赴總銀行稽核帳目盤查款項與呈報各數均屬無異謹 奏奉 旨知道了欽此

謹將臣部銀行第一案股本餘利及收支各項款目繕具清單恭呈 御覽 計開 第一次結帳係自光緒三十一年八月二十九日起至十二月三十日止 存款 京城總銀行計存股本票存帳存及本屆盈餘等項銀四百八十三萬一千五百零四兩四錢八分天津分行存銀一百八十八萬五千八百三十四兩八錢上海分行存銀三百二十七萬九千一百零六兩六錢二分統共三行存庫平銀九百九十九萬六千四百四十五兩九錢 收 款 京城總銀行計收匯水押款利息及平色等項銀五萬八千二百七十八兩三錢四分天津分行收銀二萬九千六百八十八兩零六錢一分上海分行收銀四萬二千六百三十三兩六錢二分一釐統共三行收庫平銀十三萬零五百九十二兩五錢七分一釐 付款

財政

度支部奏銀行第一案本利收支摺

一百九十九

丁未

京城總銀行計付股本利息存款利息及各項開銷等銀三萬七千五百兩零三錢四分
天津分行付銀一萬八千八百四十五兩七錢六分上海分行付銀三萬四千八百七
十四兩二錢六分九釐統共三行付庫平銀九萬一千二百二十兩三錢六分九釐餘
利。以上第一次結帳淨合餘利庫平銀三萬九千三百七十二兩二錢二釐。第二次結
帳係自光緒三十一年正月初一日起至六月底止存款。京城總銀行計存股本票存
帳存國民捐及歷結盈餘等銀六百零九萬二千四百四十八兩六錢三分天津分行存銀
二百四十一萬八千六百十四兩零六分上海分行存銀五百七十萬一千三百零六兩八
錢一分六釐統共三行存庫平銀一千四百二十一萬二千三百六十九兩五錢六釐收
款。京城總銀行計收匯水押款利息及平色等項銀十七萬零七百九十六兩五錢七分
天津分行收銀九萬四千八百六十一兩九錢六分上海分行收銀十四萬九千七百零一
兩一錢一分一釐統共三行收庫平銀四十一萬五千三百五十九兩七錢四分一釐付
款。京城總銀行計付股本利息存款利息及各項開銷等銀十二萬二千三百八十九
兩零二分六釐天津分行付銀六萬七千三百七十四兩九錢二分上海分行付銀十
二萬三千二百六十九兩九錢二分五釐統共三行付庫平銀三十一萬三千零三十三

兩八錢七分一釐。餘利。以上第二次結帳淨合餘利庫平銀十萬二千三百二十五兩八錢七分。第三次結帳係自光緒三十二年七月初一日起至十二月底止。存款。京城總銀行計存股本票存帳存國民捐及歷結盈餘等銀一千零五十七萬零三百八十九兩六錢。天津分行存銀三百三十七萬三千九百五十三兩五錢六分。上海分行存銀七百五十八萬四千一百五十七兩七錢七分四釐。漢口分行存銀二百二十六萬三千八百六十五兩六錢九分八釐。統共四行存庫平銀二千三百七十九萬二千三百五十九兩六錢三分二釐。收款。京城總銀行計收匯水押款利息及平色等項銀二十四萬五千三百三十二兩六錢二分。天津分行收銀九萬六千五百八十一兩三錢四分。上海分行收銀二十四萬一千一百二十一兩一錢四分。漢口分行收銀七萬一千二百六十六兩零七錢一分五釐。統共四行收庫平銀六十五萬四千二百九十五兩八錢一分五釐。付款。京城總銀行計付出股本利息存款利息及各項開銷等銀十五萬七千七百四十一兩四錢一分。天津分行付出銀四萬五千七百四十九兩八錢三分。上海分行付出銀十四萬五千三百七十三兩九錢五分七釐。漢口分行付出銀六萬一千一百四十二兩五錢九分八釐。統共四行付庫平銀四十一萬零七兩七錢九分五釐。餘利。以上第三次結帳淨合餘利庫

財政

度支部奏銀行第一案本利收支摺

二百一

丁未

平銀二十四萬四千二百八十八兩零二分一綜計三次餘利共庫平銀三十八萬五千九百八十六兩九分二釐此案所有各項款目均屬相符其應繳臣部息銀二十四萬三千九百七十七兩五錢五分五釐應由臣部另案奏明提撥再查各分行所造清冊或按月或按季未能一律應令總銀行妥定格式以期畫一至總銀行每結僅列清單尙嫌太略嗣後應按月開單具報並將已設各分行處所金銀漲落市價列表送部備核應由臣部劄知總銀行分飭各分行遵照辦理合併聲明

度支部奏分設廣東四川銀行遵員辦理摺

竊據京師總銀行總辦張允言等呈稱伏查奏定銀行章程第三條內開本行現設京師其各大埠如天津上海漢口廣東四川等處酌設分行等因現查京師天津上海漢口等處均已次第設立分行去年因北路情形緊要曾經呈請推廣張家口庫倫奉天營口等行均奉奏准開辦各在案現查廣東之廣州四川之重慶兩埠均爲商務繁盛之區亟應添設分行以資聯絡擬以廣東南韶連道樂平充廣州分行總辦內閣侍讀學士劉宇泰充重慶分行總辦呈請核辦等因前來臣等覆核所呈尙爲妥洽查樂平劉宇泰品端守正諳練勤能前均在臣部當差亦頗講求財政堪以派充廣州重慶兩處分行總辦惟樂平現任廣東南

韶連道擬請將該員開去本缺派充廣州分行總辦以專責成至劉宇泰前曾隨辦商約事宜未經開去內閣侍讀學士底缺茲請充重慶分銀行總辦仍請毋庸開去本缺如蒙
俞允當由臣部分咨內閣吏部兩廣四川總督並劄飭該員等遵照一俟該員等到京即飭令張允言等將一切應辦事宜與各該員遵章妥速籌議前往開辦至該行股本仍由總行撥給合併陳明謹 奏奉 旨依議欽此

度支部奏整理京師圓法摺

伏查本年三月臣部會議御史黃昌年條陳圓法摺內以京城當十大錢每枚僅值二文名實不符久已停鑄近日銅圓盛行舊有當十錢文民間均不樂行用當茲畫一幣制乘此時機自以收回改鑄爲正辦惟大錢雜質稍多不能鼓鑄銅圓祇可供改鑄制錢之用擬將新鑄六分重制錢發給臣部銀行試用俟流通無礙並將市面官板大錢積數細加調查即當籌撥官本盡數收回改鑄制錢等因奏蒙 諭旨允准在案臣部遵即酌撥制錢一萬串交由總銀行發給分設錢號行使體察情形尙能通用當經劄飭總銀行查明市面官板大錢爲數若干應籌備若干官本及如何定價收回詳悉妥議以憑核辦茲據銀行正監督張允言呈稱京中大錢因近來不及銅圓便利並不十分通行不過以爲找零之用統計城鄉

積數甚多約值價銀三百餘萬兩如擬全數收回應請先撥現銀百餘萬兩以作收回資本此項資本不過暫時撥用銀行將大錢收回即可隨時送部改鑄計大錢一枚可改鑄制錢二文鑄成後發交銀行仍可陸續收還官本祇須寶泉局加卯改鑄每月能加至五卯便數周轉其餘尙短收錢資本百餘萬兩銀行可以暫墊倘此外錢數仍多勢難中止應請添發款項以資接濟至收錢價值擬照目前市價酌定每銀一兩兌收官板大錢十八吊以大錢每文重二錢計之應重庫平一百八十兩第其間大小輕重未免參差如分量不敷仍由售戶補足以免暗耗所收大錢以一年或半年爲限逾限即不准通用等情呈覆前來臣等伏維收大錢而行制錢事本關係重大惟既有銅圓之暢行益以制錢之補助民用已無慮其不敷又以銀行爲出納之機關一切收買發行較爲妥便該監督所擬照市價兌換仍按原鑄分量交收既順輿情兼顧官本自屬切實可行應請先撥庫款銀一百萬兩飭令尅期開辦將來如有不敷再行赴部續領自開辦日起暫以六箇月爲限限內官板大錢仍准商民照舊行用庶民間典當借貸及商家所出大錢憑帖俱可於半年限內自行清理限滿即不准復用以歸畫一如屆時尙未收完仍然接續展辦所收大錢隨時運交寶泉局另卯改鑄無庸預定卯數以便隨鑄隨發轉轍周轉一面由地方官通行曉諭改鑄之六分制錢務

與銅圓一律行用不准商民任意低昂以收整齊圖法之實效如蒙 俞允即由臣等督同銀行寶泉局各監督妥爲經理並將未盡事宜及應需經費詳細訂立章程俾資遵守俟辦理完竣再將本款出入銀兩核明專案奏銷謹 奏奉 旨依議欽此

度支部奏閩省擬設官銀行官紙局分別議覆摺

福州將軍兼署閩浙總督崇善奏擬將福建官錢局改名官銀行又奏擬就閩省財政局內印刷官紙各一片均於光緒三十三年四月初一日奉 硃批度支部知道欽此欽遵由內閣鈔出到部據原奏內稱閩省前因制錢缺乏經前督臣許應騷於 奏明鑄銀圓紳辦改爲官辦並鑄用當十紫銅錢摺內援照湖北辦法設立官錢局流通市面使銀圓大錢相輔而行辦理數年尙無流弊惟原設之官錢局規模狹隘亟應擴充改良現擬將官錢局改名福建官銀行以宏體制並於官銀行內設儲蓄銀行專收貧苦小民存儲零星款項酌給利息以資周轉而阜民生又據奏稱閩省度支奇絀現當舉辦新政一切用款類皆莫能應付自應設法籌措以濟急需查各省多有議設官紙局印刷各種紙張發售民間以其餘利歸公在民間所費不多而公家所益滋大現擬就閩省財政局內印刷各式官紙分發各屬凡民間詞訟呈結婚帖以及票券簿摺等項概令一律購用所收紙價除成本外餘款專爲

財政

度支部奏閩省擬設官銀行官紙局分別議覆摺

二百五

丁未

本省辦理新政之用各等語臣等伏查從前各省設立官錢局係因民間錢荒爲一時權宜之計俾銀圓銅幣流通周轉以輔制錢之不足然各省自爲風氣圖法紛歧終無統紀現臣部所設銀行已立國家中央銀行之基礎正在逐漸推廣於各省設立分行俾皆受成於中央以收事權畫一之效如上海漢口營口奉天庫倫張家口廣州重慶等處均已次第設立福州亦係商務繁要之區將來勢在必設分行一處是福建現有之官錢局祇可暫仍其舊不必改爲銀行以免紛歧至儲蓄銀行爲便利貧民起見俟部設分行成立後各省均須興辦或由官立或由民立屆時再頒行銀行法律制度使無參差藉爲中央銀行之補助現在可無庸置議再原奏所稱就閩省財政局印刷各式官紙分發各屬爲民間詞訟呈結婚帖以及票券簿摺等項之用查此項官紙東西各國均爲國家發行專賣抽以相當之稅辦理地方各項要政卽爲地方印花稅之一端現在臣部業經 奏請分建印刷造紙局廠將來除造紙幣外並擬籌及印花郵票契照券據一切有價值之紙張惟是推行印花稅非籌妥善辦法訂定一律推行章程恐流弊滋多不可不慎之於始今閩省遠請辦理此種詞訟呈結婚帖以及票券簿摺官紙藉爲籌款起見既無切實辦法且於中央發行特權有礙臣等詳加體察礙難照准至如仿造通行紙張以爲抵制外貨推廣內地商務自可准其籌辦

以保利權謹 奏奉 旨依議欽此

度支部奏變通川滇土藥統稅辦法摺

竊查從前八省膏捐皆徵於川雲貴三省出境行銷之土由川雲貴每擔約徵稅釐銀三十兩內外再於宜昌徵土稅膏捐銀一百二十餘兩計每擔共應徵一百五十兩之譜其在川雲貴本省行銷者稅則本屬甚輕自上年四月推廣各省統稅無論出境本銷均定每擔徵稅費一百十五兩以爲畫一辦法惟出口既爲減輕則本銷適形加重調任四川總督錫良以川省本銷不易整理兩次奏請變通經臣部以晉豫皖徐等處整頓本銷均已就緒川省未便自爲風氣議令設法試辦乃自上年十二月定章開辦以來所收本銷稅項月僅三千兩較之四川統稅分局道員黃秉湘調查該省本銷稅項約歲可徵三百萬者祇得百分之一其於出境之土據川漢贛廣等幫土商稟稱統稅改由四川徵收奈挾賞入川之商有本銀一半買土即當留一半完稅轉輸爲難請仍在宜局完納就此論之四川土藥統稅本銷加重不便於民出口減輕無益於商而國家所入已歲少百餘萬綜計該省稅項收不敷撥迭經臣部電商督辦柯逢時等設法維持准該督辦函稱四川本銷未經切實經營似不如併由宜昌漢中常德徵收川稅等因復經臣部查以四川本銷未能整頓自以停辦爲宜但

財 政

度支部奏變通川滇土藥統稅辦法摺

二百七

丁未

雲貴在四川上游本銷亦迄無成效似不如一併劃出電令酌核速覆茲據該督辦等先後覆稱貴州本銷約計四五千擔現經黔撫龐鴻書極力維持合辦公司官本十萬兩加招商股十萬兩一面分設土行布置略定當必有效川滇兩省已電飭該局限期停辦當由臣部分電川滇各督均令查照從前八省膏捐辦法由出產省分按照舊則徵收原有稅釐再於出口第一局卡完納統稅此外不得分毫加增至他省土藥已完統稅者運銷川滇概不重徵並咨稅務處飭總稅司電飭重慶蒙自思茅各關稅司停收統稅仍照舊章徵稅如此分別辦理川滇兩省關局各款無庸由臣部籌撥而其徵收辦法均與從前八省膏捐相符既便商情於公帑亦不爲無裨至貴州歲款四十萬餘兩其報部有案者僅二十一萬餘兩現合辦公司實力緝私稅項必能溢出擬以二十一萬爲正額餘爲額外俟本銷足敷額撥有餘仍儘數撥交黔省不爲限制庶黔省巡緝等費亦得有所挹注抑臣等更有請者晉豫皖徐等處整頓本銷均已就緒黔省亦合辦公司設法稽徵獨川滇兩省辦理未能得法殊失以徵爲禁之意應請 旨飭下四川雲貴各總督轉飭司局暫照臣部電擬變通辦法於出口土藥仍按舊則徵收勿再增加仍一面隨時整頓本銷俟有成效再照奏定推廣各省統稅章程一律辦理以維權務謹 奏奉 旨依議欽此

度支部奏議覆庫倫貿易商民免納釐捐摺

庫倫辦事大臣延祉等奏歸化城商民領有部票來庫倫所屬各盟旗貿易請准免納釐捐以示體恤一摺光緒三十三年二月十三日奉 殊批度支部議奏欽此欽遵鈔出到部查原奏內稱奴才等於光緒三十二年十二月初八日准綏遠城將軍咨稱據集錦社鄉總李廷珍等稟稱該社商民散戶承領部票前赴圖什業圖汗車臣汗兩部落貿易凡由各該旗所販牲畜皮毛及土產貨物按照庫倫奏定出口統捐新章抽收釐捐該商等由歸化城請領部票運貨出口回城均經納稅納釐若由蒙旗販運牲畜皮毛等貨出口再按統捐收納商民畏懼均致裹足不前有礙商務等情前來查光緒三十年二月間准戶部咨開本部具奏請飭各省一律籌辦百貨統捐一摺奉 旨依議欽此欽遵咨行前來當經前大臣德麟遵照來咨於是年三月間專摺具奏在庫倫設局抽收釐捐以裕餉源無論庫倫及各盟旗商民凡有運土產貨物出口者應照奏定出口統捐新章一律完納釐捐其運貨到庫及各盟旗者仍准免納銷場以示體恤等因奏奉 諭旨允准當經擬定值百抽五章程分行各該盟旗及甲首商民等遵辦在案茲准前因查該商等既於運貨出城時領有部票若於稅課外再繳庫倫釐捐較之庫倫不納稅課而僅納釐捐者未免偏枯自應量爲變通

以示體恤擬請嗣後凡由歸化城領有部票之商民赴庫倫各旗貿易者由各旗驗明持有部票准其免納釐捐亦無庸到辦理商民事務章京衙門驗票等語臣等伏查統捐章程原兼銷場出口而言庫倫開辦之始前大臣德麟以盟旗到貨無幾奏請免納銷場有案茲該大臣等准綏遠城將軍咨行各情奏請量爲變通持有部票免納釐捐固係體察商情亦係查照前案自應准如所請惟此項統捐之免否既以部票之有無爲斷亦未便漫無限制致滋流弊應請飭下該大臣會同綏遠城將軍山西巡撫詳細籌畫安定章程使之上裨於國計下不擾乎商民並將籌辦法再行奏請立案以備查核至由城持票運貨到庫既免銷場若由庫倫運貨回城其出口一項是否照章繳納該大臣此奏並未劃清應令隨案聲敘謹奏奉旨依議欽此

稅務處等會奏議覆整頓粵海關稅務摺

竊准軍機處鈔交署兩廣總督岑春煊奏整頓粵海各關口稅務辦法暨釐定解支各款一摺奉硃批該部議奏單片併發欽此查該督所奏各節均係爲整頓稅務起見臣等詳加覆核如原奏內稱瓊海關收數近年短收頗鉅因派員徧歷雷高各口巡緝私土開導商民於雷州設緝私總卡並設四處分卡收數較增又水東稅口素稱多盜并籌辦巡警奸宄

敘迹高雷所屬口稅頗有長徵等語查雷州所設總卡暨海安徐聞踏磊英利四處所設分
 卡水東稅口所辦巡警既均辦理有效收稅日增應即切實經理所有該五卡員司巡勇各
 若干名以及每月薪水口糧等項細數應分晰咨報度支部立案其動支經費並應報由度
 支部稽核又原奏內稱粵省土產以惠潮兩屬糖爲大宗近爲洋糖抵制出口日少檄飭惠
 潮嘉道勸諭潮汕紳商集股購機仿製洋糖以資抵禦又自管關以來擇口卡之收稅無幾
 而又無關查緝繞越偷漏者陸續裁撤二十餘處等語查土貨出口日少稅收自受其影響
 現既飭屬仿製洋糖自係爲挽回利權振興商業起見應俟該處辦有成效即當推行各屬
 以期稅收日有起色至該督所裁之口卡二十餘處係屬何地每年稅收向有若干應令詳
 晰開單分咨部處備案又原單內設關務處以爲總匯一條查粵海大小九關各屬總分口
 五十餘處歲徵洋常正雜各款六百餘萬兩事繁款鉅自應設有總匯之區以爲樞紐該處
 總辦一員責成綦重前經該督奏派廣東藩司兼充並予以糾正總督之權自係爲慎重關
 務起見嗣後如該省藩司或有更調其派委接充之員仍應奏明辦理以專責成至提調以
 下坐辦文案收支管票繙譯稽核繕校收發監印各員應即開列銜名每年造冊一次分送
 部處備查其間或有更換亦應隨時咨報如各員中有辦理不善及營私舞弊者均應分別

財政

稅務處等會奏請整理粵海關稅務摺

二百十一

丁未

輕重撤懲。又原單內裁家丁書役委用員司一條。查各關沿用家丁書役蠹課病商最爲權政之害。此輩本皆無業游民。往往因在關數載。竟至坐擁厚賞。非舞弊作奸。何以致此。今該督一概裁去。改用員司分設總辦專辦分辦及稽查委員辦事官辦事司事等員。並分別札委。延用保薦等項。及逐層管轄。以專責成。辦法均屬周密。惟所用各員。司仍當嚴密考察。無令日久玩生。致蹈舊用丁役故轍。並令將各口卡員司職名。隨同關務處每年造冊一次。分咨部處。其有隨時更換者。亦即隨時咨報。以便稽考。至各員於所管各口稅何以裕商。何以恤其有考察講求。確有心得者。應准其開具說帖。由該督咨送部處。以備採擇。施行又原單內杜侵擾以肅稅政一條。查員司人數既多。其中不肖者在所難免。該督擬將總辦專辦分辦各員內。有無故短收。或辦理不善。以及營私舞弊者。分別撤參。其辦事員司。並由總辦等員隨時稽察。如有弊混。苛擾情事。即按照情節。重輕分別懲究。均應照所擬辦理。至侵虧稅課。擬責成同口之員。司互相稽察。密稟辦法。亦合。惟既屬同口。難保不互相容隱。通同舞弊。應由該督隨時查察。倘有前項情事。即令該口員司按名攤賠。如有潛逃。並著落原延原薦之人。賠繳五成。以杜濫用。濫薦之弊。又原單內勤考察以防壅閉一條。查各屬分口距各總口近者數十里。遠或數百里。自非由總辦委員隨時周歷。未免情形隔膜。耳目難周。該督擬

飭總辦委員於每年二月兩月前往各口明查暗訪查明貨稅有無偷漏員司巡丁是否得力查畢將一切情形稟報查考自應如此辦理所需夫馬應准實用實報惟須格外撙節毋稍濫支至專辦分辦轄口較少道里亦較近應飭隨時親歷稽查所需夫馬應即於每月額支經費內動用不得另行開報致滋糜費又原單內嚴比較以定功過一條查各口稅收向來多寡不定自應立定比較額數以重考成該督擬以三十一年實收正雜稅數為額並分別各口功過歸某員名下核計辦事各員如長收自一成以至二成以上分別留辦記功調委優缺優差短收自半成以上以至三成分別撤差記過停委參處司事亦按收數長短長則酌予拔充委員或賞給功牌短則斥退究追總辦各員則以收數統計分別賞懲辦理尙屬允協所有總分各口徵收稅數應飭承辦各員按月列表呈由該督隨時考核毋稍含混以重稅課又原單內定奏銷期限以防積壓一條查粵海各關向來洋常各稅奏銷往往遲至四五年或七八年始行造報於收款則割裂參差於解支各款則套搭糶轉以致諸弊叢生現洋稅已奏定歸併奏銷常稅亦奏請按年奏銷自不至再有積壓惟據稱各關遠近不一擬將洋稅奏銷於每屆四結滿日限兩月內造報常稅奏銷限每年三月內造報節省歸公增出各款限每年四月內造報等語查洋稅四結期滿常稅一年期滿前經戶部奏准統

財 政

稅務處等會奏請覆核粵海關稅務

二百十四

十二月

限三箇月內造報今該督於造報洋稅一項請限兩月較之戶部奏定期限更可少延一月自應照准嗣後即當依限造報如或逾限臣等仍照戶部奏定新章分別辦理至該關常稅現係每年由正月起不計閏扣至十二月底止爲一年該督請於每年三月內造報自係指期滿之次年三月而言並與戶部奏定期限尙屬相符應一併照准其節省歸公增出各款雖另爲一款實皆與正項相比附所請於每年四月內造報未免與正項造報先後參差擬令隨同正項一律依限造報以便考核又原單內釐正應解各款以免積欠一條度支部查粵海關常洋兩稅從前積欠未解各項爲數甚鉅即如該關經費每年應行扣提解部之二成及六分減平共銀三萬七千餘兩歷任監督從不照數扣提即提存銀數亦僅列入存解項下撥抵不敷並不解部當時雖迭加駁詰而該監督等亦置若罔聞以致日積月累遂成鉅數上年十二月間臣部於核辦該關交代案內曾將積年欠解各項按款開單奏請飭下兩廣總督澈底清查並分別補解等因在案現在該關既經改革力行整頓稅收較前自可日形暢旺此後應支應解各項固當年清年款即從前欠解各項亦應由該督澈底清查後分別緩急設法補解俾與臣部奏案相符至所稱各關船鈔罰款三成銀兩向祇粵潮兩關批解外務部其餘並不批解擬將船鈔自一百八十一結起罰款自一百七十七結第

三月第十日起統解稅務處轉解外務部等語外務部查臣部奏定所有各海關徵收船鈔暨所得各項罰款銀兩應酌提三成解交臣部以資辦公粵潮兩關歷經按結批解其餘各關船鈔三成應自一百八十一結起罰款三成應自一百七十七結第三月第十日起按結解交稅務處轉解臣部以歸一律又原單內監督向得罰款改名歸公一條度支部查洋關罰款向係分作十成除以四成歸稅司辦公以三成解外務部外餘三成係歸監督現粵海關監督缺裁總督兼管關務每年已定有公費銀三萬六千兩儘數辦公此項原歸監督之三成罰款銀兩自應提歸公款列入收款項下造報以昭核實又原單內支銷經費宜分界限一條度支部查粵海關大小各關口從前監督任內每年額支洋稅經費津貼等銀十三萬二千八百餘兩常稅經費銀二萬三千四百餘兩二共支銀十五萬六千二百餘兩今該督請將關務處及不經手徵稅各關口並各關官銀號等處經費在各關額支經費津貼內動支每年約計銀四萬五千一百九十餘兩各屬總分各口經費就各該口所收稅內動支每年約計銀十萬二千二百四十餘兩雷屬設洋土藥緝私卡五處經費在雷州口稅與兩廣土藥統稅內各半動支每年約計一半銀二千六百二十餘兩加以總督管關前請年支公費銀三萬六千兩藩司兼充關務處總辦年支公費銀一萬二千兩合計每年約共需銀

十九萬八千五十餘兩尚係按月開支若遇有閏之年則所支經費更不止此數較之監督任內額支銀數加增四分之一有奇數目不爲不鉅惟念該關自改章後節省歸公者多至四十餘萬兩是經理稅務各員實已潔己奉公若不優給經費亦非所以勵廉隅所有該督擬定各項經費銀數並分別支銷界限以及減平小建一律免扣各節應卽准其立案惟嗣後稅收如未能日有起色臣部仍將此項經費核令刪減以杜日久玩生之弊至每屆所支銀數自應隨同正項造冊送部核銷又原單內雜款歸公仍酌給伙食津貼一條度支部查粵海關向來沿用家丁書役需索病商爲害最甚現既一律改用員司嚴杜弊竇並將向例規費提充歸公所有員司既責其勤慎從公自不能不酌加體恤該督擬將總辦以下以至巡丁分別酌給津貼伙食等項銀兩辦法尙屬公允核其所定銀數亦無浮多均應照准卽在雜款項下開支按年隨同正項造銷惟員司巡丁既已各給薪工復另加給津貼伙食自不得再以清苦藉口如查有巧立名目額外需索等情應卽從重嚴懲毋稍寬縱又該督另片奏稱粵海各口向來遇有偷漏短報肆意苛罰久爲商病現應申明舊章並將舊章不宜於今者因時變通等語查粵海關志內載客商漏稅照律治罪貨物一半入官該督以舊章議罰過重應行改輕又載走漏免單擔雜等稅數在五錢以上者加罰一倍而止該督以舊

章議罰過輕應行改重所擬分別加罰數目各辦法自係爲杜弊恤商起見輕重亦尙適宜應准照所擬辦理並擬由稅務處札行總稅務司轉飭粵海各關稅務司遇有客商走漏常稅貨物者統照此項章程以歸一律謹 奏奉 旨依議欽此

辦各省土藥統稅大臣會奏稅銀截數報解摺

竊臣遵時於光緒三十一年四月奉 命管理八省土膏統捐於是年六月初一日開辦三十二年四月十四日奉 旨推廣各省統稅重訂新章於是年五月起次第開辦所有八省土膏統捐至上年閏四月止連閏適屆一年卽作爲八省截數日期應將收支各款造報掃解以清界限綜核各局卡報冊除兩湖兩廣均係自解本省不計外宜昌洪江等局暨各分卡共收正稅耗羨膏捐銀一百七十二萬五千七百餘兩宜昌關共收復進口膏捐並額外溢徵銀七十三萬一千餘兩湖南省照章提銀三十萬兩總共收正項庫平銀二百七十五萬六千七百餘兩內除撥江西銀七十萬兩撥安徽銀五萬兩宜昌關膏捐處銀四千八百餘兩湖北省兵工廠經部准免解還過境銀八萬三千七百餘兩計共溢收正項銀一百九十一萬八千二百餘兩又各局卡共收善後緝私經費並照章扣回贛皖各局卡薪費銀二十七萬三千三百餘兩總局及八省局卡極力撙節一年屆滿共支銀十一萬二千六

財 政

辦各省土藥統稅大臣會奏稅銀截數報解摺

二百十七

丁未

財政

督辦各省土藥統稅大臣何曾奏稅銀數額摺

二百七十八

十二月

百餘兩仍存溢收經費銀十六萬六百餘兩連正項計算共溢收銀二百七萬八千八百餘兩與臣逢時原奏約每年可收銀二百萬之數尙屬有贏無絀此外仍有漢口商號存銀息款三萬一千餘兩修局費暨三成解費銀七千九百餘兩先後報解前來臣等彙核無異業將上年秋冬兩季收支各數彙造冊摺報部立案並陸續提解十一次共已解銀一百七十萬兩又支給匯費銀二萬四千六百兩均經奏明在案截數以後因各省冊報未齊或照報錯誤展轉駁查或款目轉轄飭催解繳致稽時日現在甫將光緒三十二年春夏兩季截至閏四月底止各項冊摺彙造齊全並掃解正項尾款銀十九萬三千五百餘兩又息款銀三萬一千餘兩其經費項下擬酌留銀六萬兩以二萬兩分解蘇皖助賑以四萬兩在武昌省城建設醫館兼戒煙局造屋之需其修局等費係宜昌局舊章開辦各省統稅後已咨部停收充公銀兩爲數無多請一併留存作爲開辦經費及公舉用項另片詳陳此次計提解溢收經費銀十萬六百餘兩合正項息銀經費三款共掃解庫平銀三十二萬五千一百餘兩分交漢口戶部銀行及義善源商號匯京限期三月內前赴度支部交納應給匯費庫平銀一千六百餘兩已在留支項下發給除造具詳細冊摺及備核照報咨送度支部覆核並分咨陸軍部民政部查照外所有八省土膏統捐截數造報掃解各款並請留支銀兩各緣

由理合恭摺具呈謹 奏奉 硃批該部知道欽此

升任山東巡撫楊奏裁撤雜捐並裁併複雜局所摺

竊臣上年十二月初四日欽奉 上諭楊士驥身膺疆寄責任綦重務當振刷精神一切應辦事宜破除情面切實整頓以期吏肅民安毋負委任所有該省未經奏明苛細捐款著認真裁撤以紓民困各局所名目複雜著卽酌量裁併等因欽此仰見 朝廷節用愛人勤恤民隱跪聆之下欽悚莫名當將嚴辦曹匪並籌辦清鄉各情形迭經奏報在案伏查東省庫款本極支絀甲午以前出入尙略相抵庚子以後賠款增鉅新政繁興認籌練兵經費甲於他省是以近年在事者多方羅掘實有入不敷出之虞光緒二十七年升任撫臣袁世凱奏設山東籌款局籌辦煙酒各稅指明專備各項新政之用其時事屬創始入款有限而興辦各項學堂暨各項商務工藝一切新舉要政有所需用卽須飭局籌備更如地方官奉行新政經費無出亦有各視所屬情形就地籌款事雖隸於該局款仍各屬留爲公用是以開局數年細爲覈計含煙酒兩稅恃爲常年的款外其餘就事所籌之款亦不過寥寥數端不但爲數有限且或此增彼減或旋辦旋裁事皆試辦每多變遷故間有未及奏咨有案之件前年臣蒞任來東知東省財政竭蹶固貴籌裕度支尤當隱恤民力祇以事倍於前款仍

財政 升任山東巡撫楊奏裁撤雜捐並裁併複雜局所摺

二百十九

丁未

其舊本無者未敢議增原有者亦遂緩減卽如奉 飭認籌練兵經費係指明在籌款局所籌各捐內按年籌解銀三十萬兩加以各項新政需款浩繁若僅恃煙酒兩稅實尙不敷故統核該局原辦各捐大致皆剔除地方中飽似尙無傷民力不能不留資挹注自奉諭旨認真裁撤臣與司道熟商謹於無可裁減之中擇其收款較少迹近瑣細者量爲蠲免以廣 皇仁其可裁者一曰車捐抽收此項捐款專爲巡警局清理街道及城外馬路歲修之費惟所收本不敷用現擬飭商務局另撥專款將此捐停收以惠行旅此可裁者一也二曰行捐除額設牙雜課稅外如滕縣之斗行雒口之車脚行船行省城之木炭行泰安之雜皮行山果行皆收款無多而事甚繁瑣此可裁者二也三曰棗捐省西一帶產棗夙多商民常販運出口本在抽收釐金之列籌款局以省西別無可籌之款遂又就地抽捐如東昌府屬各州縣皆出產大宗其原章每包重二百斤捐京錢二三百文不等雖每歲此項捐款所入尙不甚微而旣已抽釐金似可免令納捐以致重複此可裁者三也以上三項除業由臣檄飭司局通行各州縣自本年爲始如有前項名目一律裁撤外並曉諭商民俾知德意此臣遵 旨裁併東省各項雜捐之大概情形也至於東省各項局所除河防賑撫等局係向年所有其餘新設各局大抵皆因新政而設就 欽差查辦事件大臣清銳原

奏所·指·各·局·而·論·遷·民·局·本·被·水·各·區·安·設·現·民·已·遷·畢·而·經·手·款·目·尚·未·結·清·故·僅·酌·留·原·辦·之·總·辦·收·支·數·員·從·細·結·算·現·擬·遵·旨·裁·併·已·飭·將·該·局·即·日·移·入·河·防·局·歸·併·河·防·局·員·兼·理·其·事·仍·責·成·原·辦·人·員·不·領·薪·資·速·將·帳·目·結·算·以·憑·交·代·此·就·原·摺·所·指·裁·併·者·一·省·城·向·於·冬·春·之·季·東·西·兩·關·開·設·粥·廠·專·養·鄰·近·各·州·縣·無·依·就·食·之·飢·民·其·人·或·冬·至·春·歸·或·竟·流·離·不·返·遂·在·省·城·乞·食·升·任·撫·臣·袁·世·凱·憫·其·失·養·光·緒·二·十·六·年·於·省·城·設·立·教·養·局·收·養·此·種·流·民·計·口·授·食·令·學·粗·淺·工·藝·藉·開·風·氣·而·資·養·贍·其·舊·設·之·賑·撫·局·則·專·管·督·核·派·員·分·賑·被·災·被·水·各·州·縣·與·教·養·局·廣·狹·不·同·工·賑·捐·局·又·爲·統·轄·勸·捐·各·分·局·而·設·雖·名·稱·相·近·實·各·有·專·司·現·既·奉·旨·裁·併·工·賑·究·與·賑·撫·同·源·自·應·併·入·賑·撫·局·以·歸·一·律·其·教·養·局·重·在·普·興·粗·淺·工·藝·其·用·意·與·賑·濟·自·有·區·別·而·所·習·較·粗·又·未·便·與·省·城·所·設·工·藝·傳·習·所·專·習·精·細·美·術·者·牽·合·爲·一·自·宜·附·入·濟·南·府·所·設·之·習·藝·所·以·節·虛·糜·而·期·畫·一·此·就·原·摺·所·指·裁·併·者·二·會·勘·華·德·路·礦·局·係·德·人·訂·約·時·所·請·設·載·在·條·約·專·理·與·德·人·路·礦·之·交·涉·與·農·工·商·部·咨·令·各·省·普·設·之·礦·政·調·查·局·專·爲·興·辦·內·地·礦·政·者·命·意·不·同·現·既·奉·旨·裁·併·應·即·就·局·分·辦·兩·事·統·名·曰·鐵·路·礦·政·調·查·局·酌·減·原·設·人·員·以·期·費·省·而·事·理·此·就·原·摺·所·指·裁·併·者·三·此·外·則·農·事·試·驗·場·事

財 政

升任山東巡撫楊奏裁撤雜捐並裁併礦務局所摺

二百二十一

丁未

屬改良種植工藝傳習所事屬振興實業可以併入農工商務局以上皆事可相通自當妥為歸併以副 聖朝任儉攝官之至意已由臣通飭司道遵照辦理伏念臣忝膺重任報稱未能凡屬理財用人諸大端更何敢稍涉因循致滋罪戾茲雖遵 旨裁撤雜捐數項而地方一切要政仍不容稍有廢弛自應統顧兼籌期於事無不舉其餘各項局所仍由臣隨時察核倘有可以裁減之處即當酌量歸併以昭核實謹 奏奉 硃批知道了欽此

中俄議訂北滿洲稅關試辦章程

一兩國邊界貿易在百里內均不納稅原載在俄國陸路通商章程而東省鐵路合同訂明鐵路交界處由中國設立稅關茲中國允准所有貨物由鐵路運往交界百里內之各車站暫行照條章不徵稅項 一鐵路運貨按三分減一納稅應定界限如哈爾濱由總車站四面各距十華里為界鐵路總會最要車站如滿洲里札賚諾爾海拉爾札蘭屯富勒爾基齊齊哈爾阿什河一面坡海林也河穆林交界站雙城堡老少溝窰門寬城子各站四面各距五華里為界除滿洲里交界站即綏芬河兩站歸入百里邊界之例辦理外其餘十四站即照商定界線以內為實行三分減一納稅之處此外東省鐵路各小車站以四面各距三華里為限亦同此辦法其貨物運出以上所指各地段及所定各界線以外均屬內地應補足

正稅并按照運貨入內地章程辦法。一鐵路運貨三分減一納稅此係中俄特訂之合同。中國允除俄貨外各國之貨經東省鐵路運至中國亦一體均沾俄國允所徵之稅各貨物按照陸路通商章程不免稅者即應按照海關新定稅則三分減一徵稅。一所議條款係屬大概作為北滿洲稅關試辦章程如有應行增改及於中國稅項不便應行變通更改之處俟一年後再行相商釐定至稅關詳細章程與應劃定界限并指定小車站處所即由兩國會議員速行商定。

各省財政彙誌

京師○度支部以各省應解賠款關係重要而近年以來各省動輒擅挪殊非慎重之道特通告各督撫嗣後無論有何急需概不得由認定應解賠款項下擅行提用以免臨時籌措該部又以本年六月議定付還賠款摺內陳明展息償清每年騰出銀三百萬兩為彌補鑄虧之用查訂借匯豐商款因鑄虧所致按年應還本利七十八萬部庫支絀無可籌措特別飭滙道於所騰三百萬款內每年提撥八十萬解交部庫作為備還匯豐借款之需○江督端午帥前以機製麵粉免稅明文並無年限若永遠免徵恐礙稅釐等因咨明度支部查免稅原案本聲明俟中英商約第八款所載出廠稅施行時再定畫一辦法惟中英商約一時尙難施行而機製麵粉又本係暫免稅釐能否酌定免完期限滿照常徵收應由稅務處核辦特咨行該處酌定辦法稅務處以機製麵粉一項先由外務部核准照機器仿製洋貨例值百抽五徵稅一道沿途概免重徵嗣於光緒三十年間海豐麵粉公司請免稅釐案內復由商部咨商外務部核准所有機製

麵粉一概暫免稅釐以抵制洋麵今江督既以永遠免徵有礙稅釐咨請酌定年限亦係實在情形自應斟酌辦理特擬定自本年八月起一律定限免徵五年俟年限滿後應如何徵免之處再行另訂辦法聞已由該處分咨度支部農工商部查照並由農工商部分別札行江甯上海各商會暨北京通州各麵粉公司遵照辦理○稅務處通飭各海關道自本年六月二十三日起所有入口外國軟木板一律徵稅每一千尺納關平銀一兩一錢五分

直隸○升任直督袁尙書前因永定河漫口工程需款甚鉅直隸爲缺額省分又值兵燹之餘庫儲奇絀本年水災甚重先辦急賑繼辦加撫實已羅掘俱窮此後應辦冬賑春賑及北運河等處以工代賑之款尙無所出此項堵口大工實難措辦特奏請 飭下度支部將永定河堵口工款估計二十三萬九千餘兩如數籌撥以應急需當奉 硃批著度

支部照數撥給又奏請將七項常捐再行接辦一年並援照江南成案將免保留省兩項一併改由直隸代收一年即以所得款項作爲北運河等處堵口培堤挑河築壩並撫恤麥秋被災各處年例平糶以及教養局習藝所收養貧民等項之用亦奉 硃批著照所請○長盧津武各口岸共計額引三千餘道懸引一千有餘前於光緒二十八年派商接辦

以六年爲期數年以來銷路甚旺獲利頗多近因已屆更換之期由陸都轉嘉穀另派商人接辦並令酌擬捐款以爲津郡辦理新政之需詎該商堅持定例均不承認都轉遂擬改歸官運以免商人罔利經稟由直督批准派員接辦並咨行度支部查照立案

奉天○營口鈔關向循戶部則例自本年六月起一律改照海關稅例假如高糧小米等雜糧之稅鈔關每石徵銀一分以營斗計之不過二分五釐海關稅例則每百斤徵銀一錢以營斗計之每石作三百斤應徵銀三錢彼此相較約差十倍云○安東縣屬之大東溝埠海關早經設立近經副稅務司立華政樹前往該埠擇日開關以便徵收釐稅

吉林○吉省歲收各項稅捐款目調查如下 煙酒木稅 煙每百斤作價三十吊每吊稅百文酒每斤稅三十二文
 黃煙三百二十五萬六千餘斤約收錢九十七萬六千餘吊 燒酒六千九百九十一萬斤約收錢二百二十三萬六千
 餘吊 木植華款約收錢二十萬八千餘吊洋款約收中錢十七萬二千餘吊光錢十二萬一千餘吊 統計約收錢四
 十餘萬吊 參藥稅 參藥統計約收錢三萬九千八百餘吊 山海稅 土藥三十六種約收銀二萬六千八百餘兩
 錢四千六百六十餘吊 豆油約收錢二千六百六十餘吊 釐捐 缸捐每吊抽五十文煤捐每吊抽十五文燈捐每
 盞日收五十文 七釐捐約收錢一百五十二萬九千餘吊 四釐捐約收錢八十七萬三千吊 參七四捐約收錢二萬
 五千七百吊 九釐捐約收錢三百三十六萬五千六百餘吊 鹽捐約收錢五十四萬六千餘吊 缸捐約收錢四百
 六十五萬四千餘吊 煤捐約收錢五萬吊 燈捐(四千七百餘盞本年已停收)約收錢八萬餘吊 斗稅 小米大
 麥兩類每石抽二百文餘每石抽一百文 小麥四萬一千石約收錢四千一百吊 小米稗米小雲豆等三萬三千六
 百餘石約收錢六千七百二十吊 紅糧四萬八千四百餘石約收錢四千八百四十餘吊 元豆五萬四千四百石約
 收錢五千四百四十吊 大麥包米蕎麥薺子一萬七百餘石約收錢二千一百四十吊 以上統核收錢一千五百十
 五萬九千五百六十吊銀五萬二千五百兩光錢十二萬一千餘吊

江蘇○升任蘇撫陳筱帥前以蘇省財政支絀年甚一年而各項要政無不待款而理不能不妥籌集腋以資挹注因督
 同籌款所司道再三體察查有船捐一項滬釐局抽收已數十年藉以湊濟餉需借款蘇釐局當時以出入相抵尙可支
 持未經仿辦現應查滬局成案於蘇常鎮各卡一體帶收參用船鈔章程按船之大小核其容積擔數每擔捐錢十
 文在首卡完捐一次餘皆驗免自光緒三十三年四月起徵逐月由局彙解司庫湊用又查營園一業各戶身家多係殷

實營產物品銷路甚廣獲利亦豐應完產地捐輸從前財力有餘迄未議辦現應照產地行銷正半兩稅就國徵收以各
園正副缸數目酌中定價每缸釀造成本錢三十五千文按產地正稅值百抽五行銷半之共抽七五每缸常年完捐錢
三千六百二十五文沿途卡捐概不重徵以示體恤自三十三年起按季繳由各屬轉解以上兩款共收錢十數萬串專
供本省新軍等項之用當已奏奉 諭旨允准○蘇省籌款所近因財政支絀援照部定當稅章程加收牙稅如往年
每月捐洋五角者今則每月捐洋五元業已稟由蘇撫核准通飭各地方官出示照辦○丹徒句容交界之龍潭鎮有由
官督辦之煤礦一所所產柴煤塊煤甚合於用業經委員在鎮設局銷售惟完稅章程尚未酌定如何辦法近聞鎮關道
榮觀察接金陵關道咨稱龍潭官煤業稟奉農工商部核准照值百抽五完稅一道沿途概免重征等因當即函致稅務
司勒嘉薩君查照辦理○清江裕甯官錢局前於板浦海州青口宿遷宜興等處各設分局現又在流陽分設一局以資
聯絡○江都酒捐一項前由袁南生大令委員邀同鄉董赴虹橋仙鎮宜陵等處逐一清查當由該員董等按各糟坊督
團認定捐款填寫冊籍呈送縣署大令核計歲入約二千金較甘邑僅得其半而局用支銷倍之特擬責成各鄉董代繳
並不設局以期節省糜費

安徽○皖省煙酒稅釐專為練兵賠款之用近因各屬抽稅弊竇叢生由牙釐局暨公款公所會同商議設立專局派員
經營以期事歸實際其所定章程係將煙葉煙絲仍照向章每斤抽收八文惟酒一項稍為變通上等者歲繳銀三十兩
中等二十兩下等十兩云

江西○金陵裕甯官錢局近在贛省設立分局處專司西岸督銷局釐課鹽價匯兌等事會出示曉諭內有印造一元
五元十元三種銀元鈔票又十枚二十枚五十枚九十八枚一百枚五種銅元鈔票分發各處行使等語經本省官銀錢

總號查知以贛省百文小票甫經禁絕未便任令再以百文二百文五百文小票通行致妨市面商情詳經贛撫咨請江督核辦聞江督已飭該分局將前項三種銅元票收回並以後停發以歸一律其九十八枚一百枚銅元鈔票與本省每張一千文鈔票相等可與各銀元票照舊分發行用云○贛省郵政局郵寄包裹徵稅一節迭經贛撫與總稅務司籌商辦法近聞已經議妥凡郵寄土貨均照內地統稅章程完納洋貨減半已完納者即貼印花稅票凡遇包裹寄到即由郵局通知委員當面稽核徵稅其各屬已通郵政之處即由附近統稅局稽核如不近統稅局者即由本境州縣官派員稽核以省周折

浙江○浙省杭嘉湖各屬所解漕折每石定銀二兩前奉部詰謂浙省近來米價甚貴照舊徵收未免太少飭令加增嗣據各州縣遵飭稟覆將加增為難情形稟經糧道會同藩司詳請前撫張筱帥奏咨謂浙省徵漕與蘇省情形不同折價自不能一律並查明上兩年糧變米價實亦無可多解等語當由度支部議覆以既經該撫查明所稱當係實情且查該省現辦災賑自應從寬免其酌加嗣後折價仍飭司道隨時考察核實定價勿任稍有取巧等語咨覆到浙已由浙撫分別行知轉飭遵照

湖南○度支部以湘省所產生鏽鎊砂兩種銷數頗旺自應議加稅銀以裕國課擬酌中定價自一百八十七結起暫將生鏽每墩估本銀一百五十兩鎊砂每墩估本銀六十兩此後如鎊價漲落懸殊估本銀數當隨時咨請增減其黑白鎊砂售價現未加漲估本應即照舊聞已通行鄰近各省轉飭遵辦○湘省蘆林潭米捐分局地方太僻不當銜要往來船隻多由小河穿過稽察難周業經上台飭令停撤另派員紳前往洞庭湖下游一帶勘地移設當經勘得荆河腦地方為兩湖出入要道堪以移設即呈由上憲核准開辦

陝西○土藥一項為陝省出境貨物大宗而行銷本省者亦復不少自上年改辦統稅後本銷辦法迄未得宜捐局四設民苦擾累時有抗捐滋鬧情事近由釐稅土稅兩局合定辦法所有本銷稅款一律責成各邑土行按照常年銷數比較現徵稅則逕行繳納舊有土釐各局一併裁撤祇於出境要區酌量設局專辦出境統捐事宜業已分條曉諭俾衆周知矣

廣東○粵省稅契一項近經大加整頓改用三聯票凡民間產業未經印契者無論典買均應一律買紙投稅如有隱匿一經查出或被發告即照產價議罰如不遵罰即行封變分別充公充賞已經各縣出示曉諭勸限投稅矣

各國財政彙誌

韓○自日韓新約成立後日本駐韓統監特命設立韓國財政調查局以調查韓國皇室所有及國有一切財產近聞業已就緒其處置之方針亦經決定凡宮內府經理院及宮中所管財源中其正稅二項(地租及其他法定之税金)概移度支部管理以後宮內府無徵收之權所有財稅亦一概禁止云

俄○據俄國公報所載俄皇每年收入之款自國會取得者計二千萬皇后及皇太后之收入計二十五萬皇太子十五萬皇子皇女各五萬而俄皇之收入尚有由教會收入者年約三千萬及西比利亞金銀銅鐵各礦產額每年約二千萬合計約七千萬云

英○英屬新錫蘭政府近擬將下列各項貨物一律免稅 棉布類 印花布 毛氈 豚 蔗糖 香料 棗 亞麻 仁 橙油

荷蘭○荷政府預算一千九百零八年之入款約有一百八十三兆佛郎出款一百九十四兆佛郎出入相抵計短十有一兆惟荷政府以今歲入款甚有起色故不願增稅以補明年之缺乏也○荷政府近議將砂糖稅停止而蘇門答臘各種煙草之出口稅則一律增加並擬增收普通所得稅云

上海商務印書館

都成 州福 口漢 州廣 津天 天奉 都京 (設分)

中學教科書	
夏實 中國歷史教科書	一册七角 二册五角 三册五角
新體中國歷史二册	八角
西洋歷史教科書二册	七角半
萬國史綱	一元
總理學務 瀛寰全書 一册附 大臣審定	二元
中國地理學教科書	一元五角
中學算術教科書	八角
謝洪 代數學二册	一元二角
謝洪 初等代數學	一元
黃氏中學代數學二册	七角半
謝洪 幾何學 平面部 立體部	一元三角
謝洪 平面幾何學教科書	八角
平面幾何畫法	五角
三角術	一元二角
總理學務 化學教科書 大臣審定	一元
杜亞 化學新教科書	一元二角
總理學務 格致教科書 大臣審定	五角
初等物理學教科書	二角
謝洪 物理學	二元
物理學講義	一元三角
杜亞 物理學新教科書	一元
氏熱學	七角
氏力學	一元
氏水學	六角
氏氣學	六角
氏磁學	六角
氏光學	四角
氏聲學	現印
氏靜電學	四角
氏動電學	六角
氏動電學	一元
總理學務 生理學教科書 大臣審定	二角半
謝洪 生理學	一元
杜亞 中學生理學	四角
生理衛生新教科書	四角半
地文學	一元三角
地質學	一元二角
礦物學	八角
植物學	一元
動物學	八角
杜亞 中學植物學	六角
漢文典二册	一元
總理學務 馬氏文通二册 大臣審定	一元五角
總理學務 理財學精義 大臣審定	四角
計學教科書	一元
學部 高等 任昭 帝國英文讀本 卷一 卷二 卷三 卷四 卷五 小學 通用	一角 二角半 四角 五角半 一元 一元五角
任昭 帝國英文讀本 卷三 卷四 卷五	五角半 一元 一元五角
學部 英文初範	一角二分
英華文通	一元
中學鉛筆習畫帖六册	二角
中學畫學臨本 一至六册 七 八册	二角 四角
用器畫教科書 第一册 第二册	三角 二角半
兵式體操	五角

實業

論振興實業之三要策 錄丁未九月十五日南方報

商戰以實業爲最重。國家之所以盛強。人民之所以樂利。胥賴乎此。而亡人國。墟人社。致人死命。在今世紀中。又無不以握其經濟機關。爲各國注意之要點。航路也。鐵道也。礦山也。種種製造之貿易品也。以工商各實業爲前鋒。以金融各機關爲後勁。風發雲湧。相率而致全力於我。故我國今日。苟不欲立國於世界。則已如欲爲自立計。則斷非振興實業。不可。然實業最要之關鍵。一在經濟流通。二在商團堅定。三在商力雄厚。所謂經濟流通者。全賴銀行。今我國欲設立種種之銀行。則宜先確定對內對外之兩大方針。對內者。宜以清釐財政。開拓實業爲旨。對外者。宜以挽回利權。杜塞漏卮爲旨。今試略言其辦法。

屬於對內者。有三種銀行爲今日缺一不可者。一實業銀行。二抵當銀行。三儲蓄銀行。三者之性質。皆不外便利小民興業之應用。而於吸收母財之法。亦最妥善。非僅以匯畫爲惟一之職務已也。此三種銀行。宜徧設於各府州縣。而總其綱要。則省必有一大銀行。合各省而

匯源於京師。則必更設一資本最厚之國家銀行。以綜其成。而後脈絡貫通於經濟。關鍵始能統一。

今戶部銀行亦既設立擴充矣。然資本過小。不能盡其責任。且近於官辦之性質。按銀行必由官監督始能發達。既可使國家補助機關。而全以商人營業。又可使國民信用不失。是宜改設一國家銀行。資本須達二千萬元以上。

由商部提倡招股事宜。各省分行。由督撫提倡招股。各內地支行。由地方官分任招股。務以斟酌地方之繁簡。派定數目。以求及額。為率。各推入股。最巨及名譽。共信之紳商。以為經理及董事。而尤以全國機關。息息相通。為最重要。於未設者。擴充之。已設者。合併之。其或地方瘠苦。不能一一備設者。則兼辦之。此對內設立銀行之辦法也。

屬於對外者有二。一宜專設於通商各口岸。一宜專設於外國繁盛各區域。其總機關亦統屬於國家銀行。而其專責在於本國。則惟與外交接辦理匯兌兌換之事。使金銀高下之率。權不悉操於外人在於外國。則使華僑財產皆受無形保護。而行商轉輸有此活動機關。影響最大。且可為獎勵出洋貿易之資。

或有謂與各國銀行競爭。則非具絕大資本不可者。查英國匯豐銀行。資本不過二千萬元而已。可壟斷印度及中國之金融機關。今我國各實業。尙未臻於全盛。而有中央二千萬元。

以上之大銀行以為後援則凡喪失於外國之利權固不難悉數收回而為我有此對外設立銀行之辦法也

夫國無獎勵實業之銀行則凡農工商各實業人民雖有志改良而恆苦無所挾持以為改良之資藉雖可告貸資本而既重困於償還迫促之期復操縱於盤剝漁利之手要如內地各

証書等無不以取息既輕而又有分期償還及數十年之久者種種窒礙致內地實業皆不能奮迅進步之可觀則經濟不能流通有以大為之障礙也

所謂商團堅定者則在商會今各省商界多有已設商會之處就其表面觀之不可謂不漸見發達也然所貴乎商會者乃集合多數之商人而求判決於衆論而其能力又必有於一

般商人之行為強其執行蓋儼然獨具一有機體之資格而後可謂成功今試略言吾國商會之缺點(甲)把持於一二巨紳大賈小資本商人無投票發言之權(乙)商會之能力不

過聚集數十百商人籌一經費立一處所不時演說甚且以為宴會之地(丙)各業公所尚

有互禁及議罰規條商會反無此權力以監督商人不正當之行為按在蘇禁用美貨案則

實業 論振興實業之三要素

一百六十九

丁未

曠。昔。未。有。商。會。之。時。或。尙。未。聞。而。商。會。既。設。以。後。乃。屢。見。不。一。見。於。商。界。此。真。最。可。寒。心。者。也。蓋。吾。國。商。人。之。性。質。惟。知。斤。斤。於。一。己。一。時。之。小。利。於。其。大。者。遠。者。恆。漠。然。無。少。感。觸。而。所。賴。以。爲。監。督。機。關。之。商。會。變。公。所。之。形。式。且。併。向。者。猶。有。一。長。之。各。小。團。結。力。亦。消。滅。而。無。所。子。遺。此。非。商。團。不。能。堅。定。之。過。歟。

所。謂。商。力。雄。厚。者。則。在。公。司。夫。巨。大。公。司。之。能。成。立。者。在。乎。商。家。之。能。信。用。而。商。家。之。能。信。用。者。又。在。乎。商。律。之。能。保。護。魄。力。既。大。則。尤。宜。擴。充。及。於。外。國。直。接。營。業。免。受。外。人。之。把。持。今。更。略。言。吾。國。商。力。之。弱。點。

其。一。商。律。之。保。護。尙。未。完。全。今。國。家。已。頒。行。公。司。條。例。然。定。章。內。所。有。董。事。及。查。帳。人。員。數。過。少。不。能。合。從。衆。之。義。而。獨。至。稽。查。公。司。事。務。又。往。往。聽。股。東。任。意。干。涉。由。於。前。者。則。弊。竇。既。不。能。消。除。而。意。見。恆。囿。於。偏。執。由。於。後。者。則。公。司。股。東。過。多。人。人。直。接。詰。問。公。司。將。不。勝。其。煩。吾。國。商。業。方。在。幼。稚。時。代。一。有。蹉。跌。他。皆。視。爲。畏。途。是。宜。亟。圖。改。良。者。一。

其。二。興。業。之。事。機。恆。多。妨。阻。近。來。倡。仿。造。洋。貨。改。良。土。貨。之。說。者。甚。多。而。實。行。辦。理。者。亦。逐。漸。興。起。如。紙。業。磁。業。玻。璃。紡。織。等。惟。全。國。人。民。尙。未。盡。知。興。業。之。利。苟。非。經。名。譽。特。著。者。爲。之。倡。率。往。往。審。顧。遲。疑。不。敢。輕。投。資。本。而。當。事。者。間。有。以。意。見。紛。馳。阻。礙。大。事。則。更。足。以。遏。

人。民。希。望。之。生。機。是。宜。亟。謀。消。除。者。二。

其。三。遠。征。之。貿。易。絕。少。競。爭。中。國。絲。茶。各。貨。向。皆。集。合。於。滬。售。之。洋。商。從。無。直。接。出。洋。自。售。者。故。往。往。受。其。抑。勒。致。全。國。經。濟。盡。入。外。人。之。手。此。皆。吾。國。人。既。無。巨。大。之。資。本。又。無。競。爭。之。膽。識。分。赴。各。國。開。設。商。店。有。以。致。之。是。宜。亟。為。籌。辦。者。三。

要。之。商。業。必。以。競。爭。而。始。有。進。步。今。日。之。商。務。尤。必。以。與。外。人。競。爭。而。始。能。自。全。彼。能。來。我。不。能。往。不。能。戰。即。不。能。守。此。皆。致。敗。之。道。而。其。要。則。商。力。不。能。雄。厚。之。原。因。也。

綜。此。三。者。倘。能。以。政。府。之。全。力。斡。旋。於。上。地。方。官。之。奉。行。扶。翼。於。下。而。巨。商。大。賈。又。復。能。拓。其。遠。大。之。識。力。鼓。其。沈。毅。之。勇。氣。出。而。分。任。其。事。則。於。吾。國。實。業。之。前。途。庶。有。多。乎。

度支部農工商部會奏籌議開採銅礦摺

考查銅幣大臣郵傳部尙書陳璧奏籌議開採銅礦一片光緒三十三年五月初八日奉

旨該部議奏欽此欽遵由軍機處鈔交前來據原奏內稱各省鑄造銅幣購用洋銅實爲絕大漏卮近年銅價奇昂大利尤多外溢查中國各省礦產甚饒卽如江西雲南所產之銅前經度支部總廠鑄化試驗頗合造幣之用惟銅質提鍊未淨鑄鑄工耗稍多若能廣行開採精加提鍊嗣後造幣需用卽無須取給外洋臣此次奉 命考查銅幣贛滇兩省均經

實業

度支部農工商部會奏籌議開採銅礦摺

一百七十一

丁未

奏明派員前往卽飭順道探訪銅礦茲據赴贛考查司員呈稱贛礦苗旺質佳又據赴滇考查司員電稱東川等處銅礦尙旺各等語贛滇礦產豐富銅質亦佳足供鑄造擬請 飭部切實調查籌議開採此外如有佳礦亦宜推廣籌辦實於幣制礦務均有裨益等語臣等伏查中國銅礦滇省最富歷經分批辦運以供京師鼓鑄之需臣部近設總廠亦經提取滇銅鎔化試驗但能提鍊加精卽可用以鑄幣徒以銅本艱窘該省歲辦京運時虞竭蹶而各廠造幣轉須購買洋銅以致利權外溢臣部爲收回利權起見亟思振興礦務以塞漏卮近聞贛省發見銅礦苗旺質佳又經電調二千斤交總廠試驗頗合造幣之用贛省既有此佳礦尤宜亟籌開採冀於滇礦而外增一利源業於上年十二月間議覆御史徐定超奏請興復滇礦摺內奏請 飭下雲貴總督體察籌辦俟得切實辦法由臣部寬籌銅本力與維持並聲明江西礦產甚佳乞 飭切實調查迅圖興舉以挽利權而恢銅政等因奏准行知在案嗣於本年五月據兩江督臣端方江西撫臣瑞良奏報江西贛縣隴下及長排嶺銅礦苗脈豐厚銅質精良實爲上等佳礦採法宜用機器兼築小枝鐵路輸運經營試辦約需經費四十萬兩甯贛各認銀二十萬兩核撥開辦等語該督等合兩省之力開濬利源一俟辦有成效則各廠鑄造銅幣均可赴贛訂購毋庸仰給外洋漏卮杜塞利莫大焉至雲南銅

礦本年四月間因臣部所派丁憂主事余晉芳至滇考查造幣分廠事宜該廠尙未開辦電飭就近調查礦務並電知雲貴總督派員會同往勘嗣准雲貴督臣錫良電稱派道員劉孝祚偕往東川據報礦旺民貧特官家接濟查滇銅每百斤給價銀二十兩用以造幣雖須改鍊小有折耗現在洋銅日貴以四十餘兩之重價購之外人不若加價興辦滇礦免致利權外溢擬照官價每百斤酌加價銀較用洋銅仍屬合算且能保我廠利冀圖擴充該員等現赴昭通等處查勘容再籌酌電聞等語臣當以滇銅困於例價出產日衰至爲可惜現各省鑄幣用銅甚多如提鍊純淨足合造幣之用自當酌加價值惟礦產是否豐旺仍令轉飭詳細調查如果確有把握集資之事自當內外合力通籌關此利源飭籌議見復等因電復去後現尙未據聲復應俟該督續報到日察核情形應如何內外協力籌集資本從事開採之處再由臣部奏明辦理農工商部查銅礦事關幣政自應及時開採以塞漏卮至一切辦事章程應仍按照臣部奏定礦章辦理以歸畫一謹 奏奉 旨依議欽此

陸軍部奏辦製造呢革公司摺

竊查現在各省新練軍隊逐漸擴充所用軍服裝具以呢革兩項爲大宗每歲銷耗添置需款甚鉅查毛料皮革兩項本中國自有之物產徒以不諳製作歲將原料輸出外洋待其製

成復以重值購之不惟自失利權且以軍用要品時時仰給於外人亦非慎重軍需之道臣等公同酌議竊以爲籌備軍需必當講求自造擬設立呢革廠一處織製呢革皮件以供全國軍隊之用惟是事屬草創一切購機建廠採辦物料規模宏大需款浩繁若以官本獨力舉行財力實有未逮臣等正在籌議間據候選道譚學裴稟稱擬創立溥利有限公司合集官商資本一百萬兩在京師擇地分設織造呢革兩廠專供本國軍隊之用請由臣部批撥官股若干以資提倡等情前來查該道所陳辦法係仿照商立公司體例無論官本商本悉依商律所定同享股東應得之利益並無歧異惟廠工貨物關係於軍需甚大必求適合軍隊之用故稽核製造之權仍操之臣部所擬尙屬妥慎當經臣部批准撥入官股五十萬兩以資開辦在案查該道才具穩練於商情亦尙熟悉擬即派該道爲官股代表所有用人理財等事即由該道與股商悉心籌議妥爲辦理藉以專任使而重責成所需官股五十萬兩即由臣部存款項下提撥應用並飭令該道一面過期舉辦一面招集商股俾得早日成立非惟足以抵塞漏卮實於軍事大有裨益如蒙 俞允即由臣部將該公司詳細章程咨明農工商部立案一俟開辦定期另由該公司自行赴部呈請註冊以符商例謹 奏奉 旨議欽此

農工商部奏遵議擬訂華商辦理實業爵賞章程摺

光緒三十三年六月二十四日奉 上諭朕欽奉

慈禧端佑康頤昭豫莊誠壽恭

欽獻崇熙皇太后懿旨從來求治之道養民爲先古人重府事修和外國亦最尙實業方今中國生齒日繁庶而未富生財大道亟宜講求國家特設農工商部綜理一切乃數年以來風氣尙未大開則官吏提倡之力勸導之方有未至也著各將軍督撫迅飭所屬於應興各業極力振興凡有能辦農工商礦或獨力經營或集合公司確有成效者卽予從優獎勵果有一廠一局所用資本數逾千萬所用人工至數千名者尤當破格優獎卽爵賞亦所不惜應如何分別等差該部卽妥議具奏並逐年如何增進列表以聞朝廷於大小官吏亦卽以此課其殿最用予勸懲敢有怠玩因循保護不力定行嚴處不稍寬貸總期地無曠土境無游民馴致富強有厚望焉欽此欽遵到部仰見 朝廷注重實業諄諄倡導之至意臣等忝持商政責有攸歸敢不實力圖維以期上宣 德意下振商情伏查漢有卜式輪邊以致通侯楚之子文毀家乃爲令尹有功則賞史册昭然今五洲之大均以商戰立國國之有農工商實業局廠其扼要與軍儲戰具相等則凡國內巨富海外僑商能出資本創設實業局廠者其功自不可沒臣等公同籌議擬卽以資本之大小雇工之多寡爲 國家爵賞之等差

實業

農工商部奏遵議擬訂華商辦理實業爵賞章程摺

一百七十五

丁未

上自子男之崇卿秩之尊懸爲六款之殊榮以振非常之實業謹擬就簡明章程十條繕具清單恭呈 御覽如蒙 俞允卽由臣部刷刊通行各直省將軍督撫各出使大臣一體欽遵傳諭各商俾知鼓舞至臣部逐年提倡各項實業次第核准與辦者每屆年終均編

列簡明紀事表册藉資考核謹 奏奉 旨依議欽此

謹將遵擬華商辦理農工商實業爵賞章程繕單恭呈 御覽

謹按秦漢之際富民輸財助邊者每特賞民爵關內侯近時日本商人有以鉅資急國難者亦賞男爵而英國凡創辦大商業者國家亦特予爵賞現值商戰時代 朝廷注重實業富國養民其功與敵愾埒亟應釐定等差以資獎勵 第一條 凡商人無論獨資合資附股營業應得爵賞卽以箇人資本之大小所用工人之多寡爲差 第二條 此項爵賞總以所辦實業能開闢利源製造貨品擴充國民生計者爲合格其僅以販運周轉匯兌營利爲業者不在此列 第三條 應得爵賞等差列左(一)資本二千萬元以上擬請 特賞一等子爵(二)資本一千八百萬元以上擬請 特賞二等子爵(三)資本一千六百萬以上擬請 特賞三等子爵(四)資本一千四百萬元以上擬請 特賞一等男爵(五)資本一千二百萬元以上擬請 特賞二等男爵(六)資本一千萬元以上擬請

特賞三等男爵(七)資本七百萬元者擬請 特賞三品卿逾八百萬元者並 賞戴花翎(八)資本五百萬元者擬請 特賞四品卿逾六百萬元者並 賞戴花翎(九)資本三百萬元者擬請 特賞五品卿逾四百萬元者並 賞加二品銜(十)資本百萬元者擬請 特賞四品卿銜逾二百萬元者並 賞加二品頂戴(十一)資本八十萬元以上擬請奏獎二品銜(十二)資本五十萬元以上擬請奏獎三品銜(十三)資本三十萬元以上擬請奏獎四品銜(十四)資本十萬元以上擬請奏獎五品銜 第四條 凡設立局廠其所出資本核與 特賞五品卿以上合格者雇用工人應以五百人以上為率核與 特賞三等男爵以上合格者雇用工人應以千人以上為率 第五條 此項子男爵擬請作為商爵不給歲俸其承襲等差應視所營實業能否世守屆時由本部查明奏請核辦 第六條 此項三品卿至五品卿應即以所營農工商實業分別冠以農業工業商業字樣以昭激勸 第七條 凡興辦實業無論獨資合資附股須將所認資本全數繳足工作履齊局廠成立赴部核准註冊並由本部調查確實並行文本籍地方查明該商人品望身家再行酌核奏獎 第八條 凡商人或獨出資本分辦各項局廠或將所有資本分附各項局廠但確係實業即可將資本合併計數按照第三四七條酌核請獎 第九條 凡

實業

農工商部奏直隸保定設立農務總會請咨立案並飭各省仿辦摺

一百七十八

十二月

商人原有官階職銜在應得獎勵之上者准將此項獎勵移獎該商之胞兄弟子姪惟不得濫移遠族第十條凡商人得有子男爵秩者應行儀注悉照欽定大清會典所載以示優異以上各則係破格獎勵專為提倡華商實業起見其合資股分各公司之集股創辦人應得獎勵擬將本部奏定獎勵華商公司章程參酌改訂奏請施行至製造美術資本人工較少而能獨出心裁挽回利權者仍照本部奏定獎勵商勳章程核辦現在農工商各項實業正資提倡此項章程係屬因時制宜特擬簡明辦法所有未盡詳備之處隨時斟酌損益奏明辦理奉 硃批覽欽此

農工商部奏直隸保定設立農務總會請咨立案並飭各省仿辦摺

竊臣部接准直隸總督袁世凱咨開據農務局特用道王樹善詳稱奉飭勸辦農會連日與司道府縣及地方紳士悉心商議意見相同計此時官紳農民入會者已至百餘人之多會費捐款已達千餘金之數謹就職局擇期開辦第一次農產品評會是日除官紳外農民赴會者二百餘人公推布政司增韞為會長演說開會宗旨及直隸農業應行振興改良各事復由洋教員演說東西洋農業農民聞所未聞歡欣鼓舞莫可名言此後各州縣分會及總會一切應辦事宜自可力圖推廣咨請察核立案等因並附該會試辦章程前來臣等伏思

農會之設其要旨務在固結團體研究實業以期進步日增上年臣部奏定職掌事宜第四條亦經聲明組合農會誠以農政所關非聯合講求末由闢新機而求進化直隸貢山濱海古稱上腴徒以農事未修致憂土滿現經直隸總督飭由農務局勸辦農會通飭各州縣實力奉行並由該局聯合官紳先行設立農務總會爲各州縣之倡以譯書編報籌辦森林蠶桑仿造農具肥料爲入手之方開智合羣此爲先導所擬試辦章程十二條申明立會宗旨并擬籌集農會股本分別總分會費以爲經久之計亦尙簡約易行應請照准立案以資經理至各省幅員遼闊農民散處各鄉狃於舊習一切新理新法末由發明尤宜及時勸辦聯合組織先立總會以爲之倡擬請 飭下各省將軍督撫通飭所屬仿照直隸辦法先由官紳提倡於省垣設立農務總會再行推廣各府廳州縣設立分會凡農田樹藝蠶桑紡織森林水產山利海界畜牧狩獵暨一切應興應革之事自不難逐漸考求遞收成效如蒙 俞允卽由臣部行知各省一體遵照謹 奏奉 旨依議欽此

農工商部奏准漢口職商創設揚子機器製造廠摺

竊臣部據漢陽鐵廠浙江鐵路公司及職商宋煒臣顧潤章顧溶鄭清濂許蓋等稟稱各省鐵路均籌自辦鐵之用至繁漢陽鐵廠現經改良煉鋼擴充化鐵以後鋼鐵各料多而且精

母俟外求然該廠係以生鐵煉成熟料尙非製器之場除製造鐵軌及附屬零件外凡鐵路所需橋梁車輛仍須取辦外洋厚利外溢殊爲可惜職商等現已聯合同志集得股銀三十萬兩名曰揚子機器製造有限公司即購漢廠鋼鐵各件以造鐵路橋梁車輛又軌三宗爲本務逐漸推廣以日後能辦至造母機爲止業經派人出洋購辦機器並聘雇著名造橋工程師造車匠日一面相度地勢修建廠屋一俟機器到齊即行開辦惟念製造車輛係屬裨益路政與別項商業不同懇請先予奏明立案並請援照漢陽廠成案建廠機器及一切物料進口暫免稅釐五年以輕成本而勸工業等因並擬定集股開辦章程十五條呈核前來臣等查各省籌辦鐵路原爲收挽利權起見而一切材料均須購自外洋漏卮仍鉅近歲漢陽鐵廠自造鋼軌尙屬精良前經臣部通飭各省鐵路公司一律訂購惟橋梁車輛雖有原料而無剪裁配合之機不能成器誠能另設專廠製造與該鐵廠相輔而行既可裨益路工兼可維持鐵政茲據該職商等擬集合股本設立機器製造有限公司自製鐵路材料洵足以收挽利權漢口工商最盛軌線四通且與漢陽鐵廠相鄰就地取材灌輸自便查核所定章程係遵照公司律辦理尙屬妥洽應請先予立案藉資提倡至所請援照漢陽鐵廠成案暫免出口稅釐一節查本年三月間臣部會同郵傳部奏請各省商辦鐵路所用材料援照

官辦之路暫行免稅仰蒙恩准在案該公司製造車橋等物本在鐵路材料之中擬請援案暫准一體免稅毋庸另援漢陽鐵廠成案轉涉兩歧此外建廠購機及一切物件仍令遵章完稅以示限制如蒙 俞允由臣部咨行稅務大臣度支部郵傳部湖廣總督欽遵分別辦理謹 奏

理藩部農工商部會奏喀喇沁札薩克請開辦礦政以工代賑摺

竊據卓索圖盟喀喇沁札薩克頭等塔布囊幹魯札布等呈報本旗上年春間亢旱夏令得雨復被蝗食年景荒歉不堪言狀蒙民饑饉嗷嗷待哺情實堪憫雖經呈報熱河都統設法撫綏奈因此時勢多艱未便擅請帑賑再四籌思別無良策惟查本旗八里罕熱水梅倫窩舖等處顯露金銀煤線苗曾經各該礦務總辦迭次分局試採或人地不宜或線苗隱隱或外來人員不得土法俱未見成效無升 國課之期徒費資本中止而退以致工養土民利裕 國課兩途均無得有裨益茲欲本旗由本地招商集股鳩工不招洋商外來股工除有升課礦外另行由旗開採金銀煤礦試辦略見成效照例升課以裕 國款就地集用土民開作藉工代賑難民度支饑饉推廣利源以輔 朝廷賑與之至意籌工代賑而竭臣子報効之微忱呈請代為轉奏如蒙 俞允以便興辦等因前來臣等查光緒三十一年八月

實業

理藩部農工商部會奏喀喇沁札薩克請開辦礦政以工代賑摺

一百八十二

丁未

十七日奉 上諭商部奏請飭清釐礦產以保利權一摺中國地大物博礦產之富甲於全球祇以研究無人遂致利源未闢又或奸徒勾結設謀售賣輾轉影射流弊滋多亟應澈底清釐認真整頓總期權自我操利不外溢是爲至要等因欽此欽遵由前商部咨行到部經臣部繕譯蒙文通行各該盟旗在案今喀喇沁札薩克頭等塔布囊幹魯札布呈報該旗上年亢旱蝗災蒙民饑饉困苦難堪懇請開辦金銀煤礦以工代賑試辦略有成效照例升課等情並稱本旗由本地招商集股工養土民不招洋商外來股工所擬尙爲妥善自應准其先行立案將來一切探採事宜務須遵照農工商部奏定礦務章程辦理應請 旨飭下熱河都統就近派員彈壓妥爲保護以重礦產至該旗開辦金銀煤礦各有若干處試辦稍有成效應卽報部照例升課並聲明礦稅若何抽取詳細繪圖貼說分晰明確呈由盟長轉呈臣部隨時會同奏明照章辦理謹 奏

兩江總督端江西巡撫瑞會奏籌撥官款開辦銅礦摺

竊於光緒三十二年十二月間准度支部咨開議覆御史徐定超奏滇省銅礦請設法興復一摺內稱即如江西贛銅近經臣部電詢據該撫覆稱礦產甚佳礦脈綿延至十餘里業聘礦師覆勘正擬招商興辦亦由臣部電提二千斤交總廠試驗乞 敕下該督撫等切實

詳查或官辦或招商迅圖興舉以挽利權而恢銅政等因准此查江西贛州府贛縣隴下及長排嶺地方前有銅苗發現經該縣紳士候選道前禮部主事劉景熙集股設立華寶公司用土法開採獲銅無多迭經派令日本德國奧國礦師及廣東礦務學生往勘並將礦石化煉皆云苗脈豐厚銅質精良且與水口甚近實爲上等最佳之礦採法宜用機器兼築小枝鐵路輸運經營試辦約需經費銀四十萬兩等語先擬由甯蘇皖贛四省各撥公款官商合辦議久無成奴才等往返熟商既商股一時萬難招集惟有全歸官辦現擬由甯贛兩省各撥銀二十萬兩即時開採以免築室道謀徒延時日查有候選通判池貞銓熟諳礦務歷派勸查深悉情形卽經會同札委該通判前往贛州府妥籌辦理仍委原辦華寶公司之候選道劉景熙爲會辦而以江西藩司沈瑜慶總其成並派江西農工商礦局總辦道員傅春官會同籌辦不時赴贛查察期臻周密所有甯贛兩省各應認二十萬兩統俟籌定的款隨時核撥咨部備查謹 奏奉 硃批該部知道欽此

前湖廣總督張前護理兩廣總督胡護理四川總督趙湖南巡撫岑會奏聯合粵湘川鄂四省自造鐵路應用各項料物摺

竊維近來鐵路之利盡人皆知籌款之艱各省如一故凡關於修造鐵路各事苟可以節省

實業

前湖廣總督張前護理兩廣總督胡護理四川總督趙湖南巡撫岑會奏聯合粵湘川鄂四省自造鐵路應用各項料物摺

一冊八十三

丁未

商力出自逾格 鴻慈再查漢口現有商辦揚子鐵路鐵器廠刻正招集股款尙未開辦並已經農工商部奏准暫行免稅茲四省所設公廠專爲自造自用至將來廠成以後除四省自用外他省鐵路工程如有來鄂省訂購橋樑等項器料者或願購之四省公廠或願購之揚子商廠均聽其便不加抑勒合併陳明謹 奏奉 硃批該衙門知道欽此

護理河南巡撫袁奏興辦實業社會游民教養局摺

竊惟根本之謀端資實業教養之要先化游民自古立國未有不富而能強者亦未有游惰之民不籌生路而能肅清寰宇者大學言治平之道曰生之者衆食之者寡即泰西各國富甲天下扼要辦法亦不外國無曠土游民而已恭讀光緒三十二年十一月初一日 上諭自來足民之道端在利用厚生農桑畜牧實爲富強之本我中國地大物博祇以農林要政未能切實講求棄利於地未免可惜務使國無曠土野無游民以厚風俗而固邦基等因欽此仰見 朝廷務本重民殷殷圖治欽感莫名臣維河南地瘠民貧每年進款僅恃丁漕故論理財於今日豫省較他省爲尤難亦較他省爲更急臣上年祇承 恩命於十一月間到藩司本任見省城四面屢遭河患百餘里荒沙向少種植居民寥落生計維艱濱河之蘭儀考城商邱虞城延津等縣淤沙更不待言當經飭令祥符縣邀紳集股設立農林會先

從種柳起手。每間丈許種柳一行。六行爲一蹕。相距十丈。再種一蹕。多寡長短。隨地勢所宜。三四年後。柳起成行。蔽風擋沙。積柳根成蹕。餘地變爲膏腴。隨處皆可耕種。且柳行瀕臨大河。無異層層格隄。不但防汛築埽。所資亦可收柴炭材木之鉅利。復經臣擬訂實業社會章程。以開渠種樹。修道養蠶。墾荒開礦。興工藝辦漁業。各項詳明。升任撫臣張人駿。通飭各屬切實籌辦。派員週歷考查。並責成該管道府認真督率。嚴定功過。以憑黜陟。蓋多盡一分心力。即多籌一分生計。將來風氣大開。自然之利日增。輸入之貨漸少。財用不匱。民力益強。富歲子弟多賴。禍患消於無形。此興辦實業社會之實在情形也。並於無業游民。尤須先籌安置之策。即以省城而論。沿街乞討赤身露體者。動輒千百成羣。竊盜時有所聞。既失外觀。亦傷國體。前與升任撫臣商酌。設立游民教養局。省城貢院舊基。除改作學堂。應用外。就西偏膳錄對讀收掌等所。約得屋二百餘間。能容六七百人。略加修葺。以資開辦。其婦女老弱廢疾。另歸普育堂贍養。凡入局者。年在十六歲以上。四十歲以下。悉數收入。始以六百名爲額。派委坐辦司事會計醫生各員。經理局務。此外遴招藝師。分教細工粗工。各藝成後。不拘年限。聽其出局營業。招新巧以補其缺。計常年經費約銀一萬三四千兩。開辦之費及活支之費約銀六千餘兩。省城舊商家花頭月包。太平會各費規錢九千餘串。飭令化私爲公。不敷

之數由司設法籌補現計數月以來所出毛巾白布地毯呢各種粗細貨品均有可觀現已通飭廳屬做照辦理庶幾化無用爲有用於以起枯瘠而導祥和計未有便於此者此創設游民教養局之實在情形也總之大河南北古稱土厚水深迄今百廢待興鑛產正在開辦鐵路甫議舉行目前切要之圖無過於成物各盡其土宜失業亦得所工作但使官斯土者實心實力隨時倡導不至作輟相仍空文掩飾則未有爲其事而無其功者相應仰懇天恩飭部立案至一切用款概由招商集股不動官款應准實用實銷免其造報謹 奏奉 硃批該部知道欽此

綏遠城將軍貽奏驗收墾地擬卽設局開辦摺

竊烏蘭察布一盟於開放蒙地之事深閉固拒百計遷延經疊次嚴催多方勸諭積五年之久始准於上年七月間遣員就議出具六旗聯銜印文遵報墾地業經奴才將該盟報地情形奏陳在案查烏盟各旗性多狡詐奴才逆知其所報之地必非佳壤是以於委員前往會勘時飭其切實勘驗如地不足數或並不堪開放就近商令改報以符原議經分飭邊辦去後據收地各員先後稟報所勘各地惟四子五旗所報察罕依嚕格勒圖地段尙堪耕種統校地形截長補短亦尙足原報十五里之數其他各旗或虛捏地名或土脈瘠瘠均與原

實業

綏遠城將軍貽奏驗收墾地擬卽設局開辦摺

一百八十七

丁未

議參差又幾於中變幸經勘地各員相機因應操縱得宜商至再三各旗始另行指報達爾罕旗改交西邊單克蘇拉塔一帶茂明安旗改交小壕帳房塔兩處均係該旗從前租給商民已經限滿之地烏拉特前中兩旗先則合交改指達旗邊東之什拉胡魯素地段議明由南界向北挨次丈量以足兩旗所報三十里之數為止嗣以該地畝原屬前旗所有遂專歸前旗呈交並添報紅門免地一段至烏拉特後旗則改交黃河西岸之紅洞灣雖地質稍次而距包鎮甚近或尙不難招放惟烏拉特中旗前報之地現既歸前旗專報應札令該旗另行指地俟交收有日隨時奏報其已經驗收五旗各地均由派出之員會同蒙員畫清四至界址取有交地文結並繪具圖說呈請核辦前來奴才查此次所收四子王達爾罕茂明安及烏拉特後旗地畝均屬旱地應照旱地章程辦理若烏拉特前旗所報之什拉胡魯素暨紅門免兩處則係五加河退水之地昔年渠堰舊迹可尋尤應及早興修因端竟委奴才擬即委令調辦蒙旗之分省補用道李慶雲總辦烏盟墾務並揀派員司設局開辦以擴利源又萬億號官商李世俊李榮恩等於光緒三十一年呈報因債作抵之四子五旗忽濟爾圖地一段請由官局放墾前經奏報現亦派員勘驗其地在四子五旗報地東北土壤相接每面寬約二十五里內外又現據綏遠城舉人通泰以祖遺價買四子五旗地段東西長十三

里·餘·南·北·寬·約·四·里·亦·與·前·項·報·地·毗·連·報·効·歸·官·自·應·一·併·酌·度·情·形·分·別·籌·辦·謹·奏
奉 硃批該部知道欽此

熱河都統廷奏丈放巴林蒙荒並酌擬章程摺

竊奴才於光緒三十三年四月十三日具奏勘丈巴林蒙荒大概情形奉 硃批該部知道欽此伏查巴林荒地據該郡王扎噶爾以巴彥察乾溝英圖坤兌枕頭溝哈拉蓋溝四處遵 旨報墾由理藩部代奏並具報効甘結前來巴林貝子色丹那木吉勒旺寶年班差旋亦與商允將該四處中間山荒一律報効取具甘結各在案奴才遴派熟習墾務員司督帶夫役於三月間前往開辦旋據稟報到差後會同該旗委員指界開繩丈量核與原報南北長八九十里東西寬二三十里地段不符復向磋商始據該王貝子指定哈拉蘇臺及賽佈敦廟老正溝英圖火燒等處荒地添入原報四段之內一併報効約共可墾之地二千頃等情前來復經札飭知府用候補同知李欽妥爲開導所報効之地均在山溝難設縣治今擇寬衍平正之地續行報効以設縣治而爲民蒙會集之所其指定界限業經勘丈堪以墾種之地速行招領免致坐耗經費至荒價之重輕視土地之肥瘠已酌分上中下三則交價地照一節前准部咨著援照墾務大臣貽穀右翼成案辦理應請 敕部頒發空白執照

實 業

熱河都統廷奏丈放巴林蒙荒並酌擬章程摺

一百八十九

丁未

二千張以便轉發墾務局隨時填用並酌擬墾務章程八條繕呈
硃批該部知道單併發欽此

謹將丈放巴林墾務章程八條繕具清單恭呈

御覽 一荒價查熱河九道灣放荒按

照圍場章程地分四則巴林等荒地處邊外非酌減荒價不足以廣招徠宜仿照馬廠辦法
分爲三則上則每頃收荒價銀八十兩中則六十兩下則四十兩上則地每戶准領二頃零
中則地每戶准零三頃零下則地每戶准領五頃零每荒價銀一百兩另交一成五耗銀以
爲辦公經費 一平色荒價例收庫平庫色銀兩惟熱河向用松江銀每銀一兩應貼色二
分補平一分以符庫平庫色其一成五耗銀准用熱河平松江銀交納支領薪工及一切局
用均由耗銀項下開支並扣減六分平以符部章 一繩丈查照部章五尺爲弓二百四十
弓爲畝百畝爲頃每頃編爲一號繪圖填冊注明四至丈尺坐落地名分別上中下三則領
戶姓名籍貫領地不及一頃者另編一號地係何則由局員監同繩丈委員眼同領戶公平
核定毋得任意低昂致啟爭端 一科則擬照九道灣放荒章程上則限一年升科中下則
均限二年升科以給照之日起限其課銀量爲斟酌從減上地一頃歲徵正課銀四兩中地
徵銀三兩下地徵銀二兩每銀一兩加徵耗銀一成倘領地後延不開墾或墾不足數升科

屆限照章一律徵收如敢藉詞抗違即將原地撤回另放荒價耗銀概不退還 一地照現遵奏定章程刊刷照式多張領戶交價兌地發給執照俟部照領到再行換給以憑執業 一帳棚該荒地遼闊絕少人煙既無廬舍可居自應置備帳棚二十架以備員司夫役及護局馬勇人等棲宿 一轉運該荒附近地方向無貿易食用一切均須來自赤峯縣烏丹城惟距赤峯縣五百餘里距烏丹城亦二百餘里食用既繁轉運匪易糧食鹽菜之價自應由薪工錢糧攤還若再加以轉運之費車駝之資竊恐人可食而不可飽矣應請在一成五經費項下開支轉運之費核實報銷不准稍有浮冒 一除弊向來放荒流弊往往奸民捏名包攬賤領貴售及在局員書人役更易姓名占領膏腴上下科則出入畝數展轉買賣或於加平貼色外浮收規費或車馬飲食住址並不給價騷擾平民以上數端如被告讞或經查出照例嚴懲在官人役加等懲辦

山東礦政局簽定華德探礦公司礦務合同

爲訂立合同事案據華德探礦公司呈請勸辦山東五處礦務曾經外務部允准先行查勘在案茲准外務部咨開以據該公司稟請續議前來現奉山東巡撫部院楊札委礦政局與該公司議訂合同如下

第一條 該公司招集華德股本即係華德公共商務現在勘辦五處礦產祇應按照尋常商務辦法與膠濟鐵路附近三十里內之礦務載在膠澳條約者迥不相同並與國家交涉無干至該公司應辦之事係僅限於開礦一端此次合同所載各條均不得推及別項商務

第二條 外務部前允該公司於原指五處地段內查勘礦產原議每處以十箇月爲限今逾限已久據該公司稟稱尙未探竣現特格外通融准自此項合同簽押之日起再酌予加展探礦期限兩年由礦政局詳請撫院咨明外務部農工商部立案俟呈請開辦時再請農工商部核發開礦執照未發執照以前不得擅行開採探礦產如兩年限滿仍未呈請開辦即將該公司查勘礦產之權全行停止其地統歸中國辦理至兩年限內倘有華商在原指五處凡非公司恰正查勘之地段以內呈請勘採礦產則先知照該公司於兩箇月內呈覆如該公司必用此地開採即應畫定礦界依限辦理倘逾兩箇月定限該公司並未呈覆或呈明不願開採則此塊礦地即歸華商領照承辦該公司不得干預至原指地段內凡有華商已經勘辦及暫時停工尙未全行廢棄之礦應仍歸華商辦理該公司允認概不過問亦不攪擾其事倘該公司於華礦有所詢問礦政局允爲查明知照 第三條 該公司原指五處地段係爲探礦而設是以估界甚大今爲辦事和平迅速起見於兩年探礦期限內准

該公司於原指探礦地段共擇定開礦地畝七塊依限呈請開辦每塊礦地界限不得逾三十方華里其地須彼此連屬長處不得逾闊處四倍該公司於呈請開辦之時須繪具礦地詳細圖說候礦政局派員會同地方官查明果無違礙情形再行詳請撫院轉咨農工商部核發開礦執照領照後應按照部定章程第二十四條限六箇月內開礦仍以修砌井洞蓋造廠房等事作為開辦實據不得僅以呈報開辦日期空言搪塞倘逾限仍未開辦乃將執照註銷作廢至礦地四至界限應於地面周圍立石為誌該公司在地底探礦深處不立限制其四旁不得挖過地面界址直垂之線如界外有華商指辦礦地與該公司礦地相距較近者亦應各將界址畫明以免爭執該公司無論因何原故如欲將指辦礦地轉售他商接辦應首儘華人次儘德人屆時仍應稟由礦政局呈候撫院核明批准咨請農工商部另換執照不得私相授受隱匿不報 第四條 礦政局總理山東全省礦政該公司遇有應辦公事應稟明礦政局查核定奪該公司已辦之各項工程礦政局可隨時派員稽查惟派員之時須預先知照該公司以期接洽如遇有租地賃房招工購料等事合同應先稟請礦政局飭派委員或飭地方官派人幫同照料妥為商辦總期辦事簡便公平庶於公司及地方公共利益兩無妨礙至該公司探礦探礦所需地畝現經彼此訂明祇可租用不得購買從

前已購之地該公司亦允一律改爲租用其業經畫定礦地如該公司一時尙無布置仍准地主照常耕作該公司租用地畝應各就地情形妥議租價彼此無稍抑勒應於開礦以前先付一年租價由礦政局委員同交與地主查收倘係荒山河灘查無業主之地即係中國國家公產應照民地一律議租呈繳礦政局照收如有廟社墳塋不便遷讓以及妨損農田水利各項公益善舉實有關係違礙之處地主決意不願出租應仍聽其自便該公司不得強行租用再如朝廷所屬祠廟行宮園廠等項之下暨逼近城壘以及防守各要害之處均不准呈請租地辦礦除此以外該公司租用地畝該地主即應公平議租不得藉詞推託如該公司於礦界附近河道欲立引水機臺取用河水應預先稟請礦政局派員會同查勘酌核辦理總以無礙農田水利爲主該公司如在內地欲租棧房暫存辦礦物料亦應稟請礦政局查照條約酌核辦理 第五條 該公司創設公司緣由並招集股份章程應呈送礦政局詳請撫院咨報外務部農工商部存案備查如有違背條約妨礙公法之處中國政府應有飭令更改之權即如該公司在所指地段只准開礦不准製造亦係遵照條約之一端如該公司擬在商埠暨指定辦礦界內設立分局或分公司應預先稟報礦政局查考所有出售該公司新舊股票華德人均可購買所享利益華德一律無稍軒輊共招股本

若干隨時赴礦政局報明將來華股集至十萬馬克卽應設華總辦一員入公司辦事凡遇稽查華股應享一切利益等事均與德總辦平權倘華總辦遇事故意阻難准該公司稟請礦政局查核更換如德總辦辦事不能和平確有不合理法實據亦准華總辦據實稟揭凡公司一切事件總須彼此互商持平辦理均不得無端爭執又凡該公司所用各洋人均須請領礦政局憑單以便遇有查問隨時呈驗此項洋人若欲他往游歷均應照約請領護照

第六條 該公司凡領開礦執照在十方華里以內者須繳照費庫平銀一百兩如在十方華里以外則每多一方里加費十兩以三十方里爲限其佔用地畝已照發公平租價則該地應納錢糧仍歸業主自行完納惟所出礦產應繳兩稅一係出口稅卽按照稅關章程完納一係出井稅暫照光緒三十年二月初一日商部奏定礦務暫行章程所載稅則完納俟礦產出井後卽由該公司核計逐日出井實數照則計稅按公司每年結帳時彙呈礦政局核收將來另訂礦務新章內中所載完稅名目定則輕重如中外遵行該公司亦應一律改照新章辦理如新章所載稅則比較現行章程從減礦政局允將該公司溢付之款抵作下次付稅之用又該公司裝運礦產出口既已分完出井出口兩稅沿途卽可免抽釐金惟該公司必須將逐日出井暨裝運出口之各項礦產隨時按照實數列表登記並各造詳細

實業

山東礦政局籌定華總辦公司礦務章程

二百九十五

丁未

數目清冊一份按年呈送礦政局核明轉詳撫院咨送農工商部以備查考並可由礦政局隨時派員赴該公司礦廠稽查出井礦產暨應納礦稅各實在數目凡於礦產出井運銷及與稅務確有關係之各項正副帳冊委員均可隨時調查 第七條 該公司開採礦產如挖掘井峒抽引泉水等事總以不傷附近民田房屋水井爲主若因公司大意粗心致傷以上所指各物定當按照該處情形認賠倘遇有意外不測之事致傷人命及物件均應從優撫恤賠償凡開礦之處均須就近設立病院一所以便華人在工患病及受傷者前往醫治調養所有在院因病因傷費用概由公司備給若竟因傷病身死公司須出資恤其家屬

第八條 該公司辦理諸事首以此次簽定合同爲准凡此合同有關探礦各事而未及詳載者於礦務新章尙未頒發以前均應遵照光緒三十年二月初一日商部奏定礦務暫行章程辦理俟將來頒發礦務新章除此項合同所載仍應遵守外其餘各事該公司即應統遵新章照辦自經此項合同簽押之後所有從前議而未定之各項礦章草底應即全行作廢 以上八條係用華文共繕兩份彼此簽押作據另譯德文核對條款語意相符設使華德兩文彼此解釋或有歧異之處則應以華文之義爲主此次所議各條公司允願恪實遵守山東撫院亦允辦理諸事永以和平友睦爲宗旨俾使礦務日有起色而華德人民互受

裨益此項合同現經外務部農工商部允准俟彼此簽字後即可施行

各省工藝彙誌

京師○健銳營籌設工藝廠今已成立分布科染科織科紙科繩蓆科女工裁縫科女工繡科等七科○職商高蔚光等集股創立北京紡紗有限公司稟經農工商部批准立案○張殿撰建勳在京創立葡萄酒總公司業經呈請農工商部註冊○商人張樹桂開設泰山湧記公司專造福壽牌對字轉鑄自開銅鎖機關巧密翻陳出新已稟准農工商部將該商牌號分別咨札民政部順天府切實保護

直隸○直省高等工業學堂設有機器一科全班學生十六人於所習之藝皆已確有心得現方試造三匹馬力臥機藉資實驗○涿州向有留養局今特改爲工藝局使無業貧民各有生計並在局內另設習藝所兼收罪犯○新墟創設工藝染織局仿造洋布並精染各色綢布藉圖抵制而關利源○蠡縣高大令景祺以該縣遊民獨多而押犯之不能釋又不能辦者亦指不勝屈因就署西創設罪犯習藝所令習織帶編蓆等藝已稟准升督袁尙書立案○建昌縣陶大令藻華自奉工藝總局札發織機圖說飭令舉辦仿織洋布後即時邀集紳商議定官商合力興辦共集股本銀五千兩設立建昌工藝股份有限公司以仿織各式洋布爲大宗並仿造織機發賣兼織土產毛貨以期廣開民智共興實業○撫甯原有工藝局一所惟限於織帶一途獲利甚微不足以抵制外貨挽回利權近經該縣孫大令家鈺就原有局所添設織染兩科以期改良土布擴充銷路○天津職商楊寶慧集銀十三萬兩創設新興造紙有限公司稟經工藝總局轉詳升督袁尙書批准咨部立案又商人宋壽恆開設天津造膜有限公司自製洗衣洗面各皂近更發明黑膜一種爲洋貨所無而價特較廉已稟由工藝總局詳請升督袁尙書准予專利年限以杜仿冒而資鼓勵○靜海縣工藝局向設有製造

專科匠目張鈞山獨出心裁造成新式快槍一校與日本三十年式快槍無異經該縣潘大令震聲稟呈直督考驗並請予以特別利益以示鼓勵○南皮盛產木棉實占秋禾十分之四故仿織一事盛於他處惟墨守舊法出布無多近經該縣王大令遂善設立工藝傳習所購備新式紡車織機招生八人入所習藝以半年畢業畢業後考驗及格即派赴四鄉傳授親友仍招新班相繼學習期於五年之內開通全境風氣○井陘縣向有粗磁器窰所燒器皿大都粗劣窳敗所銷亦止本境及獲鹿一帶自丁大令給恩蒞任諭令改良色釉仿製西式器皿旋據窰戶馬清華交呈仿製各件雖色釉尙欠鮮亮而形式却已改良當即賞銀四兩並制錢十千以示鼓勵復令重製以後所出各器遂漸改良竟與磁州所出者無異洋人及過客咸樂購買云○任縣設立罪犯習藝所學織絲棉各帶大小寬窄色樣不一自出貨以來頗能暢銷○清河縣設立機械傳習所先選八人送往天津學習俟畢業回縣即作本所工師招工教授○奉天○法庫門民人彰化民自出心裁造成織布機器一架已呈送提學使批發藝徒學堂考驗○吉林○吉省商人松秀濤沈海樓創設機器造磚有限公司名曰吉新近已集股開辦○山東○齊河縣創設草辦總工場由陽信招募男女教習六人至縣教授並飭各鄉董事各保送女藝徒一人入場學習限一月畢業回鄉充當教習工資飯食由縣給發近畢業者已及四十人由各董事先後領回在鄉設立分場以充各該里教習之選所出之貨由總工場驗明給價收買○德州西式簾帽為吳君金印創製專利年限未滿他人不能仿造乃有別出新裁製成各種簾器以相競爭者如藤席藤椅藤盤藤套等是也其尤輕便適用者則為小箱有腰圍形有長方形織法與簾帽略同製成後薰以硫氣異常潔白有管鑰可提攜略如西製皮包而以售價較廉故銷路極為暢旺○東阿縣創設教養習藝所已擬定章程稟奉前撫楊道帥批准立案○職商呂慶斯呂慶埕等招集股銀五十萬兩於濟甯

創設裕華實業有限公司先製火柴及機器榨油兩項以立基礎業經奉前魯撫楊蓮帥批准立案○贛商王子久以博山一帶瓷料宏富即在該處設廠試驗所出各件質料精細不減西製云○諸城縣舉人吳元瑞創製連機紡車一種其製以四機相連並置一輪作工者以腳踏輪以手拉線一次即能織紗兩條比較舊法頗稱便利云○濰縣果品惟衆最佳近有以之釀酒者味甚香美銷路頗暢○登州楊滋勛李文林留學日本專門工藝科近已畢業回國招集股本在煙臺西沙旺開設登武公司製造榨油壓棉各種機器以便東省各處工藝局就近購用○張太僕振勳近在煙臺創設張裕釀酒有限公司規模極爲宏敞專集華商資本購地百畝栽種葡萄八十餘種延聘奧國著名酒師住廠監造已呈由農工商部奏准專利十五年凡奉天直隸山東三省無論華洋商民一概不准仿造以免攪奪

山西○崞縣設立工藝局內分平民習藝所罪犯習藝所兩處製造毛毯線線帶繩等物已稟奉前撫恩壽帥批准○汾州開設濬源紡織有限公司已在農工商部註冊立案○陽城舊有習藝所近因規模狹隘籌款擇地改設工藝所貧民罪犯分別兼收教織板網以與本邑固有之利○遼州官紳合辦女子織紡局以設在本城者爲總局分設東鄉辛角村者爲分局近已妥議章程集款開辦又遼州人李立德留學日本有年近特回國在榆社城倡辦第一紡織局業已籌集股本定章與辦

河南○汴省袁方伯創設教養局收養貧民教織花布毛巾線毯毛氈蘆蓆及製操衣衣靴鞋等類其性近者各習一門自開辦迄今收入貧民已有五百數十名之多云○淮甯縣創辦工藝局招收學徒兼授識字習帖估料繪圖諸科以爲將來工藝之基礎○商水縣創設工藝廠即就鳳臺試院添建屋舍與辦○湯陰設立工藝局以五色羊毛製造登毯馬褥等件銷路甚廣又宜講向有織羅底紗者近仿緯紗織成袍料經緯停勻有出藍之麗另有蟬翼紗一種以五色

絲織成物美價廉尤為特色○林縣開設工藝局收買羊毛製造氈毯氈帽等件並擬僱覓巧匠製造氈衣云○滑縣高平集設立工藝廠自製各項機器銷路甚廣所製花布毛巾竹器靴帽等件均甚出色銷路亦頗暢旺○河南府紳商籌集股本就洛陽縣屬之石橋安設機器開辦水磨公司近已延訂工程師由商務局批准試辦○南陽府向有工藝局近更添設紡花織布機器俾工徒分認學習又新製西式單青坐椅嵌有鏡平石一方可折疊便搬運惟價值頗昂行銷未廣尙擬設法節省各費以期價廉物美又所製石筆之外尙有石版近更設法改良將石版磨至極薄四邊木框改用軟質物俾易於轉運而又不致碎裂各處學堂莫不爭先訂購云○鄧州產棉甚旺鄉人素未講求紡織僅能製成土布行銷本地近經該州牧溫司馬紹梁招集股本創辦紡織有限公司已稟請商務局立案○羅山產竹可供紙料近由張丁二君招集股本設立造紙公司以機器製造近已開辦出紙甚佳○光山縣魏君紹離自出心裁製造陸行汽車不需人力呈經商務局驗明製法機巧運用靈捷准其專利嗣魏君以家貧無力自製商准商務局札送工藝局由各匠幫同製造以資利用

江蘇○洞庭西山職商羅煥章在東村地方設立機器織布廠一所近已開辦○職商盧頤等籌集股本一萬五千元在昭文縣城創辦虞興織布有限公司仿織布疋毛巾等物以開風氣而濬利源○上海浦東瓦雪村人俞介山自出心裁製成手搖切糕機器異常靈捷可代六人工作蓋俞雖不文而心思極靈凡舊有機器裝置失宜不甚靈便者一經參以己意大加改良愈見靈捷所謂天才俞君有之又職商樊葵等集股五十萬兩在上海南市建設日輝織呢商廠已稟由江督端午帥奏奉 硃批農工商部知道又職商李鍾珪等招集股本在上海創設中國第一織呢股分有限公司近已開辦又商人種冠倫精究化學能以破爛舊布創製棉絮仍可紡紗織布近在上海招集股本設廠開造已呈請農工商

部註冊立案○淮揚道楊觀察以江北一帶飢民載道尤以孤兒爲最苦特就清江普應寺興設工藝局一所專收貧苦孤兒以九歲以上十五歲以下爲合格教以編蒲織席等事俟有成效尙擬擴充以期收教養兼施之效○紳士徐君等創設機器造紙廠以通州所產之稻麻楮桑皮蒲蘆草稻稿麥桿玉米稿等製造集股二萬元先行開辦已稟由商會轉呈農工商部核定

安徽○皖省商人殷馥亭彭選青等糾集股本創設日新造釘有限公司專造大小各種鐵釘以挽利源又職商涂冠羣等創辦織布有限公司近已稟准開辦○蕪湖開設同泰公司創製土質溝筒較之磚砌溝道價廉工省且能耐久不壞兼合田間溝漚之用并有各項器具如欄桿磚坂等類色頗可觀價亦極廉○又李廣記倡設興記機製磚瓦公司近已興工製造

江西○新建縣創設吉祥機器磚瓦公司近已開工製造○玉山縣向產麥草扇祇因提倡無人故出貨不多近經俞大令諭令改良已製就花紗羅蒙背洋緞鑲邊配以嵌銀絲木柄及明角等柄頗覺雅觀○宜春縣阮大令創設罪犯習藝所近已稟報省憲立案○景德鎮磁器公司原擬官商合辦近改歸商辦名爲商辦江西磁業有限公司係用機器仿造西磁已呈由江督端午帥奏准立案○金谿縣工藝院開辦後所出花布毛巾等物質精縷細頗合本處居民之用已將各樣解赴省局呈核○永新縣民風樸樸工作向未講求經前縣張大令覓有木工王姓教之做造學堂應用器物由是城鄉木工漸能互相做製復經現任石大令加意提倡該廠所造各學堂用品更見精美云○吉水縣職商陳振業等籌集股本開設興利樟腦公司分報各鄉就樹製腦已稟請農工商部批准立案

浙江○杭州職商孫蔚卿朱錫九等創設鼎和鑪詰廠聘工藝傳習所鑪詰科畢業生二人製造各種鑪頭食物近已出

實○甯波商人王汝翼等集股開設大茂肥皂公司業已稟奉甯紹臺道觀察批准立案又職商李傑恆等集股一萬元於江廈地方創立三益樟腦總公司並於鎮海奉鄉架橋設立總廠設廠已稟由鄞縣轉詳省憲立案又商人姚芳廷王製泉等集股二萬元創設光明燭皂公司近已開工製造○鎮海縣屬巖濤海三鄉產樟其盛近由林君家棟發起設立衛利樟腦公司已訂章呈請縣署通詳立案○定海廳官立工藝所一區招集女工教授織布近已擬定章程稟請省憲立案○金華富紳黃君根山招集股本設立公司製造樟腦近已聘請工師採樟試辦○義烏縣廬生丁玉璋於甯鄉佛堂鎮創設裕源織布公司分織各色花布已稟請義烏縣核准轉詳省憲立案○麗水縣貢生譚獻等以處屬地瘠民貧工藝素未講求亟應設法提倡因糾集股本創設利用織布公司分織各式布疋已稟由該府蕭太守轉詳農工商局立案

湖北○鄂省徐君克詹創設廣生織業公司專織東洋柳條各布近已開辦○又鄂省候補道程觀察祖福招股百萬兩先收五十萬開辦水泥榨油兩廠名為清華實業公司業已稟准農工商部各予專利年限以挽利源而資鼓勵又鄂省廣藝興公司經理黃佑先觀察以洋傘為日用必需之物購自外洋漏卮甚鉅爰籌集股本五萬元在白沙洲設廠開辦以期挽回利權又白沙洲官立造紙廠近已開辦以高佑諸觀察為總辦一切經費均由官錢局開支○施南府施太守紀雲與辦勸公所織造綢緞及勳漆等物近已稟准省憲免釐五年以示提倡

湖南○湘省官立工業學堂教習謝蘭畦等創造織斜紋布脚踏機織木並用中繫四線下承機括旁置大小織輪織時用脚踏之全機皆動逐層組織布紋自斜有致已由該學堂詳奉湘撫批獎並移請農工商務局示禁仿造又湘省黃君申甫風通電學仿造德律風頗能合用即電鈴電表電報機無線電機馬肝鐵之屬均能仿造現正選聘工匠購辦材

料組織開辦又湘省官立藝徒小學堂教習楊鳳年於電學頗有心得近悟出無線電新法手造小機器二具於收發電處彼此各立一桿中間相隔無論遠近並不立桿引線蓋用真空之電浪以相傳遞較有線之電尤為神速現已稟請省憲招集股本另造大機器就省垣至湘潭不甚相遠之地先為試辦以彰實業而拓利源○常德紳商梅景鴻等創設羣利紡織公司近已招股開辦

四川○川省勸工局及商務局合辦機製胰皂及黑頭火柴兩廠均延留學日本畢業生藍永藩為總經理已詳准省憲開辦又川商賴君前因經商美奧留美學習織造近已回國能自製機器紡織洋緞與川緞無異近擬集股設立公司推廣織造以挽利權○巴縣歌大令近將覺林寺改設幼稚工廠專收無依幼孩教作粗淺工藝一時賴以存活者甚衆○雷波廳紳沈曉亭等以貧民無業易流為匪特籌款就西門外設立游民工廠每人除供膳外月給錢三百以資補助○榮昌縣向出陶器其色略似泥金消行甚習惟商情散漫資本不充無甚發達近由向君等聯合本幫商人創設陶業公司可以合羣為宗旨以期改良貨物推廣銷路○榕木俗名黃葛隨地滋生枝葉濃茂根幹壯實實為無用之物近奉節縣唐少尉以此樹葉汁甚濃特悉心研究取汁數十斤製煉成膠極其明淨黏性亦佳已具呈農工商局考驗○平武縣紳許君以縣屬古城所產墨石最宜製造石版因雇匠開採仿製以供學堂之用運往重慶發售銷路甚盛

廣東○粵商譚世康獨出心裁以機器製造灰沙白磚頗合建築之用已稟請省憲轉咨農工商部准予專利年限以資鼓勵○南海番禺兩首縣人犯衆多非專設習藝所不足以資化導近由廣府陳太守就府司獄舊署及廣監建造添設已訂章呈請省憲察核○新會職商張鴻年就縣屬余家祠開設華興工藝廠招收藝徒教習各項工藝已稟由該縣轉稟農工商局立案○潮紳謝安仁創辦錦章紡織公司內分男女兩廠仿織各種布疋頗為合銷又同仁甲林君樂三就

縣屬新村設立織造公司購備機器邀合同志共相學習又饒君熙張君龍雲蕭君之楨等發起招股創辦大埔工藝公司仿習各種適合地方通行之工藝近已訂章開辦○興甯縣附生李任重自製五百倍顯微鏡一具呈請提學使試驗確與西製無異且一切原料皆係自製無一取材於外足見藝術精微當即批示嘉獎又陳君繩卿自出心裁造成織布機一架快捷異常業已開機試織○鎮平縣籌設罪犯習藝所及遊民工藝所就縣署右偏考棚改修業已訂章開辦○高州向有磁窰惟工質纖陋獲利甚微近由農工商局就府屬秋平村平岡官荒築窰四座招集工匠改良製造以期精益求精振興實業○松口鎮創設競化織染有限公司近已籌集股分訂章開辦

廣西○臨桂縣張君琴等籌集股本創設善因公司製煉桂林府屬八州縣樟腦稟請借給公款並予專利五年已邀憲道允准

蒙古○蒙古職商哈斯巴他在喀喇沁旗創辦工藝局一所就本地所產各項材料勸導本旗蒙漢人等製造各種物件兼授應用文字定名為勸業有限公司已稟由農工商部批准立案

申 戊
年 五 第

東 方 雜 誌

近年報章發達出版日夥記載繁博苦難備覽本社欲便
閱者仿日本太陽報英美面利費報體裁創設東方雜誌

已及五年 除自撰
論說廣

輯新聞翻譯要件外又選錄各種月報旬報七日報雙日報每日報名論要件區類十五分爲
圖畫社說諷旨內務軍事

外交教育財政實業交通商務宗教雜俎叢談 並附 小說
自譯

洋裝精美 每月一冊 預定全年十二冊本埠洋銀三元外埠郵費六角

日本同外國郵費一元五角青島香港澳門與外國同零

售每册大洋三角郵費五分 信局寄費購者自給一人定購五份寄送
一處者九折十份者八折詳章登載本雜

誌內如蒙 賜閱請向 上海商務印書館總發行所 (棋盤街北段四馬路口) 及 京都天津

奉天開封濟南太原漢口長沙成都重慶福州廣州潮

州各分館 並各省代理處函購可也 再丁 戊申年首冊仍於正月

二十五日出版 凡編輯印刷諸事均當精益求精以副 雅意 閱者鑒之
再甲辰第一一年十二册二元五角外埠郵費五角乙巳第二年

十二册二元五角外埠郵費六角丙午第三年十三册三元外
埠郵費六角丁未第四年十二册三元外埠郵費六角特白

廣 告

今日志學之士咸知從事科學特於教授材料因鮮有自製者遂不得不求諸海外坐是輸運不靈採擇難精利源外溢總此三弊而不思補救則我學界商界之咎也本館廣集資本暫用外國器械以應急需別設一製作部自製各種器械凡學堂所應用者無一不備價值從廉冀以備學界之利器而增商界之光榮焉諸器列目如左

普通及專門用物理學器械及圖畫

普通及專門化學器械及圖畫又藥品

動植礦各種標本模型圖畫

博物學製作及實驗用器械

天學及地學各種發明用器械及說明用圖畫

身體檢查用器械及人體生理模型及圖畫

體操用器械及說明用圖畫

繪圖器械及色料

幼稚恩物

體操用衣帽

各種美術文品

各種旗章紙幣戰蹟風景等圖畫

上海中國教育器械館 英租界棋盤街中街 謹啓

五十八九號門牌

本報創設上海蒙 外務部批准立案將及八年銷路日

廣丁未全年三十二册依期告竣戊申全年亦三十二册

每册仍加四頁並附印外交專書務使材料豐富體裁完

善即印釘諸事亦必精益求精並當按期出版以副 盛

意戊申正月二十五日發行第一號仍照丁未售價 預付 全年

者本埠銀四圓五角外埠五圓六圓本埠零售每册銀一角六分補郵

辛丑壬寅癸卯甲辰百册減為十圓外埠加郵費六角陝甘雲貴四川加郵

費一圓補辛丑兩册大洋三角二分壬寅全份本埠四圓外埠四圓五角癸

卯全份本埠四圓三角外埠四圓八角甲辰全份本埠四圓外埠四圓五角

乙巳全份本埠四圓二角外埠四圓八角丙午全份本埠四圓五角外

埠五圓丁未全份本埠四圓五角外埠五圓各年零售每册一角六分

如 定 閱 請 函 告 本 館 及 代 售 處 並 惠 報 資 自 當 依 期

寄報空函索閱恕不奉覆 再丁未本報附印之日俄議

和史各國略韓史中國歐洲交通史日本外交機關發達

史韓國政俗小誌五種均已譯印終卷 閱者鑒之

上海外交報館 英租界棋盤街北段四馬路

口商務印書館總發行所內 謹啓

小說

小軍 拯三厄

著者美國加撒林克羅女史
譯者平潮甘作霖

西歷一千八百九年。法蘭西軍在普魯士時。有法人路易生者。督糧官之一也。視普商某之女。阿弟蘭特。名海克司脫。姓與訂婚約。普商某雖不甚富。而聲望頗高。聞女事。心雖不悅。謂法軍侵普境。於普人爲公敵。焉有熱心愛國之人。而與敵人聯姻。愛峻拒之。路既遭擯。斥亦無如何。尋以幹練授任。至奧京維也納。遂與女隔。然終不忘盟誓。書臧往還。存問勿絕。數閱月後。商抱病甚危。淹滯牀席間。念家室凋零。弱女罔託。頗悔前事。遂命女與路結婚。路聞之。乞假赴普。嘉禮既成。以公事旁午。急欲返任。遂令阿留侍父疾。待既愈。而后歸。維也納路成行未幾。而商病良已。阿遂如約赴維也納。商雖愛女。不欲其遽違膝下。然格於理。無辭以尼其行。遂許之。於是路夫人啟程至德勒斯盾。謁路友曰孟奇者。由孟遣人護送至維也納。皆路所預約者也。

孟爲普政府所信任。負責普及教育之職。頗具幹才。稱爲熱心任事。然無定識。易受誘惑。夫人既抵其家。孟款待優渥。然心涎。夫人之美。思潛移。其愛夫之心。以愛已。遂自負其傾慕之。

小說 卷三 厄

丁未

誠並譖路之短。夫人漸覺其奸。驚懼殊甚。自是相見不復假以詞色。孟又以危言迫脅之。謂不從其意。則將蒙以不潔之名。使其夫離異之。而後已。夫人愈駭。知不可以一朝居。乃擯不與見。請許以獨行至維也納。孟見事已決裂。遂趨夫人前。力白前過。幾不自容。夫人怒乃稍解。

孟曰。某受路易生君之託。極欲與夫人偕行至維也納。以稍盡守護之誼。特數日來開罪良多。固知夫人必不許其同行。即予亦未敢冒昧。特是全國中烽煙未息。荆棘載途。謀等於德勒斯盾。雖若安居無事。而一出門。則艱難險阻情形。有非意料所及者。予豈能使夫人踽踽竟往。致復重予罪愆。幸舒意稍待。行將爲夫人覓一誠確可恃之護從。而後首途。則前此侮慢不敬之愆。冀可以稍贖於萬一。夫人憐其誠而許之。

夫人知兵事方殷。道途騷亂。喜孟之不復相擾。因而首肯。特孟自遭呵斥後。知不復能取信於夫人。而又恐其歸述。諸夫則名譽將從此掃地。心日怏怏。其妻久病牀席。於孟之奸計。絕無所聞。夫人久欲往見。孟輒託辭謝絕。遷延至月餘。而護從尙未至。夫人不能復耐。會一日路有書至。附於致孟函中。爲孟所匿。於是夫人潛行之志遂決。

一日。夫人部署已畢。將欲啟行。而孟已逆知之。入室慰藉再三。謂近有人有維也納之行。已

重託之可護。夫人同往。其人籍意大利。名墨聚羅。爲某武員紀綱。其妻則爲武員之管家婦。今以武員之召。同往維也納。夫人長途寂寞。又得女伴以共起居。固事機之最妥者。若曹於木曜日啟行。未知當夫人意否。

夫人聞之大喜。竊念自此可以脫狂且之擾。永靜好之歡矣。急應曰諾。及啟程之前夕。孟來謂曰。某與墨聚羅談。夫人同行事。彼囑予轉告夫人。謂設在路途見其妻作男子裝。請勿駭詫。蓋墨意謂路途多故。以一男子而護二女人。勢不能兼顧。不如佯作二男護一女。則益臻周至。夫人當亦謂然。夫人時以速歸爲幸。亦不暇審顧其他。又急應之曰諾。乃各歸寢。是夕夫人欣慰心與孟驚懼心。其深切殆不相上下。蓋一則自幸其得歸。而一則深慮其得歸。然夫人則固無惡念者。雖以孟無禮不無介蒂於胸。第思歸白其夫。勢必與孟奇開。此仇怨相尋。將至死而不已。是路易生幸福之驟滅。皆吾一人啟其端。固不如勿言之爲愈也。特是此仁厚高尚之心。斷非孟夢想所及。常惴惴然以爲夫人歸。則吾之名譽喪。職位失。生計絕。而此身將爲億兆人所唾棄。於是易愛慕之心。爲憎惡。又易憎惡之心。而爲毒害矣。一夕至梨園。與墨聚羅相值。墨本充傳遞書牘之急使。既而以詐僞失主者信。遂失業。馴至以詭術獵食。昔有一冶工死。人疑爲墨所殺。然以事無左證。幸免縲紲。孟少習律法。墨嘗登

門求計。故得以稔其爲人。知咱以重利則無事。不可爲是夕。遂與傾談。爲言夫人行篋之豐。並風以劫取。墨會意。軒眉而言曰。此行予斷不辭勞。且所作必鑿。君望惟吾妻當易敘。而并此外再挈一童子以爲予輔。足矣。所約既定。遂握手而別。

及夫人啟行之晨。孟故晏起。不出握別。而夫人亦深幸其然。惟致意侍者。代爲道謝。是日墨驅車至門。與夫人相見。侍夫人登車。夫人冠玄色天鵝絨冠。面暈厚紗。服胭脂色絹絲上衣。飾以黑貂。又以貂爲頸帶。外綠色大套。亦以獸毛爲裏。其價值之貴。固一望而知。墨與其妻。隱喪行篋中物。其珍富當必稱是。私心自慶不已。

夫人與墨夫婦。備極歡好。並預謝其沿途保護之勞。墨面目黧黑。神氣殊和藹。墨妻又奉侍惟謹。言語曲如人意。夫人大慰。於是驅車前行。至上午十一小時。始抵換馬所。蓋沿途逾數里。或十數里。必設有驛舍。供旅行者更易僕馬之用。既至。則有一童子侍車側。墨夫婦呼之曰喀爾。此童年可十七八許。面目廣闊。清秀中微帶魯鈍。頗似日耳曼人。墨言爲其妻姪。命於途照料行李者。易馬畢。墨與喀耳語。喀乃坐車前進發。

夕至停車場。墨下車。伺夫人及其妻出。導入站。墨妻與夫人相將登樓。墨呼人備晚餐而已。則與喀守視站中人。整理車馬。夫人聞墨呼其妻爲阿谷斯的那。然呼的那之時爲多。約既

登樓。謂願與夫人比室居。脫暮夜或有意外。可以互相呼應。夫人深謝之。尋晚餐備。夫人與墨夫婦共案而食。喀則伺的那後。若僕役然。其立處適面夫人。注目不稍旁視。夫人見而怪之。雖微恚其無禮。然不形詞色。餐畢。夫人以車塵勞頓。歸室就寢。於是三人闔戶。墨夫婦命喀坐餐。並語今夕之事。

墨首發言。以謀害夫人事。風喀使爲之。喀初未與謀。聞之殊躊躇。於是墨夫婦謂事成後。當以所得者。從優分給。並謂萬事有擔承者在。汝其無恐。喀曰。然則以何術。及何時何地害之。墨夫婦忖度再三。謂道途中。雖不乏荒僻所。可以下手。然其所乘者。爲驛車。將何術以掩御者之目。至既抵車站。不過更易夫馬。旋即啟行。萬無餘暇。足以及此。若謀之於逆旅中。則居室。鱗比。易驚。外援。其爲窒礙相等。

的那籌思久之。曰。由逆旅啟行。若少一人。斷不至動人疑慮。蓋來時爲二男一女。若既害路。易生夫人。則予可仍作女子裝。旁觀者。方以予爲夫人。予所坐車位。令喀爾據之。則旁觀者。又且以喀爾爲予也。如是則來時爲二男一女。去亦如之。核諸旅行勞。亦無稍差異矣。墨深以爲然。特倉卒不能下手。惟靜待機會耳。

墨夫婦議定。喀惟靜聽。既不贊成。亦不抗拒。未幾相率就寢。是夕所居逆旅。與德勒斯盾猶

甚相近。故夫人得以酣臥無恙。次晨進發。道中森林懸巨。暗蔽天日。格於御者之目。不將加害。晚宿驛館。寢室無幾。不能容多人。夫人遂與館中女同室。翌晨復行。墨躁甚。不能復待。遂默思得一方略。

前夕氣候嚴寒。夫人嘗命備爐火於寢室。墨思今晚必仍用爐火無疑。然則夫人之命。可一舉手取之。當夜止奴連堡旅舍。墨令喀往購煤炭。良久始返。謂肆皆扇息。無從購得。墨夫婦度此外無復他策。遂強忍以待來宵。

次日墨於車站挽馬時。令喀預往購炭。貯布囊中。載以行。會是日道路崎嶇。車行未易。夫人恐遭顛躓。遂下車徐步。於是墨與喀先後齊下。惟的以體肥。不便於行。仍坐車中。墨沿行車側。與御者相問答。叩以沿途止宿之所。蓋務欲得當以戕夫人也。

夫人與喀。則以天寒奔走甚疾。夫人曰。喀爾。汝何瑟縮。汝能與吾競走。至山巔乎。吾意藉此亦可禦寒。喀爾其試爲之。

喀爾聞之。不語而奔。夫人亦奔。及至山巔。夫人回顧笑曰。喀爾。汝爲吾敗矣。喀曰。憶曩日以競走過熱。汗流竟體。遂浴於河。不圖以此受病。幾至不起。今病雖愈。而膂力未復。故爲夫人敗也。夫人聞言。乃留意視其服。單薄不足禦寒。是時車已至。夫人遂謂車中儘有餘座。不如

令喀爾同坐於內。墨夫婦許之。喀既入車。則窗戶嚴閉。車中人各以獸皮覆體。團坐其間。漸覺遍體融暖。而鼻端頰上之青白色亦漸退矣。

是晚投宿後。夫人與的登樓。入視寢室。而墨命喀速往燃炭於爐。務令火焰極烈。喀欣然奉命去。墨又呼還與小語曰。汝既燃後。可入室。瞬目示意。則予將親往觀之。未幾。喀回。瞬其目。時三人方晚餐。墨乃託故出入夫人室。見炭火極烈。殊愜意。又嚴扇窗戶。令不稍透風。遂還至晚餐室中。

墨既去。喀即潛入室。取爐中炭。拋入街中。及夫人歸寢。覺室中甚寒。然以客中不欲多煩。僕遂闔戶。忍寒而寢。旋墨至。反扃其室。詭云。非此不足以使夫人安枕也。

於是墨夫婦與喀又聚議室中。謂明日將舍之而行。使逆旅中人發見其死。歟。抑自往啟戶。而佯爲驚悼其死。歟。喀爾堅稱不如舍之而行。惟的那則必欲發見其尸。既而墨謂喀爾。炭於爐。初不料其以是而死。猶可自解。若舍之。竟去。是不啻以謀害自承。反有所不利。於是議決。各就寢室。

喀身世殊極困苦。初鄉居。備受里黨酷虐。及墨夫婦召之來。欲驅策之爲己用。故遇之尙寬厚。以喀視之。已不啻出水火登衽席矣。是以謀斃夫人一事。喀雖心知其非。特不敢以違命。

取怒致遭擯斥。轉輾思維。惟有陽從墨氏以殺夫人。陰救夫人。以愚墨氏。是以取爐中炭投諸街衢。至明日。墨夫婦見疑與否。聽諸事勢而已。

翌晨。喀起特早。則墨夫婦已先出房。命喀喚旅舍中人備早膳。未幾。主人及侍者皆至。於是至夫人戶外。叩門促之起。夫人急應曰。服將竟。請稍待。即出。墨夫婦相顧駭詫。不覺變色。旋夫人啟戶出。活潑如常度。惟言昨夜未就寢。爐火已熄。殊以嚴寒爲苦。墨夫婦始恍然而喀亦遂得免二人之疑。

是日啟行。煤炭雖備於車中。而夕間宿處。寢室荒陋。無火爐。其有一二處稍寬之逆旅。則皆爲兵役所蹂躪。接行數日。皆然。墨急切不能下手。暴躁殊甚。蓋行程已與奧合斯堡相近。其地乃路所預約以迎其夫人者。

於是墨決計以一擊絕夫人命。較之焚煤之計。見效爲速。且聞御者言。是夜所抵之驛舍。處山麓下。環顧荒涼。其地居民。又皆粗暴獷悍。以殺人之爲習見事。墨心竊喜。以爲取夫人之命。舍此莫屬矣。

墨私語喀曰。汝今夜俟夫人酣寐時。以杖重擊其首。務使氣絕而後已。迨天明。則汝姑易服爲女子裝。逆旅中人。必不心疑。路易生夫人之未去也。

喀聞之。仍唯唯。不稍抗。既抵其地。果與御者所言無異。是真利於殺人之地也。墨率喀。尋一匿屍處。見澗中流水甚急。可以棄尸。近處又有一荒場。中有穴。深不可測。一若天造地設。爲路易生夫人墳域者。二人相視。皆大喜。

喀既歸。木然不發一語。既不敢逆墨命。又不忍置夫人於死地。中心志。不能自己。未幾的與喀利刃一命。持以殺夫人。方晚餐時。忽聞輪蹄雜沓。人語喧騰。墨夫婦命喀下樓視。則旅客盈羣。咸來投宿。寓主人以屋窄不能容多人。請於墨夫婦及路易生夫人。許男女各同室而臥。不得已允之。而夫人之命運。又如天方夜譚中回教王之妻。復得苟延一夕矣。

次日。墨憤然曰。此間距奧合斯堡。僅行程二日。若再遲疑。勢且不及。故無論如何。必當下手。非爐火。卽潛殺。二者必居其一的。曰。炭火昔已僨事。不如殺之爲決。截及抵宿所。則爲一驛舍。乃供給馬匹之所。而居室殊陋。無火爐。室外有河一。可以棄尸。墨曰。喀爾。今夜無論若何。汝必絕其命。喀答稍猶豫的。許以重酬。並竭力鼓其勇氣。喀唯唯。

晚餐時。喀仍目注夫人面。自思曰。數小時後。吾將手戮此美人之首矣。膳畢。的命喀取暖水二三桶。布數方。願謂路易生夫人曰。今晚各以溫水洗足。殊於身有益也。夫人良以爲然。並流喀挈一桶於己室。於是入室。未幾喀攜水至。自山頭競走以後。得獨與夫人相對。此其第

二次耳。喀置桶牀側。目視夫人。神色殊可異。蓋心知的那令取水。將爲洗濯血跡之用。而夫人猶在夢中。殊極可憫。思以情白夫人。則恐吾命亦將不保。踟躕不決。忽目注夫人。忽目注溫水。忽目注臥榻。

夫人笑曰。喀爾別矣。再行二日。則予將與路易生君相遇。汝路途勞苦。給事甚謹。予斷不忘汝之勞也。

喀爾聞言。目猶四顧不釋。少選乃言曰。別矣夫人。遂嗒然而出。夫人怪之。自語曰。嘻。蠢哉此子。其智與駕車之馬相去幾何。

喀既出。墨謂之曰。喀爾。今晚可以放膽徑行。斷不至有所窒礙。我曹可暫息。迨夜半二小時。驛舍中人靜後。可出行事的。問曰。將以何物爲之。墨曰。車中坐下。曾度一物。是猶宿於車魯斯時。予潛攜以出者。吾將往取之。以授喀爾。行未數武。又止曰。馬場土尙有人在。予若往取。此可怪物。必爲見者。生疑。不如待若曹就寢後。喀爾往取之可也。

墨夫婦遂就榻稍息。而喀亦席地臥。竟酣睡矣。及夜半。墨來。竭力推搖之。始寤。墨低語曰。喀爾。茲已二小時矣。速起。勿稍延。機不可失。寓中人方熟睡也。喀性極善臥。至此。乃拭目奮起。墨曰。來。夫人方酣寢。予適自其室外窺探而來。汝速至停車處。坐墊下藏有利斧。速擊

之來。

喀至是乃憶墨夫婦之約。遂奔往車中。墨戒之曰。設有人遇汝。叩以何故。汝答以主母得疾。來取藥筭也。

喀下樓。驟爲冷氣所侵。遂稍止。神氣頓清。心竊悔恨。不特謀斃無辜之夫人。而又不敵違墨。聚羅之命。既抵車中。攜利斧。還瞥觀牆上。懸有號角。陡憶沿途所經驛館中。往往備有是物。且某夜宿於羣山中。有旅客至。稍晚。即聞吹之以警暴客。計不如吹之以警醒諸客。庶足救夫人命。此念甫起。即捧而狂吹。吹畢。遂奔回樓上。

墨大驚曰。此行旅之畫角。喀木立於旁。色如死灰。不發一語。墨又言曰。喀爾。汝稍止。是殆吹以警馬匹者。吾聞人聲愈亂。彼等殆即去耳。

未幾。聞樓下有足聲。又燈光閃爍。墨低語曰。吾未聞有車至也。始聽少時。不聞有旅客。遂愈喀下樓視之。喀叩諸驛舍之主人。主人曰。時尙未有人至。然號角實爲驅車者所吹。大約旅人可卽至矣。

又待良久。而客尙未至。然主人及御者等皆不復就寢。相與靜俟。轉瞬已四小時。墨知事又成空。遂命喀就臥。

次日。墨曰。今晚我等將止於梅尼琴。是爲末次之旅館。其地殊繁鬧。斷不能行擊殺事。不如仍用前策。然成敗在此一舉。我曹必慎之又慎。務斃之而後已。

喀深望旅舍中不置火爐。則夫人明日即可脫虎口。豈知既抵後。寢室之美備。遠勝於向日所經。客室中各安置一爐。夫人見之良喜。以爲數日來被寒殊甚。今得之。度可安寢。遂命嚙早爲燃火。而館中侍者已預備矣。墨笑曰。是甚善。爐火必能極熱。而汝以炭投入後。因不患其熄。惟的意。謂不如待夫人就寢時。燃之。蓋恐其於解衣時。見蒸氣而留意也。

夫人是晚見客舍美備。至爲欣慰。且明日即可以與路易生相見。故晚餐時。豪爽逾於常度。譚墨夫婦曰。荷賢夫婦保衛力。明日當白於路易生君。必有以報高誼。且如予者。以一身而挈貴重之物數篋。亦可謂豪矣。言畢。皆大笑。墨默念路易生之酬謝。萬不足以敵篋中物。況又爲孟所諄託。故謀殺之心。仍不稍衰。

自梅尼琴至奧合斯堡。程不過四小時可達。故梅尼琴之止宿。殊屬可已。夫人是晚愉快異常。頓忘行路之勞。坐談逾十二小時。始告辭就寢。墨遂授意喀爾。命往備火爐。喀行而墨即隨之。監視喀燃炭。既畢。遂往導夫人入室。仍爲下鑰於外。言此間較爲嘈雜。雖不虞宵小。恐同寓者之煩擾。仍以反扃爲愈。言竟。遂置鑰於囊而去。墨於房外潛聽夫人就寢後。返謂其

妻及喀曰。吾等亦不如各往就寢。明日甫曙即行。夫人雖不同去。然斷不至有人疑及也。

喀歸寢後。默念燃炭時。墨嘗緊闔窗戶。令不稍透風。計不如敢之。則夫人之命可保。而明日墨夫婦未旦即行。夫人雖活。當不至疑及吾也。忖度良久。計遂決。一躍起。拾級下樓。夫人臥室。在自下至上之第一層。喀見馬場中。置有腳踏。所以備行旅登貨車或驛車之用。喀遂攀緣以登。漸及窗外。而窗又內繫。力啟之。必驚寤夫人。反召其疑。審度少頃。見窗作方眼格。遂徐舉其鉸鏈。內懸厚簾。以指撥置一旁。則臥榻彷彿可見。

喀思所入之空氣。必尙不足。不如潛入之。取爐中炭。擲窗外。庶幾萬全。又念夫人此時必酣寐。當不至驚寤。脫寤而呼。則事敗。遂逡巡不敢入。既思啟窗牖。明日或爲墨夫婦所見。必知吾所爲。不如棄炭之爲得。於是推窗潛行入。力掬爐中炭。擲窗外。灼手大楚。所勿顧也。度室中空氣已足。仍下窗。蜿蜒出。

當喀入室時。夫人明見之。蓋爲撥窗之聲所驚寤也。駭甚。方欲呼援。轉念不如僞睡以待。察入室者之果爲何人。未幾見喀。心益駭。夫人平時雖溫言怡色。以遇喀爾。然見其每注目細視。心滋不悅。度今夜之來。殆爲竊物。否則必有不堪設想之處。及入室後。桌上所置金錶絢指。及囊中銀幣。絕不染指。惟匆匆然。掬炭投窗外。不顧灼手。旋即下窗出。細思之。始恍然大

悟且感且懼。

小 說 卷 三 尾

十 四

十 二 月

及黎明時。喀睡方酣。即聞墨呼曰。速起速起。日將出矣。喀亦深望早行。恐夫人既醒。墨夫婦必至疑其暗助。且懼其別生奸計也。遂匆匆呼備車馬。的作婦人裝。面障厚紗。由墨掖之下樓。侍者立於階。鞠躬而別。蓋逆旅主人猶未興也。

是時路易生久待夫人不至。且自離德勒斯盾後。未接其一紙書。方切焦念。蓋所發函。皆爲墨夫婦隱匿也。路屈指行程將抵。乃往逆之行。至哥徐奇爾門。車爲一四輪馬車。所阻不能前進。車中坐男二女一。滿載行篋。默念此得非吾妻車乎。止問之。始知非是。乃道歉而別。及至梅尼琴驛館。止而換馬。館中人叩以嘗遇一四輪馬車內。載二男一女者否。路唯唯。館中人乃告以此間有一貴婦之行。李爲若曹所竊奪。路易生疑懼交并。及入見其妻。始知爲惡徒所給。於是急起迹之。至郭門始見。乃呼警吏拘之。時正墨夫婦欲潛行至柏林也。於是墨夫婦之奸計。悉爲喀道破。擬以縲首之罪。路夫婦重謝喀爾。爲之備贊就學。竟獲名譽。孟奇則爲社會所唾棄。潛遁至美洲。易姓名鬱鬱而歿。喀爾每爲路易生夫人言自山頭競走以後。實感夫人推解之德。故營救之心。發乎不自已。其實當時愚魯不學。實無辨別是非之眞知灼見云。

雜俎

光緒三十三年十一月中國事紀

▲為記者知此事之見於是日也
▲為記者見於此之在是日也

十一月初一日。△廣西鎮南關右輔山礮臺。為匪所陷。桂撫張鳴岐交部議處。▲汴洛鐵路鄭州至汜水一段。王參開車。初二日。▲以定成補授大理院卿。△議設圖書館於京師。廣徵各省圖籍。△粵省商船公會以英人干預捕權。定議盡撤洋旗。改懸龍旗。並請粵督悉除稅關苛例。初四日。▲廣西克復鎮南關右輔山礮臺。▲廣東擒獲欽廉亂首劉淵明等十六人。▲荊州將軍蔣淮卒。初五日。△選宗室二十人分赴各國留學。▲浙江教育總會開正式會於杭州。舉張元濟為會長。初六日。▲江浙鐵路。旨商辦不借外款之副代表王同愈許鼎霖楊廷棟張元濟孫廷翰入京。電督孫詒讓

雜俎

光緒三十三年十一月中國事紀

辭。初七日。△郵傳部奏設交通銀行。奉旨准其籌辦。理。周克昌為協理。准之。△德設領事於宜昌。初八日。賞醇親王載澧大學生張之洞等。△外務部電告駐法使臣劉式訓。照請法政府轉告德政府。禁匪擾邊。並斷接濟。△召樊恭煦勞乃宜湯壽潛丁仁長等七人入覲。初九日。△湖北設立諮議局創辦所。△浙江蕭山縣沙民。因丈量收地。聚眾抗拒。官兵傷數人。十一日。▲以沈會桐署理廣東提學使。▲以克復廣西鎮南關右輔山礮臺功。左江道龍濟光參將陸榮廷以下各升擢有差。▲盛宣懷奏陳蘇杭甬路事為難情形。諭令會同外務部辦理。十三日。△廣西梧州商人因英艦遊弋西江。集議創設航業公司。備艦八艘。以保海權。▲旅滬皖人開路礦會。十四日。▲以凌福彭補授直隸長蘆鹽運使。▲桂撫張鳴岐消去部議革職留任處分。▲赴日本答聘專使貝子溥倫回國。△粵督張人駿奏復水陸二提督舊制。請以秦炳直署

二十九

丁未

續 組 號三十三百十一月中國事紀

陸提。另簡水提一人准之。十五日。▲都察院副都御使陳名侃。以戒煙淨盡。回任供職。▲以瑞澂調補江蘇按察使。陸鍾琦調補江西按察使。十六日。△俄使允我國改海參崴商務委員為領事。十七日。▲以黃讓三補授河南歸德鎮總兵。▲甯夏將軍色普徵額卒。十八日。△外務部以僑民及留學生指斥政府為不安本分。特訂專章。飭各使臣嚴為限制。△江西南康教案。以賠教堂銀七萬兩。救民銀九萬二千兩。議結。十九日。△命民政部法部速訂報律。△駐粵英法領事。允禁西人包庇華輪。冒懸洋旗。違者罰銀監禁。華商一體辦理。二十日。▲朝旨以國民藉口立憲。干預政事。嚴令憲政編查館。會同民政部。速擬限制結社條規。嗣後各省利病。應由諮議局詳細討論。呈請本省大吏。咨送資政院採擇核辦。▲比使入京。二十一日。▲嚴旨切責學生干預國政立會演說抗拒官吏要求要政等事。命京外有關學務各官。切實厲禁懲罰。▲江

浙鐵路各副代表。謁外務部。商議挽回之策。不得要領而退。▲粵路協理黃景棠辭職。二十二日。▲禁京師聚眾開會演說等事。二十三日。▲浙藩信動自請開缺。准之。▲以顏鍾璣調補浙江布政使。朱善鏞補授陝西布政使。左孝同補授河南按察使。▲以朱益壽補授宗人府府丞。二十四日。△粵人設自治會。△日本設齊齊哈爾領事。二十五日。▲以劉廷琛充大學堂監督。二十六日。▲睿親王魁斌。莊親王載功。以戒煙淨盡。回任供職。二十七日。△雲南鐵路工程師義人瓦爾敦。被匪戕斃。義使向外務部詰問。二十八日。△御史趙炳麟。以開會結社。為預備立憲所有事。未可悉禁奏聞。摺上留中。二十九日。▲革新疆阿克蘇鎮總兵湯詠山職。以擅挪公款。任意荒蕪。為總督升允所劾也。三十日。▲以谷振傑補授

五十一

十二月



三井洋行

總行在日本國東京

分行

本國

札幌 函館 橫濱 名古屋
大阪 神戶 門司 若松

唐津 長崎 口之津 三池

臺北

清國 廣東 厦門 上海 漢口

芝罘 天津 牛莊 大連灣

韓國 京城 仁川

印度 孟買

香港

爪哇

馬尼拉

新嘉坡

大英 倫敦

德國 漢堡

美國 紐約 舊金山

新金山 西土尼

啓者本行開設上海有年歷蒙各省紳商垂顧貨真價實莫不交相稱譽現將專辦東西各國各種貨物略舉名目開列於後

軍裝 煤炭 五金 棉花 棉紗 棉布 絲

布 火柴 人參 木料 米 雜糧 各樣機

器 洋灰 紙煙 各種雜貨

再代辦各國有名水火保險公司事務以及東西各國有名商工公司事務發售貨自開列於後

兵船 輪船 軍火 紡織 染色 防火 瀝水

火車 製紙 印書 電氣 麵粉 皮帶 製

造銀元銅元各種機器

各省紳商賜顧本行格外克己以廣招徠請駕臨上海

四川路第十七號門牌面議可也

日本商 上海三井洋行謹啓

司各脫商標廣告



啓者司各脫乳白鰵魚肝油創自英京旋即馳名各國久蒙官紳士商讚賞曾照英國商律在上海總領事署註冊並按中英商約在中國海關立

案經用人魚商標爲記不論何國商人均不得仿效以偽亂真或販賣不論何種貨物及一切藥料亦不准用人魚商標或模仿本商標而稍改形式以爲假冒影射之計亦所必究茲特佈告倘有人故蹈以上諸弊一經訪聞定必稟官究罰

再者司各脫乳白鰵魚肝油係創自英京並非美貨富商巨賈購貨時辨明本鰵魚肝油商標上有英字倫敦字樣自不致誤會也

三井洋行

總行在日本國東京

分行

本國 札幌 函館 橫濱 名古屋

屋 大阪 神戶 門司 若松

唐津 長崎 口之津 三池

臺北

清國 廣東 廈門 上海 漢口

芝罘 天津 牛莊 大連灣

韓國 京城 仁川

印度 孟買

香港

爪哇

馬尼拉

新嘉坡

大英 倫敦

德國 漢堡

美國 紐約 舊金山

新金山 西士尼

啓者本行開設上海有年歷蒙各省紳商垂顧貨真價實莫不交相稱譽現將專辦東西各國各種貨物略舉名目開列於後

軍裝 煤炭 五金 棉花 棉紗 棉布 絲

布 火柴 人參 木料 米 雜糧 各樣機

器 洋灰 紙煙 各種雜貨

再代辦各國有名水火保險公司事務以及東西各國有名商工公司事務發售貨目開列於後

兵船 輪船 軍火 紡織 染色 防火 濾水

火車 製紙 印書 電氣 麵粉 皮帶 製

造銀元銅元各種機器

各省紳商賜顧本行格外克己以廣招徠請駕臨上海四川路第十七號門牌面議可也

日本商 上海三井洋行謹啓

司各脫商標廣告



案經用人魚商標爲記不論何國商人均不得仿效以偽亂真或販賣不論何種貨物及一切藥料亦不准用人魚商標或模仿本商標而稍改形式以爲假冒影射之計亦所必究茲特佈告倘有人故蹈以上諸弊一經訪聞定必稟官究罰

再者司各脫乳白鱈魚肝油係創自英京並非美貨富商巨賈購貨時辨明本鱈魚肝油商標上有英字倫敦字樣自不致誤會也

啓者司各脫乳白鱈魚肝油創自英京旋即馳名各國久蒙官紳士商讚賞曾照英國商律在上海總領事署註冊並按中英商約在中國海關立